



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

KD

51743

NEDL TRANSFER



HN 3PUX 2

Hans Lütking.



KD51743

Sonder-Abteilung der
H. M. D.
N. N. 1934

Alt Dörp un Stadt.

Plattdütsche Geschichten

von

A. Klapp.

I.

Hans Lüfking.



Bremen.

C. W. Roussell.

1882.

Hans Lüffing.

Plattdütsche Geschichte

von

H. Alapp.

Bremen.

C. W. Roussell.

1882.

Rotes Kreuz, Bremen

Sammelstelle für Lesestoff

Digitized by Google

KD 51743



H. L. Peirce

Klatſchhagen, 18. Januar 18 . .

Min leiw Unkel Ulling!

'T hett lang durt, bet dat ick min Verspreken, Di de Lebensgeschichte von Dinen ollen Fründ Hans ausdrücklich un ausführlich tau beschriwen, hollen kunn. Awer ick kann dor nich för, un dorüm mötst Du mi dat nicht för äwel nemen. Denn't was in de Irst ut den Ollen hier Nicks nich ruttaufriegen, bet Hans süßen kem, un sei nu ümschichtig dat Bertellen kregen. Dunn herwo ick de Geschichte upschrewen, un hier is sei. Lat di de Tid dorbi nich lang warden.

Awer Summer, wenn Allens gaud geht, un wenn Si bi de Aust sid, kam ick wedder un lat mi binnen, un seeg Körling man, hei süll för en rechten schönen siden Band för mi sorgen. Un nu Adjüs, un bliwt gesund bet dorhen. Welmaals tau grüßen von

Din

Kapitel 1.

'T lag knapp vör den gräunen Wald, dat Försterhus, up'n kahlen Barg, un doran slot sick dat Dörp, dat uneben un unegal bugt was. Weck Hüser legen hog un weck deip, un dörch de Dörpstrat lep en Waterinsel, dat männigmal den Weg sperren ded. Awer de Buren wiren dormit taufreden, 't wir jo von Dellers her so west, un 'ne orndliche Strat tau bugen, föll ehr nich in. Denn dat kost't Geld, un den Buren sin Geldbüdel is man von tagen Ledder. Un wil dat Dörp dormit taufreden was, was't de Förster ok. Wat gung em in'n Grun'n dat Dörp an? Sin Revier was de lustige, gräune Wald, un dörch den' führten Weg' un Steg' naug. Wiren sei ok männigmal dicht verwuffen, dat em de Aest un de Tacken von de Bäumen un Barken, von de Ellern un de Hasselstrük üm de Uhren slögen, so frog hei dor Nick's nah, denn de Wald mit Allens, wat dortau hört, was sine Lust, un an em düchte den Förster Allens gaud. Hei bog de Telgen ut'nein un wünn sick dordörch, as'n Jüngling, wenn hei mit sine Büßf' äwer de Schuller vör Dau un Dag' up'n Anstand gung, oder wenn hei den Bestand un dat Ufsehn von sine Bäum' munstern ded. Dat gräune Musch,

worup hei tred, was so weiß as Gummi elasticum, un de lütten, blagen Glockenblumen un all de roden, witten und gelen Bläumkens bläuchten so lustig, de Fink un de Drussel flogen so hell döörch de reine, flore Luft, un an den Häwen steg de Sünne up un schinte den ollen Förster in dat noch ümmer junge, muntere Hart herin, dat hei jeden Dag von Nigen säuhlte, äwer sinen Wald gung em Nicks in de wide Welt!

Hei was all sid langen Johren Förster in dat einsame Döörp, un't was'n groten Forst, den hei tau verseihn hadd, de Oll mit dat frische, rode Gesicht, mit de grisen Hor un de lütten, listigen Ogen, ut de so'n rechten lurigen Schelm heruterkef, de tau seggen schinte: So'n lütten, nüdlischen Schabernack, den spel ik Jug gortau girn! Un so was't of, 't was'n rechten geburnen Spaßvigel, de oll Förster Lütting, un sin grötstes Vergnügen was't, wenn hei Einen anführen un tau'm Besten hewwen kunn. Hei frog dor of Nicks nah, wenn dat männigmal en beten dägern utföll, denn dat was sin Hauptpläsir, wenn hei de Lüüd in Verlegenheit bringen kunn. Wenn de Fru Förstern en niges Deinstmäken namen hadd, denn stund hei Abends in de Düsterniß döör de Purt mit ümgekehrten Aewerrock un allerlei Masökens an'n Lim', un jog de Dirn tau'n fröhlichen Anfang en Schrecken in, dat sei de Water-eimers fallen let un ludhals' an tau schrigen fung. Un wenn sei denn mit grote Sprüng' up dat Hus losstört'te, denn freute sick de oll' Herr un säd binnen in de Stuw tau sine leuwe Fru: „Dei heww't wesen,

worans dat hier taugeiht. Dei löppt mi Abends nich wedder nah Waterhalen." Un wenn hei achter 'ne Buddel Win satt mit sine Frün'n, de Försters un de Jägers ut de Nahberschaft, denn was dat sin Hauptvergnügen, Geschichten tau vertellen von dat, wat hei in sinen Jägerstan'n all erlewt hadd, un äwer dat, wat sei dor tau hören fregen, reten de gauden Lüd nich blot de Uhren, sündern of Mul un Räß' up, bet sei marken deden, dat wiren all Flusen un Flunkerien, un mit de Wil kennten sei em ut un leten sich nich mihr tau grugen maken.

So was männig Johr vergahn un jedes enzelne dorvon hadd sich affhaspelt, as 'n Faden von de Fru Förster Lütting ehre Spul, so fix, so eben un so egal, so ein as dat anner. De flitige Fru hadd all en schönen Backen Vinnen tausam spinnen för ehre beiden lütten Dirns, ehrtwegen kunnen de Frigerslud kamen, de Utstür leg parat un sei wüßt gewiß, mit ehr Döchtings würd Keiner bedragen. Gusting un Hermining wiren 'n por grote, flitige un of hübsche Mätens, un Gusting was of all lang tau'ner Auguste avancirt, äwer ehr Swester blew, wat sei ümmer west was: Hermining! Sei was jo de Jüngst, un 't hadd of wirklich Keiner wüßt, woans hei dat maken süll, de lütte, säute Dirn anners tau näumen, as mit dat zärtliche, truliche „ing" tau'n Schluß. Auguste was en rechtes düchtiges Landmäten, stark un gesund, dädig von Morrn bet Abend, sei was ehr Moder ehre Wirthschaftsmamsell un ehr'n Bader sin Secretair, un wenn

sei mit Allens prat was, denn lewte sei för ehr Swebsting,
 un de Beiden wiren ein Hart un ein Seel. Hermining
 was en fin Mäten, lütter un zarter as Auguste, äwer
 of vull Lewen un Gesundheit. Ehr let 't as 'ne Knupp
 von de wille Ros', de an ehren Struk in den hellen
 Frühjohrschin upbreken will, mit den ganzen Duft von
 den gräunen Wald un den blagen Häwen um sich her.
 Ut ehre brunen Ogen lücht'ten de Sünnenstrahlen, un
 wenn sei in ehre brunen Hor ümmer en Kranz von
 junges Low un Waldblaumen dragen hadd, as dat
 Sündags männigmal geschach, würd sich dor Keiner
 äwer wunnert hewwen, denn up ehr ganzes Wesen lagg
 en Schin von Wald un Blaumen un Sünnenlicht. Sei
 was as en säuten Drom von unsen Herrgott sine ganze
 Schöpfung, un bi all ehre friische Fröhlichkeit lagg doch
 en deipes Sinnen un en irnsten Gedanken up ehre flore
 Stirn, un Fremde, de dörch Ossendörp kemen un in dat
 gastliche Försterhus inführten, näumten sei de Waldfee.
 Männigein von de jungen Försterföhns süßte nah dat
 schöne Kind un makte en groten Uemweg, üm ehr tau
 beegen, äwer Hermining makte sich ut ehr Nick's nich
 un dachte mit ehre sösteihn Johr an Nick's weniger, as
 an Frigen oder Verleiwten. Lütting freute sich doräwer,
 denn hei hadd't mit de Frigeri von sine Döchter's nich
 so hild, as sin Fru. „Wenn sei frigen“, säd hei, „bliwen
 wie allein, denn Hans möt, wenn hei utliht hett, sülwst
 Förster warden un möt of frigen. De Lütting's dar=
 wen nich utstarwen, un hei is uns' einzigst.“ Dortau
 süßte de Fru Förstern, denn se sach woll in, dat ehr

Mann Recht hadd, äwer sei hadd doch am leiwsten ehren Hans bi sich behollen, as Adjunct von sinen Ollen.

Hans was en por Johr up 'ne Forstschaul weft un hadd nu utliht. 't was den ollen Lütting suer worden, den Söhn up de Akademi tau erhollen, äwer hei hadd't dörschjett't. Sei hadd keinen Win mihr drunken, hei hadd stats den schönen Knaster, den hei süs roken ded, von Iud Schmulen, de disse Ort von Handel in Ossendörp bedrew, dat nichtswürdige Krut köfft, wat de för „echten Barinas“ utgaww, un de Fru Förstern hadd en por Johr lang mit 'ne sihr äwerlegne Min tauscihn, wenn de Kopmann ut Klatschhagen sine Brauwen un Däuker und Sommermantillen, sine Rageweikas un Hauben un all den bunten Kram von Bänner un Ranten utpackte, un hadd dorbi seggt: 't wir all nich mehr so gaud un so solid as vördem, un sei brukte Nicks för sich un ehre Döchter. Leider Gott! sei wüßt abslut nich, wo sei desen Winter de ollen Kleider noch mal rutpuzen wull, un de armen Lütten Mätens stunnen dorbi un seken de Herrlichkeiten so wehleidig an, — denn en siden Band un 'n por Glen schön gemunstertes Tüg is för jede junge Dirn unner allen Umstänn'n en Hartenswunsch! Äwer 't gung nich, 't gung wirklich nich, so swor dat of de Öllern würd, ehre leiwen Döchtings en Affschlag tau gewen, un Auguste un Hermining wiren of verstännig naug, dat intau seihn. Sei flichten un tüderten an ehre ollen Kleider herüm, iim sei nochmal en beten tautaufstuzen, dat dat 'ne wohre Lust was, ehr flitiges un vergnägtes Dauhn mit antaufcihn.

'T was 'ne gaude Ort in de Lütting's, un ehre Harten wiren all mit Gold an'nanner smädt, mit dat echte Hartensgold, wat 'ne rechte, true Leim, Öller-, Rinner- und Geschwisterleim rupperhalt ut den deipen Schacht von de Minschenseel. De beiden Swestern freuten sich doräwer, dat sei för ehren Brauder 'ne lütte Entbehrung liden kunnen un wiren in ehre ollen Kleider grad so vergnügt un taufreden, as wenn sei in luter nige rümfstolzirt wiren. Un as nu ehr Moder, üm doch of wat tau dauhn, den Börslag makte, sei wullen ein fett Swin weniger slachten, as süs, un wullen dat ein verköpen un de Summ, de't bröchte, tau Hans sine Studientkosten leggen, dunn würd' dat of annamen, wenn of in de Jrst mit Protest. Dese Protest kamm äwer blot von Lütting sülsen. Denn uns' olle ihrliche Förster hadd of sine swacken Siden, un ein dorvon was de Swinslachteri. Ahn drei fette ingeslacht'te Swin gaww hei sich taufreden, un wenn hei of süs keinerlei Ort von Mißtrugen gegen sine Fru hadd, bi't Swinschlachtung hei ehr nich von de Flank. Dat müßt Allens nah sinen Gaubdüngen makt worden. Hei stunn dorbi, wenn de Wust, Met- un Brad-, Blaut- un Leberwurst anmengt würd, hei smet sülsen Solt un Peper doran un smette dat denn, wenn de Schlachter mit sine fettigen Hänn' so 'n rechten glatten Klump dorvon taurechtbrückt hadd. Hei verlangte äwer of sinen Lohn för dese Mäuh, un dat beste, saftigste Stück Ketelfleisch mit en kräftigen Snaps Rurn dortau dünte em schöner, as dat köstlichste Mahl von den Kaiser sine Tafel. Nu

süll hei dese Freud einmal weniger geneiten? 'I was en swor Stück, — äwer hei ded't — för sinen Hans, de ja doch wat Dächtiges lihren müßt! Un so keß hei denn wehmäudig twors, äwer doch mit en sihr taufrednes Gewissen achter dat unbehülplich fette Rüsselveih her, as de Klatzschhäger Slachter kamm, üm 't tau halen. Dat Affscheidsgrunzen klung em noch lang in de Uhren, äwer dat schöne Stück Geld, wat hei löst hadd un nu sinen Jungen schicken kunn, hadd doch noch en betern Klang för sin Baderhart, un hei slog sich alle trurigen Gedanken ut'n Sinn.

Nu wiren äwer de Lihriohren üm. Haus süll nu taurügg kamen un den Sommer äwer tau Hus bliwen, un negsten Winter kunn de Förster wedder drei Fett-schwin insolten. Hans sine Tügnissen wiren gaud, sihr gaud sogor utfallen, hei hadd ut de Bäuer wat Drndlich's lihrt, un de Dll freute sich nu, sinen öbbersten Jägerburßen, as hei Hansen näumen ded, gehörig in de praktische Kur tau nemen. Hei kunn kum de Tid aftäuwen, bet dat hei kem, un hadd em schrewen, hei süll den Dag angewen, denn wull hei em en Wagen schicken. Äwer Hans schrew taurügg, hei bedankte sich för den Wagen, hei wull leiwer von Klatzschhagen nah Offendörp tau Faut gahn. Dat Kumpeln up so'n Wagen bi de slichten Weg' wir för em gräßlich, un den Dag künn hei ok nich angewen, denn sine Frün'n un Komraden wullen em irst en Affschidsseten gewen, un dor müßt hei bi sin. Hei kem, un wenn hei kem, denn wir hei dor.

Dat was nu en rechten dämlichen Snaß von Hansen. De Oll fragte sich verdreitlich achter de Uhren, un de Fru Förstern un Gusting un Hermining seggen bedräumt ut, denn sei hadden sich dat so schön utdacht, wo sei den Sähn un Brauder fierlich mit Blaumen un Kränß' un mit 'n groten Kaufen empfangen wullen! Nu was dat Nicks. Äwer Hans hadd ümmer sine Mücken hadd, na, wenn sei em man irst hier hadden, denn füll hei de woll laten, un wenn hei so 'n Dag lang rümmerpürsch hadd un hungrig un böstig nah Hus kem, denn würd hei sich dat Hegen un Plegen woll gefallen laten!

'T was nu all in'n April, de Dag' wiren schön lang, un 't was warmes, fuchtes Weder, so recht as de Landmann sich dat för den Aprilmand wünschen deiht. Auguste un Hermining seten vör de Husdöhr up de Bank un seken den Weg entlang, den Hans kamen müßt.

„T' fall mi doch wunnern“, säd Hermining, de den Kopp an ehre Schwester ehr Schuller leggt hadd, „wennihrt dat Hans nu woll kamen ward. Wi durt de Tid gortau lang, id' herwo 'ne rechte Sehnsucht nah em.“

„Id' ok“, antwurt'te Auguste, „un id' glöw ok, dat hei nu bald kümmt. Wi is dat grad so, as müßt hei hüt noch kamen.“

„Denn wir hei doch nu woll all hier, 't ward jo all Abend. Ne, Gusting, id' glöw, hei kümmt morgen. Du weißt jo, äwermorgen is sin Geburtsdag, denn ward hei einuntwintig Johr olt, un de Freud, dat wi em denn hier hewwen, de verdarwt hei uns nich.“

„Wo't em woll lett“, säd Gusting un sek in den

Häwen rin, as seg sei em dor, „'t is jo nu all en Johr, dat wi em nich seihn hewwen. Sei schrew doch mal, hei habb en groten Bart.“

„'I lett em schön, sihr schön“, säd Hermining mit grote Bestimmtheit, „un ick weit gewiß, dat sück alle Mätens, vörnehme un geringe in em verleiven.“

Auguste lachte un gaww ehr Sweisting en Ruß. „Ick glöw, Du büßt sülvst in em verleivot, äwer man sachten, dat Si unverständigen Dirns em nich den Kopp verбреigt. So 'ne Mannslüd', de sück up ehre eigene Person wat inbillen, kann ick nich liden.“

„Seggen ward em dat jo of Rein', äwer süh mal Gusting, Hans möt jo doch frigen, un denn —.“

„Dat möt hei“, föll Auguste ehr in't Wurd, „äwer dat hett noch lang' Tid, denn worup wull hei jüst woll frigen? Sei möt doch irst 'ne Anstellung hewwen. Re, wenn Hochzeit sin sall“, sett'te sei zärtlich hentau un drückte sück Hermining ehren brunen Kopp an de Bost, „denn wardst Du dat woll sin, min Lütt! Ick weit naug, de di gortaugirn hewwen müggten, un ick verdent ehr dat of nich. För mi sall't de grötste Freud sin, wenn ick Di dinen Brudfranz binden ward. Min Myrtenstock hett äwer Johr so schöne Ewig!“

„Wat snackst Du nich Allens“, säd Hermining, un set nu of in den Häwen, ick dent nich an Hochzeit un Brudfranz. Du büßt de Dellst, Du kümmt taurist.“

„Ick frig äwerall nich“, säd Auguste sihr bestimmt. „Ick bliw bi uns' Dellern; denn Einen möten sei behollen, de sei plegen kann up ehre ollen Dag.“

„Na, un ick help di dorbi! Süß, Hans möt frigen, dat kümmt em tau, un wenn hei denn vielleicht up 'ne Stäb wid weg is, un ick süll of weg sin, dat höll ick nich ut. Ik würd denn so vel an Zug denken möten, dat ick krank worden würd, un denn möten sei mi doch wedder hierherbringen, denn anderswo, as hier, künn ick nich lewen.“

„Recht machst Du hewwen“, säd Auguste nachdenklich, „ick glöw, mi sülwen würd't so gahn, un ick kann mi of noch gor Keinen denken, de för di tau 'n Mann passen bed, 't müßt denn 'n Graf oder 'n Baron sin.“

„Ne, Gusting“, lachte Hermining nu, „Du büst äwer wirklich narsch hüt. Ik un en Baron! Ne, Hans, de möt' ne Börnehme frigen, dat sei tau em paßt. Sei süht jo sülsen so vörnehm ut, as en Graf! Sin möt sei sin, äwer gaud un flitig of.“ —

„Belen schönen Dank, lütt Svesting, för Dinen framen Wunsch!“ rep dor up einmal 'ne helle, kräftige Stimm, un en por kräftige Arms foten de beiden Mätens tausam üm, un en groten, brunen Bort fuschelte ehr in de Gesichtser rüm, wat sovel bedüten süll, as Rüß', de de Lippen dorachter ehr ümschichtig gewen deden. Gusting un Hermining hadden vör Uverraschung beid' tauglik lud upschregen, äwer dunnn wiren sei still un hadden den Brauder in'n Arm un küßten un drückten em ümschichtig, un achter ehr stunnen de Dellen mit verflorte Gesichtser un folgte Hänn' un kelen tau un hadden helle Freud' an ehre Rinner. Hans was, ahn

dat em Einer seihn hadd, in de Achterdör rinner kamen, un wenn Gusting un Hermining sich nich so interessant äwer dat Frigen unerhollen hadden, denn hadden sei den Upstand hören müßt. So äwer leten sei sich von ehren Brauder äwerlisten, de grad noch de lezten Würd von ehr Gespräch vernamen hadd, un hei neckte sei nu nah Hartenslust damit, dat sei 't so gaud mit em vörhadden, wobi Jedwederein doch marken kunn, dat em 'ne rise, vörnehme un gebill'te Fru sihr nah de Müß wesen kunn. Nu fung äwer de Prilregen mit lise, warme Druppen an tau fallen, un sei gungen in de Stuw, un dat Bertellen gung los. Hans müßt natürlich tauirst berichten, un as hei sin Afgangstügniß vörwes', dunn glänzten de Ogen von Dellern un Swestern vör Stolz un Freud'. Ja, Hans was en düchtigen Kirl worden, un em tau Shren ampelte de oll Lütting runner in sinen Keller un halte sinen lezten suren Win, un sei drunken all up Hansen sine Gesundheit. Dunn vertellte hei of von den Affscheidscommerz, un makte 'ne lütte Beschreibung dorvon, woans dat dor taugahn was, un ob-schonst dorut hervörgung, dat Hans bi sine Commilitonen sihr vele Leiw' geneiten ded, makte de Försterfru doch en bedenkliches Gesicht. Äwer Hans slog den Arm üm ehr.

„Dat man sin, Moder, 't hett mi Riicks schadt, id herow den annern Morgen en por sure Hiring' eten, un dunn was 't all weder gaud.“

„Ja, äwer“, säd de Fru Förstern verzagt, „wenn Du Di dat anwenn't haddst, so tau lewen, un füllst nu hier“ —

„Jh, Mutter“, föll Lütting ehr in de Red, „wenn hei sich wat antwenn't hett, denn wenn't hei sich dat hier wedder af. Suern Hiring kann hei hier of kriegen, äwer Commer's' gihwt dat hier nich. Min Glas Win kann ich mi nu äwer wedder hollen, un den' fall hei mitdrinken, un Zi kânt Jug wedder Aledagen un Fladusen un wo de ollen Dinger all heiten, köpen, wenn de Kopmann mit sinen Kasten kümmt.“

Hans horkte hog up. „Wat?“ frog hei, un sek von Einen taum Annern, „herwen Zi denn dat nich kunnt, so lang as ich up de Akademi was? Ach, nu seih ich, wo 't is! Un dor herwo ich olle undankbare Klas nich an dacht! Zi herwen Jug Allens entseggen müßt, dormit, dat ich studiren künn! Min leiw' Moder, min lütten, leiven Swestern, wenn Zi wüßten, wo leid mi dat deiht! Min oll Vader hett kein Glas Win drinken künn un ich — o de olle dämliche Commer's!“

„Holt“, rep Lütting mit 'ne Stimm, as wenn he 'ne ganze Jagd cummandiren ded, „so slim is 't nich west! Du sühst jo, ich herwo noch Win, un sei herwen noch Aledagen. Bruckst nich tau glöwen, dat wi dinetwegen froren un hungert un döst herwen!“

„Ne“, rep de Fru Förstern, un verget ganz, wo untanfeden sei noch eben mit den Commer's west was, „min Söhn, dat herwen wi nich, un Dinen Afscheid von Dine Frün'n bruckst Du Di nich leid worden tau laten, un nu fallst Du mal seihn, wo flott wi hier leben.“

Äwer up Hansen habb de Sak doch tau vel In-

druck maht. Hei gung unruhig de Stuw up un dal un säd nah 'ne Wil: „Ich heww mi dat all lang' äwerleggt, worüm id hier unnütz Brod eten sall. Ich heww min Ding' lihrt un kann 'ne Städ as Forstadjunkt annehmen, un wenigstens minen Unnerholt verbeinen. Ich heww Zug so vel kost't, id mügg nu för mi sülsen sorgen, un einmal müt id 't jo doch.“

„Ne, ne, ne“, föll Lütting in, de vör Ungeduld bi dese Red mit Arm un Bein zappeln ded, „dorum ward nicks! Desen Sommer bliwst Du hier un geihst bi mi in de Vihr. Du magst Din Ding' ut de Bäuker woll lihrt hewwen, äwer von de Praxis versteihst Du noch nicks, un de möst Du of irst kennen, dormit Di dat nich geiht, as unsen ollen Schulllehrer: Von Allens reden, un von Nicks wat verstahn.“

Hans sweg still, denn hei seg in, dat sin Vader Recht hadd, un dorüm hadd hei of kein Wedderwörd mihr.

Kapitel 2.

Dormit was't denn nu asmaht, dat Hans för't Irst tau Hus bliwen sull, un sei freuten sich all daräwer, un of hei sülsen gaww sine Bedenken up. Tau Hus! Hei was so lang weg von Hus west, un dese Summer wir nu woll de letzte längere Tid, de hei hier bliwen würd! Hei namm sich denn of vör, sei to geneiten un nah Mäglichkeit uttaunugen. 'T was jo doch narends so schön, as in Ossendörp, un de Forst hürte tau de

besten in'n Van'n. Wenn hei dor späder mal Förster
 sin kunn an sin's Vaders Städ, en grötern Wunsch
 glöwte hei nich tau herwen! De Oll mügg't of wol
 so wat in'n Stillen sinnen, äwer hei sprok't nich ut, hei
 fäuhlte sich noch tau rüstig, üm an sinen möglichen
 Nahfolger tau denken. Awer hei namm den Sähn
 flitig mit tau Busch, un't was 'ne Lust, de Beiden
 tausam up de Jagd gahn tau seih'n. Hans was 'n
 schlanken, kräftigen Minschen mit 'n frisches, klares
 Gesicht un 'n frisches, klares Wesen. Klauft un ver-
 stännig, iwrig un up den Platz tau jeder Tid. Sin
 Vader müßt dat hal wol marken, dat hei up de
 Akademi en gauden Grund leggt hadd, denn Hans
 wüßt mit Allens Bescheid un treffen kunn hei, as de
 Hirschtödder von Coopern, von den'n Lütting mal eins
 'ne schöne Geschicht' lest hadd. De oll Förster rew sich
 denn of de Hän'n vör Vergnügen, wenn hei sine
 Kollegen von sinen Sähn vertellen kunn, und dat denn
 sine Jagd- un Heldendaten bi dat Vertellen so in de
 Höcht' un de Breid' un of in de Tahl wussen, as Fall-
 staffen sine stiwlinnenen Kirls, dorbör kunn Hans nich.

'I würd nu en ganz anner Lewen in den Försterhuß'.
 'I was, as wenn de ganze Gegend up den Schall von
 Hansen sin Jagdhurn lebendig worden was, un 't würd
 en Besäufen hen un her, en Ramen un Gahn, 't würd
 'ne Lust un en Lewen, dat Gusting un Hermining
 orndlich ut ehre stille Blaumenrauh upstürt würden un
 von de Welt wat tau seihn kregen. De jungen Försters
 un Förstersöhns, de Forstgehülpen und Volontörs ut

de Uemgegend versammelten sich all üm Hansen. De ein hadd 'ne Schwester, de ein 'ne Kessin un en anner 'ne Brud, un sei bröchten sei all mit nah den Forsthuß in Ossendörp, un dor würd dat nu ein fideles Wirken un Dauhn. Hans stunn dormang as en Cummandür. Wat hei säb, dat deden sei, un wat hei angaww, dat würd utführt, un de ollen Lüttings hadden Nicks dorwedder, dat ehr Kinner sich verlustiren deden, d. h. wenn vörher de Arbeit, so as't sich gehört, afdahu was. Picknicks un Spaziergäng' ümmer Forwiß' hinner 'nanner, un denn mal eins tau Wagen ut, d. h. de Frugenslüd, un ehre Champignons tau Bird, — so gung dat jeden Sünndag, un wer wull ehr dat verdienen? Einmal is de Minsch man jung, un ehre Lustigkeit was ok so unschüllig un genügsam, dat dat de Engel in'n Hemen un süßst den framsten Betisten freuen müßt. Denn wenn af un an en Regen ehr Vergnügen unnerbrökt, denn flücht'ten sei in't Försterhus, un dor seten sei as pöfelt Hiring' in't Fatt un wil sei denn Nicks anners dauhn können, wullen sei Eins singen, un de Fru Förstern sett'te sich an ehren ollen Klawezimbel un spelte dortau. Sei kunn äwer Nicks, as Gesäng' un Choräl', un de ganze Gesellschaft denn, wil ehr dat am besten paßte: „Freu' Dich sehr, o meine Seele!“ oder „Warum sollt' ich mich denn grämen!“ u. s. w., un 't was wirklich 'ne rechte geistliche, andächtige Lust. Frilich nahsten, wenn Gusting mit de Lamp lamm, denn äwer naum wol mal ein von de jungen Lüüd' den „instrumentalen Theil“ von dat

Conzert un ut de framen Leider würd en rechten unframen Hopser oder Schottischen, un ihr siß dat denn Einer versach, wiren Disch un Stäuhl bi Sid schawen, un dat Danzen gung los in de lütt Stuw, as heft mi nich seihn! Newer denn tog Hermining sachten de Vorhäng' vör de Finstern tausam, dat de leiwten, lünnen Engels nich rin kien können, un denn danzte sei ok, dat de brunen Flechten losgungen, un de frischen Backen gläuheten, as ne Pijon! Un Hermining behöll Recht, wat Hansen angüng. 'I wohrte nich lang', dunu hadden siß all de lünnen, nüdlichen Mätens in em verleimt, nich blot de Försterschwestern un Refinen, ne, ot den Paster sine Döchter ut Deipenthal un sogar de beiden Döchter von den Oberförster in Klatschhagen, de all ut de kindlichen Johren wiren un siß süß för 'en ganz Deil beter höllen, as Gusting un Hermining. All kelen 'i blot nah em, mit em wullen sei All am leiwsten tanzen, un Bertha, de öllst von de Oberförstermamsells, höll dat för utgemakt, dat hei ehr an'n Arm hewwen müßt, wenn sei wide Spaziergäng' maktten. Hans wüßt dat recht gaud, dat hei Hahn in'n Korrw' was, hei makte siß äwer ut all de Anbedung nich vel. Newer de Neumvermaud steg em tau Kopp, un dat is kein Wunner, denn wenn so 'n jungen, einuntwintig-jöhrigen Minsch fühl, dat so männig blages un brunes Ogenpoor sehnjüchtig nah em henschult, un so männig hübsche Mäten rob ward, so brad hei ehr man begegnet, denn is dat tauvel verlangt, dat hei siß nich för wat Besünneres hollen fall. In dese selige Anbillung geröd

Hans denn nu of mit de Wil herin, hei drog den Kopp noch höger un smet de brunen Locken in den Nacken, un in sine Min stunn dat düttlich tau lesen: „Si hört mi All! Mi hört de ganze Welt!“ Hei fung nu in finen lustigen Neuvermaud an, mit de jungen, unerfohrenen Harten, de sich an den smucken Jäger verluren hadden, sin Spill tau drimen, nich ut bösen, man blot ut unbedachten Sinn. Hei drückt' de Ein de Hän'n so dägt, dat sei sich de Weihdag orndlich verbitten müßt, dat't man de Annern nich marken deden, hei smet de Zweit en Blick tau, bi den ehr bet in dat bindelste Hart schuern ded, un de Drüdd' flusterte hei en por Würd tau, dat sei vör Schrecken tausamfohrte un glöwte, nu würd de Frigeri wol losgahn. Äwer Proft de Mahl tid! In den negsten Ogenblick stunn hei bi de Biert' un kek sei verleimt an, un för de Föft' halte hei de schönste Ros' ut den Goren, un so gung dat furt, bet sei All insagen, Hans, wir man en Kurmaker un hadd nich de geringsten ihrlichen Affsichten. Dat was schad' för Hansen un för de jungen Mätens. Denn hei hadd mang ehr nich blot en säuten Schatz, ne, of woll 'ne gaube, truge un flitige Husfru funnen, un wenn hei wullt hadd, of 'ne gebill'te un fin ertagene Fru. Hei hadd en junges Hart glücklich maken kunnt un sich sülwst bewohren vör — ja vör Wat, dat darw id jo doch nu noch nich verraden, dat kümmt nahsten in min Geschicht. •

Hans wull nich un dat was schad! Sin Dellern hadden't woll girn seihn, un of sin Swestern. 'Ne

gaude Anstellung kunn. em bi sine düchtige Utbillung nich fehlen, un denn 'ne leirve Brud dortau un 'ne fröhliche, glückliche Hochtid, dat wir so recht den ollen Lütting sin Plaisir west! Awer Hans wull nich un hei verstunn of all de Anspelingen nich, de em maht würden. Em geföllen woll de schönen roten Appels, de üm em her wussen, äwer't gung em, as den Sähn von rife Dellern: de Kow vull, den' em de Bedeinter up'n Präsentirteller vörsetten deiht, langwilt em, hei will sich leirver sültwen einen plücken. Hei löppt in den Goren un sleiht sich von de niedrigsten Telgen einen af un will sich den in de Tasch steken. Awer de Appel is von den Schlag mit den smugigen Stoc verquetscht un verschimpft, Duft un Wollgeschmack is dorvon, hei smitt em furt un geiht verdreittlich sinen Weg. Nu hadd hei girn de schönen, plückten Appels namen, äwer sei wiren all wedder furttragen, un dat Flagg, wo sei stunnen, bleiw för em verslaten.

Hans hadd dat Glück, tau gefallen, nich blot bi dese Ort von junge Damens, ne, of bi 'ne ganz annere Ort sünn hei Gnad, un dat wiren de Buerdirns von Ossendörp. 'I wiren of smucke Mätens dormang, un sei hadden of Dgen und brukt sei, wenn sei den jungen Herrn Förster, as sei em all näumen deden, von Widen up de Jagd gahn segen. As de Tid kamm, dat dat Gras meiht würd, hadden de Buern ehr wohres Vergnügen an den Flit un den Iwer, den de Dirns för dat Heumaken weisen, kein Sünn wir ehr tau heit, sei müßten rut un müßten't wennen, kein Regen

dräute tau sihr, dat Heu müßt noch up Regel sett't warden! Dat hadd äwer sinen Grund dorin, dat de Wischen velfach dicht bi den Wald legen, un denn passirte dat oft, dat de junge Förster dor entlang kamm un of woll sinen Weg äwer de Wisch namm, un hei grüßte ümmer fründlich, un männigmal noch mihr as fründlich. „D ne, hei was würklich nich stolz, so vörnehm hei of utfach, hei was de niederträchtigste, gemeinste Herr, den't gewen kunn, sei wüßten gornich, wo Einer so wat seggen kunn!“ Hans let sich of dese Ort von Bewunnerung gefallen un dacht' sich nicks Böses dorbi. Hei kamm mit Fläuten un Singen un drop hei wo 'ne hübsche Dirn, denn knep hei sei in de brunen Arm oder in de roten Backen, oder hei fot sei um un gaww ehr en Kuß, un de Dirns juchten un lachten un makten gaude Min dortau.

„Kif, Korlin, dor geiht hei hen! Ne, wo lett' em dat, Dirn! Kif mal blot, wo ranf un wo schlank un wat för breide Schullern dorbi!“

„Ja! Ne! dor heft Du Recht in, Stin! Un kif mal blot sin Weinwarf, wo smuck! Un wo utwartsen geiht hei! Ne, dat's doch en annern Snack, as mit uns' oll Bengels!“

„Ja, un denn sin Hor un sin Bort!“ seggt Fil', 'ne hübsche, pricke Dirn. „Wi gaww hei leßt en Kuß, id wullt nich liden, äwer id kunn dor jo Nicks gegen maken, dunn herw't 't fäuhlt, dat's ganz anners as de Stoppeln von minen Frik!“

„Na, weit Din Frik denn dat, dat hei Di küßt hett?“

„Ach, dummen Snack, kann ich denn dorfür? — Du seggst jo gornicks, Lisebeth, gefüllt hei Di nich? Mi dünkt,“ un Fik lachte so'n beten spött'ich, „verleden Woch' jach' ich em doch of noch bi Di stahn, dor haben up de Lampertswisch, dicht an den Busch? Weit'st nich mihr, Lisebeth?“

„Ich?“ jäd Lisebeth. Sei was dunkelrod worden bi de Red' un wüßt Nicks tau seggen.

„Ja, Du,“ repen Fik un Stin un Dürt, un wo sei all heiten deden, „ja, Du! Du willst dat man blot nich ingestahn!“

„Ne,“ jäd Lisebeth. „'t is nich wohr, bi mi is hei nich west. Awer ich möt nah Hus, ich möt noch Gras för de Käuh mitnemen.“ Sei böhrte dat swore Dankvull up de Karr': „Gut Nacht, ich möt furt.“

Lisebeth wüßt recht gaud, dat Hans bi ehr stahn hadd verleden Woch, as Fik seggt hadd, äwer sei künn dat för de Annern nich tangewen. Sei hadden sich all oft drapen, mal up'n Fell' un mal up de Wisch, un hei hadd jedesmal mit ehr red't un hadd sei fründlich ankelen, o fründlicher, as all de annern Dirns! Lisebeth wüßt dat recht gaud! As sei so ehren Weg entlang un de Karr' vör sich her schow, dacht' sei an Allens, wat ehr mit em passirt was. Einmal hadd hei ehr of en Kuß gewen wullt, äwer sei hadd't nich leden, dörchut nich leden! Sei hadd nah em slahn, dunnn hadd hei seggt, sei süll man nich so böß fin, hei wullt nich wedder dauhn! Nahsten hadd sei em noch oft seihn, äwer hei hadd't nich wedder versöcht. Blot —

• Lisebeth kreg dat Bewern, as sei doran dacht' — ver-
 leden Woch, den Samstag Abend, as sei haben up de
 Wisch sich en beten in't Gras leggt hadd, mit'n Kopp
 an'n Bom, dunn was hei of up einmal kamen un hadd
 sich bi ehr dalsett't und hadd seggt, hei wir so mäud
 von dat Umherlopen, hei wull sich hier en beten utrauchen.
 Dat künn sei em jo nich wehren! Awer sei hadd gahn
 wullt, dunn hadd hei ehr äwer allerlei vertellt, un sei
 was sitten blewen. Sei kunn so schön vertellen, Lisebeth
 hadd sowat noch nich hört un sei müßt em immer
 antiken un vergatt dat Mahusgahen, obschonst dat all
 düster würd. Dunn hadd hei up einmal ganz sacht
 sinen Arm üm ehr leggt un jäb mit sine weike Stimm:
 „Lisebeth, Du lütte, säute Dirn, willst Du mi noch
 immer keinen Ruß geben?“

Sei verführte sich un kunn Nicks antwurten, sei
 was as bannet. Dunn tog hei sei an sich heran, so fast,
 so fast, dat sei glöwte, sei müßt ersticken, un dunn hadd
 hei ehr küßt, nich einmal, ne woll twintigmal, so heit
 un so hastig, ehr was bang worden, un sei wüßt doch
 nich, wat sei em nich wedder küßt hadd? Nu müßt
 sei immer daran denken, un't wull un wull ehr nich
 ut'n Sinn! Sei muß düchtig arbeiten, ehr Bader was
 slimm up de Arbeit, äwer't hülp all Nicks, sei dröimte
 Nachts davon un dachte Dags blot an Hansen. Siddem
 hadd sei em jo noch nich wedder sehn, äwer wat süll
 dorut warden, wenn hei nu wedder nah ehr henkem?
 Lisebeth was swor tau Sinn. Sei hadd 'ne Angst
 dorvör, dat hei wedderkamen künn, sei hadd 'ne Angst

dorvör, dat hei ehr wedder in'n Arm nemen kunn un küssen ehr, un doch bedrop sei sück buten up den Fell'n un in de Wisch jedesmal dorbi, dat sei stunn un nah em uttek: Ob hei hüt woll künmt?

Kapitel 3.

De Sümmer gung hen un de Harwst kamm ran. Roggen un Weiten wiren inbröcht, Gast' un Harwer kemen an de Reih. Alle Hän'n müßten flitig ran, Jung un Olt was von Morgens bet Abends up de Beinen. Unf' Herrgott hadd de Feller dit Johr segent, un üm dat Weber brukte keiner tau sorgen. 'T was drög bi 't Inführen, un blot af un an kamm en fruchtbaren Gewitterregen, dat de Rahmahd von't Gras doch of noch gaud warden künn. So was denn of Jedwederein fröhlich un wollgemand, vörut de Buren, de in'n Stillen bereken deden, wovel Schepel Kurn sei nah Klatfchhagen taum Verköp führen können, un de sik up dat gaude Lewen in'n Winter freuten. Denn dat möt Keiner glöwen, dat de Offendörper Buren sück wat af-togen! Wenn sei sück Sommers äwer afmaracht hadden, denn wullen sei Winters of ehr Bergnäugen hewwen, un de beste Koffee von den Kopmann in Klatfchhagen, de wittste Stuten, de fastigste Braden was ehr grad gaud naug för ehren Vertehr. Un denn mit 'ne Pip Toback achter'n Aben, de as wohre Moloch en anners getachten Minschen Hirn un Knaken utdörr'n müßt,

dat is den Buren sine erquicklichste Winterrauh. Aewer so wüd was't noch nich.

Bi Bur Krusen stunn dat letzte Fäuder Gasten up den Hof, un hei sülsen, de Oll, tred in de Stuw, üm sich von Mutter'n Vesperbrod updischen tau laten, denn hei was sülsen bi de Arbeit west, dormit dat dat fixerung. Von Gesicht let't em, as wir hei ut Vorkenrin'n jueden, so was hei vull Runzeln un Falten, de sich vör luter Sorgen dor ingrawen hadden. Of sine stämmige Figur hadden de Sorgen vör de Lid krümmt, un't wiren doch man unnödige Sorgen, de hei sich maken ded, as dat vele Minschen dauhn, de, wil't ehr tau gaud geiht, sich sülsen de Stein in den Weg smiten. Krus' was gaud in de Wehr un satt schön in't Fett, hei was of 'n düchtigen Landmann un mit sin Arbeit immer vörut. Aewer hei was 'n unrauhigen, hastigen Mann, so as dat süs nich vele mang de Buren giwot. 'I kunn em sindag nich hild naug gahn, un hei jog sich sülsen mit de ewige Redensart: Wenn wi nu man irst prat dormit wiren! As hei nu mit taunemenden Deller säuhlte, dat hei nich mihr so as süs schaffen kunn, un girn männigmal in sine bequeme Eck sitten blewen wir, würd de Angst üm dat Farigwarden immer gröter, un de ganze Wirthschaft lagg em as 'ne Last up'n Hals'. Of hütt sett'te hei sich mit en deipen Süfzer an den Disch, wo sine gaude, immer flitige un taufredne Fru Brod, Botter un Käs mit'n lütten Räm updragen habb, un säb so recht ut bekümmerte Vost herut, indem hei an dat Fäuder Gasten dachte;

„Wenn wi't nu man irst afladen hadden!“

„Sin Fru kof em an un sei kunn't nich helpen, sei müßt lachen.“

„Wenn id man irst leg', seggt jen Jung un sitt in't Bedd,“ säd sei spaßig un sett'te sich bi em hen. „So geiht di dat of, Bader. Wo! dit möt mi jo denn doch snackschen vörkamen! Büst binah an't En'n von de ganze Aust, un denn maht di dat Unrauh, en Fäuder Gasten afauladen?“

„Du heft gaud reden,“ antwort'te hei verdreitlich, „de halwe Hawer steiht noch buten.“

„Den frigen wi of noch in,“ tröst'te de Dusch munter. „Du füllst di nich versünnigen, Krus'! Unf' Herrgott hett't mit di grad so gaud meint, as mit all de Annern, un wi können nich naug danken för de rife Aust un dat schöne Weber.“

„Dor heft Du jo of Recht in, Moder, un id bün jo of ganz un gar taufräden, äwer — na, un id segg jo of wider Nick's, as, wenn wi man irst prat dormit wiren!“

„In en por Wochen sünd wi't, of mit de Lüften, un denn giwwt dat Rauh,“ säd de gaude Fru, de männigmal in'n Stillen dörrch de Swrigkeit von ehren Mann tau liden hadd. — „Wo woll Lisebeth so lang' bliwwt,“ sett'te sei nah 'ne Wil' hentau un tred an't Finster.“

„Wat is dat mit de Dirn?“ frog Krus' un hörte up tau kauen. „Sei is as utschutert, gor nich mihr tau kennen! Süs was sei lustig un ded ehr Ding' mit

Fröhlichkeit un was äwerall tau Hand un immer Hans in allen Hagen. Nu lett sei den Kopp hängen un seggt nich: zipp! Wat heit dat mit ehr?"

„Wat fall't heiten," antwurt'te Krus'ich man so bihen. „Wer kann immer fläuten un singen! Du deihst dat of nich. Sei ward dor just nich tau upgeleggt sin.“

„Nich upgeleggt?" fohrte hei ehr arg in de Red', „dat's dumm Tüg, Ollsch, so'n Kit in de Welt un denn nich upgeleggt? Wat hett sei för'n Grund nich upgeleggt tau sin?"

„Wes' doch nich gliksen so falsch, Mann. Ich weit dat jo nich, äwer wer kann dat weiten, wat ehr fehlt? 't fehlt Männigeinen wat, wat kein Anner weit.“

Krus' let sin Fru verbistert an, as künn hei ehre Würd nich verstahn. Wenn hei wat von Pythia'n un den Dreifaut wüßt hadd, denn würd hei glöwt hewwen, sin oll ihrlich Wiv hadd sich up dat Ding upsett't un orakelte em nu wat vör und gung em mit unverständliche Redensorten unner de Ogen, de hei nich utdüden kunn. Hei würd immer falscher un wull all mit en Dunnerweder dormang fohren, un Lisebeth füll partut upgeleggt sin, dunn kam de Ollsch em äwer tauvör.

„Ich will Nicks nich seggen," säd sei, „äwer 't is man, dat ich dorvon segg. Weiten kann dat jo Keiner, un de Dirn lett sich Nicks marken. Awer ich glöw binah, 't kümmt mi bal' so vör, as wenn sei wat Leiwß hadd. Weiten dauh ich 't nich, 't is man, dat mi dat so dörch den Kopp schaten is.“

„Na, dor slag doch de Dummer rin, ih, dor fall jo doch glif!“ un de Bur slog mit de Fust up den Disch, äwer sin Fru let em nich reden.

„Mit Jug Mannslüd is seindag kein orndlich vernünftig Wurd nich tau spreken,“ säb sei und let em wiß in de Dgen. „Wat maßt Du för'n Spermanng doräwer, äwer 'ne Sak, de doch nich utbliven kann! Hewwen wi't anners maßt, as wi jung wiren? Lisebeth möt doch of frigen, sei is tworst man noch jung, man irst sösteihn, äwer dat betert sich alle Dag! Un'n Swigersfähn möt wi hewwen hier up den Hof, denn di ward de Wirthschaft tauvel, wenn id of dat Minige noch dauhn künn. Newer wenn hier en jungen, kräftigen Mann is, un Lisebeth as Fru, denn fallst mal seihn, denn ward uns dat sacht, un wi können doch ümmer noch tau'm Rechten seihn. Un süh, dor kümmt sei, sei hat plücht, dat gaude Kind, fik blot den groten Hümpel Bläder för de Räuh! Sei is ümmer flitig, ümmer bedacht.“

Dormit lep se ut de Dör, ehr Döchting entgegen. Krus' blew stahn un frachte sich verdreitlich achter de Uhren. Sei was noch nich mit sich enig, wat hei von de Sak denken süll, äwer sine Fru ehre Reden hadden't doch so wid bröcht, dat hei sei sich äwerläd. Sei beslot wenigstens, sich vör Lisebeth Nicks marken tau laten.

Sin Fru was wildeß grad tau rechter Tid kamen, um dat Mäten vör de Raustallsbör ehre Last afnemen tau helpen, un as dat gescheihn was, sach sei, dat Lisebeth blaß und bleiß utsach, as de liwhaftige Dod.

„Gott in den hohen Himmel, Dirn,“ rep sei in vullen Schrecken, wat schad't Di? Is Di wat ankamen, büßt Du krank?

„Ne, ne, Moder,“ säd Lisebeth hastig, „wat süll mi schaden? Mi is Nicks, gornicks nich. Ich hemw blot en beten tau swor dragen un bün mäud. Mat Sei sich kein Gedanken, Moder, ich verhal' mi all, äwer wenn Allens besorgt is, mügg't ich woll tidig tau Bedd gahn. — Ne, ich dank! Eten mag ich Nicks, gew Sei mi en beten Melf, de will ich trinken, mi düßt.“

Lisebeth gung in ehre Kamber un lād sich tau Bedd, as jeden Abend. Sei hadd de dunkelfattunen Vörhäng' vör dat lütte Fenster treckt, äwert't was doch noch hell, denn buten was dat jo binah noch Dag, un de Viertelmand stumm of an'n Häwen un sek in de lütte Kamber un malte en hellen Placken an de witte Kalkwand, malte em ümmer heller un ümmer gröötter, je düstrer dat buten würd. Up den Hof un in'n Huf' würd dat stiller, nu gungen de Knechts un de Dirns tau Bedd, nu slot ehr Vader de Husedör af und lād sich of dal un ehr Moder, un't wohrte nich lang', so lagg Allens in deipen Slap. Blot Lisebeth sek in den hellen Schin an ehre Wand, wo künn sei slapen? Wo kann Einer slapen, den de gruglichste Bertwiflung dat Hart territt? Lisebeth lagg un sek in den Mand'schin. Sei seggen jo, wen de Mand up't Lager schint, de möt waken, den meid't de Slap. Un Lisebeth wachte, un de Slap, de kamm nich. Lagg dat an den Mand'schin oder an ehr sülsen? Sei wüßt't nich, sei hadd kein Gedanken.

Sei lagg up ehr Bedd, as wir sei storben, so stiw, so kolt, un blot i n ehr, dor wäuhlte dat, dor ret dat an ehren Harten, un sei deckte ehre beiden Hänn' dorup, wiß un fest, dormit ehr dat Hart nich springen süll. So lagg sei de ganze Nacht, ahn sich tau rögen. De Mandschin tog allmählig wider und wider, un dunn würd dat helle Flag lütter un lütter un taulegt was't ganz furt, un't würd stickendüster in de Kamer. Dunn säd sei lising tau sich sülsen: „Nu is Allens vörbi. Wat ward nu ut mi?“

De Sünne was kum ruppstegen, flor un blank an den deipen, blagen Harwsthäwen, dunn was Lisebeth all wedder upstahn un an de Arbeit gahn. Sei künn't in't Bett nich mihr uthollen. Sei müßt sich regen un wegen un wat dauhn, dat sei up annere Gedanken kem. Awer't wull ehr nich gelingen, ümmer wedder föll ehr in, dat Hans tau ehr seggt hadd, as hei gistern Nahmiddag in'n Vörbigahn mit ehr red't hadd, hei güng furt von Ossendörp, hei müßt un süll un hei künn't nich ännern! Un dunn hadd hei ehr vertellt, wo hei in' Sommer en pormal nah de Residenz west was, mit Orrers von sinen Vader äwer Forst- un Jagdangelegenheiten an den Herzoglichen Oberforstmeister. Dei hadd Gefallen funden an den uperwedten, jungen Mann un hadd sich freut, dat hei mit Allens so gaud Bescheid wüßt, un wil hei nu grad en Secretair un en Gehülpen brukte, hadd hei den Herzog beden, dat hei den Forstcannedaten Hans Bütting ut Ossendörp dortau ernennen mügg. De Herzog hadd dat ok dahn un Hans sine

Ernennung kregen un in 'ne bestimmte Tid müßt hei furt. Lisebeth hadd em vertellen laten, ahn wat tau seggen, un as hei farig was, frog sei blot: „Wennaihr?“ Den irsten November, säb Hans, 't wiren noch 'n Bochener sin bit söß. Sei tröst'te an dat Mäten rüm, sei süll't sit nich tau Harten nemen, hei kem jo wedder, un't wir en Glück för em. Ja, för em! An wat anners dacht hei nich, an ehr dacht hei nich! Solang' as de Summer durt hadd, solang hadd sin Leiw durt! Nu was hei satt, nu gung hei furt un würd an ehr nich mihr denken! Hans säb, dat würd hei doch un hei kem jo wedder, un sei bleiw sinen säuten Schatz! Lisebeth antwurt'te Nicks mihr, sei sach, dat hei Al hadd, furttaufamen, sei säb em Adjüs un gung nah Hus. Nah en por Wäken, denn wir't All vorbi, dat wüßt sei, as wenn't ehr Einer seggt hadd. Sei was jo man 'ne Burbiern, un äwer de vörnehmen Damen in de Residenz würd hei ehr bald vergeten!

De Wäken gungen rüm, 't was Allens inaußt't. Krus' was as ümmer am irsten farig. Sei hadd de Tüsten in'n Keller, as de Annern anfängen uptaugrawen, un makte de Fuhren prat för den Verköp in de Stadt. Awer wil hei nu de Sorgen los was, garwo hei desto mihr Acht up Lisebeth, un of sin Fru künn nahgrad nich mihr afftriden, dat ehr dat Mäten sihr verännert vörkamm. De gauden Lüd hadden von den Verkihr mit den jungen Förster Nicks markt un glöwten, Lisebeth würd woll nah einen von de Burschens süßzen, mit de sei up'n Jahrmarkt danzt hadd. Wenn sei man

irst wüßten, wer't was, denn kunn de Frigeri losgahn.

So kemen de leßten Dag' von den October un morgen müßt Hans furt. Lisebeth gung rümher, as in en swornen Drom, un as dat Abend un düster was, slet sei sich nah den Tun von den Förstergoren, dor wull sei Affscheid von em nemen. Dat Weder was kolt un stürmisch, an den Häwen jogen de Wulken, un kein Stirn was tau seihn, de ehr Trost in't Hart lüchten kunn, as sei schuddernd för Frost, för Angst un Weh dor up em täuhte. Hei kamm und tog sei in den Goren herin in de Bäuklenlaum, de noch ehre Bläder hadd, un wo sei en beten Schutz funnen för den kollen Wind. Hei namm sei up den Schot un fot sei in sine Arm so heit un so fest, — Lisebeth kunn ehren Jamer nich mihr verschwigen, un Hans was nich slicht, ne lichtsinig was hei un ävermäudig, äwer sin Hart was gaud, un as sei sich trennt hadden, un Lisebeth ehren einsamen, düstern Weg nah Hus gung, dunn namm sei dat faste Versprechen von em mit, so bal' hei jichtens 'ne Anstellung frigen kunn, süll sei sin Fru warden! — — — —

Dat güng nu, as dat gahn kunn. 'T wohrte nich lang, dunn steken de ollen Wiwer un Klatschbasen de Köpp tausam un tuschelten un schüddelköppten, un de Dirns makten dat nich beter, ihr noch schlimmer, un Lisebeth wüßt recht gaud, dat ehr dat güll, un dat Keiner Mitleiden mit ehr hadd. Denn dat möt Keiner glöwen, dat in so'n Dörp de Menschen, wil sei einfacher sünd, of beter sünd as annerswo, ne, grad cun-

trär. Wil ehr de Inſicht fehlt, ſünd ſei noch unbarmhartiger, noch graufamer gegen den Negſten, un hett Einer wat dahn, wat ſich nich hürt, denn riten un plücken ſei an em herüm, as wir hei 'ne Gaus üm Martini, un wenn ſei können, denn ſlacht'ten ſei em in un freten em up mit Gut un Hor. Wat wüſten Fik un Stin un Korlin von Liſebeth ehre Leiw, un wo dat in ehren Harten utſach? Bör Minschen geſt jo blot, wat ſei ſeihn un hören un möglicher Wiſ' of rüken können, up den Grund kümmt't nich an, un dorüm warden de Gauden mit de Slimmen, de Reinen mit de Unreinen tauſam afurthelt, un of de echte, rechte Leiw ward mit ehre unechte Namensſweſter alltau oft verweſſelt. Liſebeth gung dat ebenſo. De annern Mätens gungen ehr ut den Weg', de Burſen leten ſei lings liggen, un tau Hus! wo ſwor drog ſei an ehr's Vaders Grimm un an de Thranen von ehre Moder! Un ſei was noch ſo jung, und de Ein, an den' ſei ſich hadd hollen künnt, de was wid weg, un ſei hürte un ſach Nicks von em! Sei höll't ſo nich mihr ut, ſei müßt ehr Hart tau irgendwen utſpreken un ſo ſäd ſei denn ein's Nahmiddags tau ehre Moder, ſei wull gahn un ehre Sweſter, de Möllerfru in Deipendal beſäufen.

'T was en floren, ſchönen Winterdag, un ſei makte ſich up un gung äwer de Feller, de vull Snei legen, un of de Bäum drogen ehre Sneilaſt, de up ehr feſt-froren was. De Sünne glizerte ſo hell up de witte Deck, mit de ſich de Erd taudeckt hadd, dat Liſebeth de Dgen äwergungen, oder wiren ſei man ſwad worden von de

velen heimlichen Thranen, de sei weint hadd? Dor hinnen spelte en Hümpel Gören in den Snei rüm, un sei felen mit ehre hellen Dgen in de Sünne un in dat Gligern, ahn tau zwinkern, un sei klüt'ten sich mit Sneiballs un juchten un larmten, so as Lisebeth dat vör'n por Johren of noch maht hadd. 'T wiren glückliche Tiden west! Sei stunn still un fef ehr tau, un de Gören felen ehr wedder an un lachten. Dunn gung sei wider, sei hörte jo nich mihr dortau! As sei 'ne lütt halwe Stunn' gahn was, kamm sei up en lütten Neuwer, un unnen lag Deipendal still un friedlich in den Snei inbündelt, as en Wickelfind in sine Windeln. Dor fef de lütt Kirch mang de Hüser rut, un glit dorbi dat Pasterhus. De olle gaude Paster was en Fründ von ehr, dat wüßt sei, hei hadd ehr döfft un insegment un sei hadd immer en Stein bi em in't Brett hatt, wil dat sei gaud un flitig lihrte un en behöllern Kopp hadd. Dar hinnen lag de Mähl, wo ehr Schwester in wahnte, de Mählendik was infroren, un dat grote Rad stunn still. Wenn de Lüd in't Dörp kein Brod mihr hadden, was't schlimm för ehr, denn hüt und morn kunn de Möller nich mahlen. Lisebeth hadd noch ein Schwester in Deipendahl wahren, de an en riken Bur verfrigt was, äwer nah de gung sei nich, sei gung nah de Mähl, de Möllerfru was de Dellst un Lisebeth hadd sei am leiwsten.

De Möllerfru stunn jußt in de Stuw, in de ein Hand en allmächtiges Brod un in de anner en Meß, wat as Schlachtmeß för so en Undirt von Brodlin nich

tau grot was. Üm ehr rüm stunn en Hümpel Rinner — ungezählte Schaaren! — Herr meines Lebens, tellen kunn de Rein, denn sei kramwelten un klatterten dörch'n anner, as en Hümpel lütt Veih, den' sei äwerhaupt un in'n Ganzen sihr ähnlich segen. Wenn sich Einer äwer de Mäuh nemen wull un wull sei utenanner säufen, de kunn gewahr werden, dat an en richtiges Duß man noch Ein fehlen ded. De lütte, smuddlige, hungrige Generatschon towte nich slicht üm ehr Mutting rüm, sei wullen all taurst wat hewwen. „Irst id, irst id! Geihst Du weg, id kam! Mutting, mi! Ne irst mi!“ So gung dat in einen Athen, bet Mutting Raub schaffen ded un nah de Karbatsch grep. „Si Karnalljentüg, willst Si woll orig sin! Na täuwot man, glicß girowt dat Hau! So, nu hewwt Si All Brod, nu gaht af. Un hier is de Honnig!“ Dorbi sett'te sei 'ne Schöttel mit Wörtelhonnig up den Disch, un nu stört'te dat Gören-volk dorup lot, un Jeder wull taurst instippen und stippte, bet de Schöttel ümlagg, un de Honnig äwern Disch flot. Mutting kunn nich vel dorgegen maken, denn sei hadd den lüttsten Schrihals up'n Arm namen, wil hei sich gornich taufreden geben wull, un wildeß sei noch an em rümmerbüßte un tröst'te, un de Gören-schar sich üm den Honnig slog, kloppte wat an de Dör.

„Herrje, nanu! Nu kümmt wen un nu de Swineri hier! Wenn dat de Herr Paster wesen ded, ober de Fru Pastern! Rut mit Jug, Tafeltüg, Si kânt Jug nich seihn laten!“

• Un wil de Disch vull Brodkräumels lag, un sei

of woll wüßt, dat Mendlichkeit dat halwe Lewen is, grep sei nah den Bessen, de in de Eck stunn un segte den Tisch dormit af, dacht' in ehren Zwer äwer nich an den Honnig, de dor of up lagg un smerte em nu mit den Bessen hübsch stripig äwer dat ganze wittgeschüerte dannene Dischblatt. Kum hadd sei dese Mendlichkeit vullführt, dunn floppte dat taum tweitenmal un sei rep: „Herein!“

Kapitel 4.

De Dör gung up. „Gun' Abend, Frau Möllerin,“ säd 'ne Stimm in de höchsten Fisteltön, de man jichtens ut 'ne minschliche Kehl' rute kamen können, un en lütten stämmigen Kirl kamm in de Dör un fet mit en por runne, unschüllige Ogen in den Görenhümpel, de an em vörbistört'te, rinne, un von dor an de Möllerfrurup, de en ganz En'n lang höger was, as hei. „Gun' Abend, Fru Möllerin, ich komme man so nebenbei un wollte fragen, ob mein Mehl wohl fertig wär?“

„Herrje, Meister Huber, wo können Sei so woll fragen? Wo kann Sei Ehr Mehl woll farig sin? De Mähl steiht jo, is jo stiw un wiß infroren! Ne, Meister, Ehr Mehl können sei nich frigen!“

„Meineswegens nich, Frau Möllerin. Denn muß ich noch warten. Aber wo nehm' ich Brod her?“ Sei kratzte sick verlegen in dat dicke, blonde Hor.

„Ah, wenn't wider Nichts is, dat können Sei von

mi frigen. Wi heiwwen noch Börrath naug, un 't is of noch kum drei Wäken olt, also noch ganz frisch. Da", un sei langte ein von de groten Brodliw' ut dat Schapp un läd't up den insmerten Disch. Laum Glück was't all schummerig, dat Meister Huber den Hönning verpuß nich sach, oder hei höll em för'n brunen Anstrich. Sei säd also velen Dank un grep nah dat Brod, dunn föll de Möllerfru äwer in un säd:

„Läuwen 'S doch noch, setten 'S sich doch en beten. Weitenmehl können Sei of frigen för di Kakeri. Wi können dor jo doch nich för, dat wi nich mahlen können.“

„Beileibe nich, Frau Möllerin! Un Weizenmehl werd ich woll noch haben, denn meine Korlin,“ hei süßte deip up, „backt die Pfannkuchen meinswegens von Roggenmehl, wenn sie kein andres hat.“ Sei sach so wehmäudig ut, dat dat de Möllerfru jammern würd.

„Ich bewohre Gott, Meister, von Roggenmehl kann sei jo kein Pannkuchen backen, dat verstahn Sei nich beter.“

„Meineswegens nich, Frau Möllerin, aber sie schmecken doch danach.“

„Weiten Sei wat? Sei möten sich 'ne Fru nehmen, denn jünd Sei beter versorgt, as mit so 'ne Dirn. 'Ne Fru in'n Huf', dat is en ganz annern Snaf. Wo geiht't denn mit't Geschäft?“

Meister Huber let wedder en lütten Süßzer fleigen un keß mit de runden Ogen in de hinnerste Eck von de Stuw, as söchte hei dor wat. „Das Geschäft,“ säd hei un läd de Hand up den Disch, tog sei äwer fix wedder

tauriigg un fef nu in de Hand rin, as wenn hei sich dor verbrannt hadd, „das Geschäft geht man so so. Was soll en ausgelernter Tischler, wie ich, der in die Amerika gewesen is, in Deipendal für'n Geschäft machen! Sehen Sie, Frau Möllerin,“ un hei stüt'te sich mit beide Hänn'n up'n Tisch, fohrte äwer tauriigg as hadd em wat beten, — „der Tisch ist woll angestrichen, 'n neuer Tisch?“ —

„Ich bewohre, en ganz ollen, is gornich anstreken.“

Meister Huber tog en witt Taschendauf ut de Tisch un wischte dormit an sine Hänn' herüm. „Meinzwegens nich, weiß nich, was es is'. Also das Geschäft! Sehen Sie, meine liebe Frau Möllerin, die Bauern wissen nicht, was gut und was neumodig und was praktisch is! Un wenn ich ihnen zeigen will, was ich gelernt habe in die Amerika un mache ihnen en Stück Arbeit, wie sie's noch nich gesehen haben, denn lachen sie un sagen, das wäre Nicks! Un denn gehen sie nach dem alten einäugigen Stoll, der da in der Ecke wohnt und lassen sich von dem so'n ungehobelten Kram verfertigen, der gar keine Tischlerarbeit ist.“

„Ja, ja, dat is woll so, wat de Bur nicht kennt, dat ett hei nich. Awer worüm maken sei't denn nich so, as dat de Lüüd hewwen willen? denn verbeinen Sei doch Ehr Geld, un dat is doch de Hauptsaf.“

„Meinzwegens nich, Frau Möllerin, denn wie kann ich in dem alten Styl und Schlendrian weitergehen, wenn ich in England un in die Amerika gewesen bin? z. B. mache ich da 'ne Wiege für den jungen

Bauer Klenow, d. h. nich für ihn, sondern für seine Frau, d. h. für der ihr kleines Kind, und mache sie, wie es da drüben Mode is, nämlich so, daß die Wiegenfüße nicht quer, sondern längs stehen un nu das kleine Kindting nich von einer Seite zur andern, sondern auf un nieder, von'n Kopf zu den Füßen geschaukelt wird. Un wie ich Klenow'n das erkläre un sage dabei, so'ne Wiege erinnere mich immer an die Fahrt auf dem Meer un die schönen, großen Wellen, un wie ich da immer so schauderhaft seekrank wurde, da sagte er: denn könnt ihm das Kind in dem Dinge am Ende auch seekrank werden, un ich sollt's nur wieder mitnehmen, er könnt's meinswegens nich brauchen! Nu bitte ich Sie, Frau Möllerin, is das nu meinswegens en Geschäft?"

De Möllerin lachte. Meister Huber mit sine utländische Ort maske ehr ümmer vel Spaß, äwer sei hadd of Mitleid mit em, dat em dat nich beter glücken wull un dorüm säb sei nochmal:

„Sei möten sich 'ne Fru nemen, hier ut'n Dörp, denn kriegen Sei mihr Kundschaft, un denn geht't of beter! Un de amerikansche Weig können Sei jo denn glitz behollen.“

Huber, de ümmer noch mit sine Hänn' tau dauhn hadd, stek nu dat Taschendauf in un antwort'te bedächtig:

„Das wäre ja auch Alles ganz gut, aber wo krieg ich 'ne Frau, die zu mir paßt! Ich bin so lange auswärts gewesen —“

„So möten Sei nich reken, Meister! Dat ganze Döörp steckt vull Mätens, un rike un hübsche sünd dorbi.“

„Nehmen die meineswegens auch 'nen armen Tischler? Die reichen thun es nicht und die andern — hm, Frau Möllerin, Sie wissen ja auch, wie sie sind, und wenn man in England und in die Amerika gewesen is, denn is man ein bischen verwöhnt mit der Reinlichkeit —“

„Na, sünd wi denn hier nich rendlich?“ unnerbroch em de Möllerfru en beten argerlich.

„Ja, Sie, Frau Möllerin“, rep Huber iwrig un stunn von de Bänk, wo hei up seten hadd, up, „Sie sind ja nich von Deipendal, und sind als eine ordentliche, reinliche Frau überall bekannt. Von Ihnen red' ich ja ni —“, dorbei bögte hei sich äwer den Tisch un lād de flachen Hän'n wedder dorup, drop äwer grad dat Flag, wo de Bessen de Honnigstrat herlebb't hadd, un blew fiewen. Hei müßt sich orndlich mit'n Ruck wedder losriten und böhrte nu de Hän'n' mit so'ne jammervulle Min tau Höchten, dat de Fru em verwunnert ankef. „Wat hewwen Sei denn, wat schad't Sei, Meister?“

Huber ded, wat jeder Anner of dahn hadd, hei fohrte mit de Hän'n, von de de Honnig afdrüppte, an de Näs', iim de dat utmaken tau laten, wat för 'ne Salw dat was. Tauglit sād hei äwer mit 'ne verzagte Stimm, de up so 'ne Höcht stigen ded, dat Ein' bang worden künn, sei kem dor nich wedder runner:

„Der Tisch, Frau Möllerin —, Sie sagten ja, er wäre nicht angestrichen! Denn muß er meinswegens wohl nicht ganz — rein —“

„De Tisch, wat is mit den Tisch? Ach, du leiwere Gott, dat hewwen de Gören dahn, dat is de Honnig un ick heww dat nich seihn! Na, nemen S't nich äwel, Meister, un hier is en Handauf, wischen 'S sief af.“

Huber gung denn nu ok taum tweitenmal an dit Geschäft mit ebensowenig Erfolg, as dat irste Mal, un as hei dormit noch in'n Gang' was, kamm Lisebeth in de Dör. De Möllerfru let den Discher stahn un gung ehr entgegen.

„Wo, Lisebeth, Mäten, büßt Du't wirklich? Gott grüß Di! Worüm kümmt Du so spät? Sett Di dal, wat maken uns Ollen? Wo steiht 't tau Hus? So red doch un vertell! Bör Meister Hubern bruckst Du nich blödd' tau sin, dat is en gauden Fründ von mi. 'T is min Schwester, Meister, ut Offendörp.“

Dorbi namm sei dat Mäten den Dank un de Müß af, un Lisebeth säd nu ok ehr Schwester fründlich gauden Dag un streckte nah Burenort Meister Hubern de Hand hen. De stunn dor äwer in 'ne grote Berlegenheit. De Honnig fiewte em an de Hänn', un dat Handauf fiewte an den Honnig, un so vel hei ok ret un wischte, hei bröcht't nich af un as em nu dat smucke Mäten de Hand henstreckte, let hei den Dank fallen un streckte sin Hand ok hen, tog sei äwer rasch weder tau-rügg, denn hei kunn s' ehr jo doch nich gewen, un stunn nu dor un keß sei hülplos an. Lisebeth make en sihr

verwunnertes Gesicht, un Huber, de sich äwer sich jülben argern ded, grep nah sinen Haut, malte en utländischen Deiner, so as hei unner de Buren süs nich begäng' is, un lep ut de Dör. Hei schämte sich för dat hübsche Mäten un schull up de Möllerfru ehre Nendlichkeit, hei wir en Unglücksminsch, säd hei tau sich, nn hadd immer Pech, un hüt vörut hadd hei dor gruglich rinfat't! As wenn em de Kopp brennte, so rönnte hei nah Hus un slot sich in sine Bartstatt in, un as hei de unglückliche Weig dor stahn sach, namm hei sich vör, hei wull von nu an de sülbige dämliche Discheri bedriven, de in Deipendal Mod' was.

Wildefß verflorte de Möllerfru Lisebethen, wat dat mit den Mann för 'ne Bewandniß hatt hadd, un sei lachte äwer dat Mißgeschick, ahn tau marken, dat Lisebeth nich grot mitlachen ded. Dat Gaude ergaww sich äwer dorum, dat de Möllerfru heit Water halen ded un wüsch den Disch blank, un dunn drog sei von Frischen wat tau eten up för ehre Schwester, dat de sich doch von den Weg verhalten ded. Lisebeth att of en beten, äwer obshonst de Möllerfru ehr brav Gesellschaft ded, hadd sei doch bald naug und schow den Teller taurügg. Ehr Hart let ehr kein Raft und Rauh, und middden in dat Bertellen von de Möllerfru, slog sei mit einmal de Arm üm ehr un ded:

„Mariken, hör up, vertell mi dat en annermal! Ich bün hierher kamen nah Di, dat ich Di seggen wull, dat Du mi helfen süllst, dat — dat —“ de Thranen stört'en ehr ut de Ogen un sei fluchzte un weinte so

heit, dat ehr Swester vör Schrecken ganz stiw un still satt un in de Irst kein Wurd vörbringen kunn.

„Herrje!“ rep sei endlich un höhrt Lisebeth ehren Kopp tau Höchten, „wat heit dit, wat is dit? Lisebeth, Kind, so red doch, wat fehlt di?“

Lisebeth sat'te sich un vertellte von Hansen un wo dat All so kamen was, un wo gaud sei em wir, un wat hei ehr verspraken hadd, un de Möllerfru hürte tau un slog de Hänn tausam, un was so vull Mitleid, dat sei süßben bitterlich an tau weinen fung. Sei nickte mit den Kopp, as wenn sei dat Allens woll begreip, un sei schüddelte wedder, as wenn sei kein Wurd davon verstunn. De gaude Fru was ganz von'ein äwer dat Unglück von ehr Swesting un strafte sei so vel un red'te ehr tau up ehr Manier, un Lisebeth, de bether noch gor keinen Trost funnen hadd, garw sich willig an desen hen, wenn sei of woll säuhlte, dat Mariken un sei in ehre Vörstellungen nich ganz tausam stimmten. Awer't was doch Mitgefäuhl, wat tau ehr sprok, 't was doch de gaude Will', tau helpen und tau raden, ehr würd hier doch wat anners haben, as Grull un Schimp, un ehr würd anners tau Maud'. Sei hürte still up de gaudgemeinten Wörd un glöwte to säuhlen, wo dat Hart ehr immer lichter würd. Taulegt sad de Möllerfru noch: „Un wenn hei Di frigen will, denn is jo of Allens gaud. Sei paßt jo twors nich tau uns, dortau is hei vel tau fin, äwer wenn hei denn so is, as Du seggst, denn ward hei dat doch dauhn un ward sich doräwer wegsetten, dat

Du en Burmäten büßt un heßt Nicks lihrt, un of doräwer, wat de Lid dorvon reden, denn red't ward doräwer warden, dat's gewiß."

Lisebeth säuhlte dese lekten Würd as en Stich, de ehr weh ded, sei wüßt nich worüm, un sei behöll of kein Lid doräwer nahtaudenken, denn buten führte en Wagen vör, un ne lude Stimm sprok un schull, un dunn kamm en sworen, stolprigen Schritt up de Del. De Möllerfru sprung tau Höchten:

"Ach Gott! Dat's min Mann! Ich hadd em ganz vergeten! Na, de is gewiß wedder in'n gauden Versat."

"Wo is hei denn west?" frog Lisebeth of ängstlich, wildem dat de Möllerfru mit bewernde Hänn' de Lamp anstef.

"In Klatzchhagen. Hei hadd jo dor Nicks tau dauhn, ne, man blot um sich tau verlustiren, un nu ward hei wedder so vel sopen hewwen —"

De Dör flog up, un't was gaud, dat de Lamp brennte, denn nu kunn hei doch so vel seihn, dat hei wüßt, wo hei henpeddte. Denn't was würllich de Möller un hei was stiw dun, as sin Fru seggt hadd. Hei swankte in de Stuw herin, en langen, hagern Mann, sin Gesicht sach rod un upbunßen ut, un hei stierte mit glasige Ogen ümher un schimpte un fluchte, woräwer?

Dat wüßt Keiner. 'T was man blot de Bramwin, de ut em sprok. Sin Fru gung em entgegen un kef em angstvull an, äwer hei stött ehr bi Sid un stolperte up

dat Schap tau un wull dat upmaken. Newer dor was kein Slätel in, denn den hadd sin Fru vörher fix ut-trefft un in de Tasch steken. Sei kennte em, sei hadd dat all so oft erlewt! Ramm hei an dat Schap, wo de Bramwinzbuddel in stunn, denn drümk hei den lekten Druppen ut un denn — —

„Den Slätel her,“ bröllte de Möller, „wo is de Slätel?“ Hei geröb in Wuth un ret an dat Schap herüm. Sin Fru antwurt'te nich, sei stunn ganz still, äwer ehr gaudes Gesicht leggte sich en fasten Utdruck, den sei süs nich hadd. Hei dreihste sich üm un kamm up ehr los, sin rodes Gesicht was vör Born un Arger noch roder worden.

„Wiw, den Slätel!“ schreg hei nochmal un slog up den Disch un schüddelte sei denn an'n Arm, „hürst Du nich, slut dat Schap up!“

Sei makte sich los un säd: „Den Slätel gew ick Di nich, Steffen, Du hefst naug Bramwin drunken.“

'N fürchterlichen Fluch folgte up dese Red, un de bedrunke Mann wull sich up de Fru losstörten, äwer sei gung en por Schritt taurügg, un hei föll an den Disch un sackte dal up de Ird. Dor säuhlte hei en Knüppel, den ein von sin Jungens vörher hadd liggen laten, un mit den in de Hand stunn hei wedder up un führte nu en Schlag nah sine Fru, ihr de sich sowat vermauden was. Hei hadd of üm en Hor drapen un dann hadd sei naug hatt — äwer 't kamm anners.

Lisebeth hadd sich Anfangs vor Angst achter den Disch verstecken, as sei dat wüthige Wesen von ehren

Swager sach. Ehr grugte vör sin Utseihn un sine Anstalten, vör den Bramwinsgeruch, den hei an sich hadd, un vör sin Toben un Fluchen. Sei hadd ehrdag' sowat nich seihn un ehr würd dorvör ekeln, sei müßt sich an de Dischtant wißhollen. Wen sei doch tau Hus blewen wir, wenn sei doch irst weg wir! Ehr Bader was en nüchternen, un utgenamen sine unnöbige Gast, of ruhigen Mann, hei brünt gor keinen Bramwin, en Brauder hadd sei nich, un Hans — ach, wenn sei doch bi den' wir! Nu sach sei irst, wo sei sich an Hansen sin fines, vörnehmes Wesen gewennt hadd! Wat würd Hans wohl tau desen Swager seggen? Ehr würd bald heit un bald kolt, un dorbi würd ehr Schwester ehr so jamern, dat sei so'n Mann hadd, wo höll sei dat blot ut, so'n Lewen tau führen? Lisebeth bewerte vör Schrecken un Mitleid an Hänn' un Fäuten, as äwer de Möller den Stod upböhrte, üm ehr Schwester tau schlagen, dunn kamm up einmal wat ganz anners äwer ehr. Dat was kein Angst mihr, sei wüßt nich wat't was, äwer ihr de Schlag dalkamm, säuhlte sich de Möller plöglisch an'n Arm fat't, un as hei sich ümkef, sach hei in Lisebeth ehr Gesicht. De Backen gläuhnten ehr, de Dgen lücht'ten un ehre kräftige Hand höll em den Arm wiß, dat hei em nich rögen kunn.

„Pfui, schäm Di, Swager!“ rep sei zornig, willst Du Din Fru dobslagen? Un schäm Di, Di so tau bedrinken, dat Du nich weißt, wat Du deihst! Giwro her!“

De bebrunkene Kirl kunn gegen dat starke Mäten

Ricks maken. Hei gaww sich vele Mäuh, den Knüppel wißtauhollen, äwer Lisebeth ret'n em ut de Hand, brot em in lütte Stücken un smet sei em vör de Fäut.

„Kumm, Mariken,“ rep sei dunn, kumm rut, hier bliwen wi nich.“ Sei slog den Arm üm de Fru, de sich an't Koren gewen hadd, un tog sei ut de Stuw. Sei leten den Möller towen un fluchen, un as sei buten wiren, hürten sei en sworen Fall, un dunn was Allens still. Nu föll de Möllerfru ehr Schwester üm den Hals un weinte, as vörher Lisebeth.

„Ach Gott, ach Gott! un so is hei nu ümmer. Sei drinkt un verdrinkt Allens noch, wat wi herwen! Un mi sleiht hei denn, un de armen, unschülligen Wörm möten sich vör em verstem!“

„Wo höllst Du dat ut, Mariken? Ich lep furt in din Stell, oder gung in't Water!“

„Kann ich min armen Kinner verlaten? Ja, wenn dat nich wir, äwer so! Ne, ich möt uthollen, un wenn hei nüchtern is, is hei jo of gornich so slimm, blot dat Drinken un de Bramwin, de deiht't.“

Sei tuschten nu de Rollen ut, d. h. Lisebeth äwer-namm dat Trösten un de Möllerfru let sich trösten. Un as't Beddgahnstid was, säb sei: „Morn is Allens vörbi un wenn hei utslapen hett, as 'n Vor, denn is hei ganz gaud un deit Keinen wat. Gun' Nacht, Swesting.“

Up Lisebeth make dese Red nich vel Indruck, sei kunn nich glöwen, dat ehr Swager sich vel anners un beter utweisen würd, wenn hei nüchtern was, denn

sei hadd all männigmal hört, dat en Minsch in de Drunkenheit sine richtige Natur ruteführt, de hei süs verstell. Sei hadd den Möller hüt Abend in sine rohe un gewaltdäbige Natur kennen lihrt, un wat ehr Swester of nahsten säd, üm't weniger flimm tau maken, sei höll ehr doch för 'ne arme, unglückliche Fru, un ehr Hart slog lud vör Mitleid mit ehr. Sei müßt de halwe Nacht doräwer nahdenken, wo schrecklich doch so 'ne Eh' sin müßt, was sei nich teihnmal glücklicher? Sei stockte twors bi den Gedanken, dat nich Allens so was, as dat hadd sin müßt, äwer sei würd jo doch Hansen sin Fru warden, un bi em was sei säter vör Roheit un Mißhandlung. Unner dese glücklichen Gedanken slep sei in un slep de ganze Nacht fast un säut as en Kind.

Den annern Mornn was dat Weder ümslahn, 't däute tämlich stark, un de Istappen an dat Dach un an dat grote Mählenrad smölk'ten so bi lütten af. Von allen Siden kemen de Mahlgäst, un Jeder rönnte wat hei kun, denn Jeder wull sin Kurn tauirft upschütt't herowen. De Möller was vör Dau un Dag' all upstahn un hadd mit sine Knechts dat Is loshackt, üm dat Rad fri tau frigen, dat nu anfäng, sich in Bewegung tau setten. Lisebeth freg ehren Swager gornich tau seihn, hei hadd naug tau dauhn, säd Mariken, dat de Arbeit von Statten güng. De Möllerfru was ganz wollgemaub un wirkte so forsch in ehre Wirthschaft rüm, dat dat 'ne Lust was, ehr tautauseihn. Dor wiren de elben Gören, de wullen faubert sin, un dor

wiren de Rauh', de wullen't of, und de Swin irst recht, un Lisebeth namm de Schört vull Gasten un lockte dat Hühnerveih. Sei müßt sich seggen, dat dat Allens gaud in Stan'n, un dat ehr Swester 'ne düchtige Fru was, de't sich fuer warben let. Denn mal brew sei de Dirns an un denn wohrte sei dat Lütt, denn hadd sei in de Käf tau dauhn un denn bi de Melt, un ümmer mit dat sülbige fründliche Gesicht un mit en frisches rühriges Wesen.

Dat müßt of woll de Grund sin, dachte dat Mäten, worüm sei dat Elend mit den Mann ümmer wedder verget, Arbeit ist dat Best, wat de Minsch hett, de verdrüwt de trurigen un stimmen Gedanken, wer ümmer frisch und rüstig wirken kann, de kann niemalen ganz unglücklich werden. Wer de Arbeit kennt un leiwt, d. h. de rechte Arbeit, de den ganzen Minschen will, von wecker Ort sei süs of is, de het en Segen, den em kein Minsch nemen kann, un wenn hei em Geld und Gaud, un Ihr un Reputatschon nimmt! Lisebeth sählte dat herut, dat ehre Swester an de sure Arbeit, de ehr de velen Rinner un de swore Wirthschaft macken, 'ne wirksame Stiitt hadd gegen dat Unglück, 'nen Süper tau'm Mann tau hewwen, un't was ehr en Trost, as sei Affscheid von ehr namm, üm nah Hus tau gahn. Mariken vergot noch en por Thranen und drückte ehr weikmäudig de Hand un wull ehr noch taureden, äwer Lisebeth säd: „Dat man sin, Mariken, 't is nu mal so, un Du hest jo of Din Krüz. Wi willen't beid' dragen, villicht ward't noch

mal wedder beter. Un nu Adjüs, un kumm of mal nah Offenbürg un besäuf uns."

Lisebeth was lang' nich so tauversichtlich tau Maub west, as in deses Ogenblick, sei glöwte wirklich, dat Allens noch gaud werden müßt, un dese Glöwen un de frische Winterluft farmte ehre Backen rod un lücht'ete ut ehre dunkeln Ogen. So kamm sei an Hubern sine Wartstatt vörbi. Hei stunn vör de Dör un sach sei all lang' kamen un hei würd of rod, äwer blot ut Schanirlichkeit von wegen gistern. Hei was sich gortau dämlich vorkamen. Lisebeth in ehre gaude Stimmung lachte em fründlich an un blew stahn.

"Gut' Dag, Meister Huber, hüt können Sei mi doch de Hand gewen?" säd sei spaßig.

"Meinzwegen ja!" säd hei schnell un slog in. Hei freute sich, dat sin Hand hüt so schön rein un sauber was, denn hei höll wat up sine Hänn' un plegte sei. Datt hadd hei in England un in de Amerika lihrt. As hei äwer so in ehre Ogen ke, Gott bewohre, dunn kamm em binah en sunderbaren Wunsch, denn 't föll em so wedder Willen in, hei mügg woll, dat de Honnig noch an sine Hand klemte, un dat denn ehr Hand an sin Hand klemen blew, un dat de Kleister för't ganze Lewen höll, ja 't ded em binah leid, dat hei tau deses Zweck nich en beten Discherlin an sine Finger smert hadd. So as dat nu äwer was, müßt hei ehr jo wedder loslaten, äwer hei sat'te sich en Hart un frog, wat hei sinentwegen woll en Stückchen mitgahn dürft?

Lisebeth hadd Nick's dorwedder, un sei gungen

taufam döörch dat Döörp, den Fohrweg entlang, de up de Höcht fährte. Sei frog em, wo't em in Deipendal geföll, un mihr brukte dat nich, dat Huber in sin Fohrwater kamm. Sei füng also an un tellte all de Börtög' up, de England und Amerika vör Deipendal hadden, hei klagte ehr, wo em dat bet hierher mit't Geschäft gahn hadd, wo dämlich de Buren wiren, un dat hei kein Verständniß för sine höhere Discheri fänn. Of de Geschicht mit de Weig müßt ran, un wo hei sich doräwer argern müßt. Aewer, set'te hei hentau, hei wull't sinentwegen nu All so maken, as de Buren dat hewwen wullen, denn hei wull friegen, „wenn ich nämlich Eine kriege, die en armen Tischler nimmt! Reich braucht sie nicht zu sein, es schad't aber Nichts, wenn sie es ist, aber smuck muß sie sein.“ Dorbi kief hei Lisebeth so von de Sid an, as wenn hei seggen wull: „Grad so smuck un so hübsch, as Du.“ Lisebeth lachte un würd rod un fragte em, worüm hei sich denn kein' von England oder Amerika mitbröcht hadd?

„Hätte ich auch haben können,“ antwurt'te Huber rasch, „in London un New-York un in andern Städten, wo ich beim Meister gearbeitet hab', waren smucke Meisterstöchter genug, die mich gern nehmen wollten, aber was hätte ich meinswegens mit ihnen sollen? Sie wollen keine Damen sein un puzen sich un werden „Miß“ genannt, un sie können nich deutsch sprechen und haben kein deutsches Herz. Sehen Sie,“ — hei hadd binah nu of tau Lisebeth „Miß“ seggt, besünn sich äwer, dat dat nich passen deb, un dat sei em wedder

so verwunnert anstehen würd, as gistern, un dat wull hei nich. — „Sehen Sie, Fräulein Krus’ — so heißt ja doch meinswegens Ihr Vater, nich wahr? — ich muß ’ne Frau haben, die arbeiten kann un nich in die Lustbarkeiten geht, denn ich bin nur ein armer Tischler. Ich hab’ ein Häuschen un kann’s ausputzen un anstreichen, daß es hübsch anzuschauen is, aber weiter hab’ ich Nichts. Ich muß ’ne deutsche Frau haben un eine vom Lande, — meinswegens ’ne Bauern-tochter aus Offendörp.“

Dat Letzte fohrte em so rut, un hei verführte sich orndlich doräwer un fet Lisebeth an, wat de woll dortau säd. Sei ded äwer, as hadd sei Nichts hört un blem stahn. Sei wiren den Neutwer ruppestegen, un Deipen-dal lag tau ehren Fäuten. Lisebeth gaww Hubern wedder de Hand un säd em Adjüs, un sei müßt nu fixer gahn, dat sei nah Hus kem. Huber sach sei bedräumt an, ehr Hand löste sich so glatt un so kühl ut sine, dat em dat Gefühhl besleit, kein Wörtelhonnig un kein Discherlim, jo sülwst kein Schausterpech hadd sei in desen Ogenblick wiß hollen künnt! Hei müßt ’s gahn laten un hei gung of, äwer’t was em gornich recht, dat heit’t müßt. Sin Dörp, sin Werkstatt un sine Discheri, de hei doch süs mit en gewissen künstle-rischen Swung bedrew, Allens kamm em so ledbern vör, sülwst England un de Amerika hadden vör’t Irst ehren Glanz för em verluren.

Lisebeth stunn noch ’ne Wil up den Neutwer un fet em nah. Bi all sine Wunnerlichkeiten geföll ehr de

Mann, hei habb wat Truhartiges, un sine Börleiw för dat Utländische satt of so deip nich, denn hei wull jo doch leiwere 'ne dütsche Fru. In de Taufunft müßt sei noch oft an desen Nahmiddag denken, an den' sei em tauirft kennen lährte. Ehre Dgen föllen nochmal up dat Pasterhus. Wo still un vull Freuden lagg dat dor in den witten Snei! Un still un vull Freuden was't of binnen! Lisebeth wüßt dat, denn sei kenne jo de Pasterlüd, un Pasters Linchen was so oft as sei un sei wiren tausamen in de Lühr gahn un tausamen insesent worden. Ehr föll dat in, dat sei ehr habb besäufen kunnt, sei had so oft dorüm beden un was immer so fründlich gegen ehr! Awer ne! dat wir doch nich gahn! Verleden Sommer habb Lisebeth hört, dat Pastors Linchen en Dg up den jungen Förster smeten habb, d. h. de Lüd säden, sei habb em wirklich leiw, un't wir för ehr en groten Kummer, dat Hans ehr nich of sin Hart tauwennen ded, un dat ut de Curmaferi kein Berlawung entstünn.

Un nu was de Sommer vörbi mit sine Lust un Freuden un dat fründliche, fröhliche Wäten satt bleit un trurig in dat insnigte, lütte Hus un dacht' woll männigen Dag an ehre begrabenen Hoffnungen, de of as de Sommerblumen deip unner Snei un Is legen. Wat würd' Pastors Linchen woll seggen, wenn sei wüßt, dat Hans nu ehr, Lisebeth, tauhüren ded, dat sei sin Brud was, ganz heimlich man, äwer dat sei doch sin Fru warden süll? Un wat würden woll all de Annern dortan seggen, Oberförsters Bertha un

all de hübschen Ramsells, mit de hei sich süs verlustirt hadd, un sine Frönn'? Mit einmal äwergot ehr dat heit un kolt, denn ehr föll in, dat sei jo grad dat sülbige dacht', wat ehr Schwester gistern seggt hadd: wat de Lüüd dortau seggen würden, un dat Hans sich doräwer wegsetten würd, un red't, vel red't würd doräwer warden. Wat können sei denn reden? Dat Hans, de blot de Hand uttaustrecken brukte, üm de Börnehmste un de Rikste tau hewwen, en Burmäten frigen ded? Würden sei em denn anners dorüm an-fiken, blew hei denn dorüm nich de sülbige, de hei west was?

Lisebeth was noch tau jung, üm dat Allens flor intaufeihn. Äwer dat dunkle Gefühl, dat sei nich tau em passen ded, hadd sei noch nich nahdacht, sei hadd jo man ümmer blot säuhlt, wo gaud sei em was un hadd fast glöwt, dat hei ehr leiw hadd. Äwer in desen Ogenblick würd' ehr dat flor, dat dat vör de Welt, sülwst vör ehre lütte Dörpwelt nich naug was. De Kopp swindelste ehr, un trotz de scharpe Luft slunnen heite Druppen up ehre Stirn. Hans höll sin Berspreken, dat was ehr gewiß, äwer sei sach taum irstenmal mit Angst up den Dag, an den' sei künftig mal mit em tau de Tru gahn würd'.

Sei sach em in sine fine Jagduniform, mit sin strammes, vörnehmes Utfeihn, un sich sülden daneben in ehre ordinäre Burentracht. Ehr was't, as gingen sei dörch en ganzen Hümpel Minschen, dor wiren Hansen sine Döllern un Swestern, de seggen trurig un bekümmert

ut un wenn'ten sück von ehr af, un dor wiren sine Frünn' un sine ehemaligen Fründinnen, de kunnen ehr Lachen un ehren Spott nich bargen, — un dunn sach sei up em, un hei gung as en Verbreker an ehre Sid un slog de Ogen nedder, — hei schämte sück! Ehrentwegen schämte hei sück, de Brud wegen, de hei tau'n Altor führte, wil sei von Rechtswegen nich tau em hürte, nich tau em paßte! Un was dat denn dat Elimmste? Gläugnig heit steg Lisebeth dat Blaut in't Gesicht bi dese Frag'. Ne, dat was dat Elimmste nich! 'N Threndag süll ehr Hochtidsdag för ehr warden? Bör 'ne korte Wil hadd sei't noch glöwt, äwer nu sach sei all de Wohrheit. Thren un Glück würden ehr nich folgen, äwer stets dessen Schimp un Schand', wenn sei tau Kirch gung ahn — — sei kunn't nich utdenken, 't kamm äwer ehr mit 'ne Angst, as wenn sei ersticken süll, denn den Schimp un de Schand', de bröchte sei jo tauglik of äwer Hans, de föll jo up em taurügg!

Un wat nahsten? Würden sei glücklich sin? Kunn un würd hei sück wirklich daräwer wegsetten, as Mariken seggt hadd? Lisebeth stöhnte un slog de Hänn' vör't Gesicht, sei wüßt sück nich tau reddden vör ehre Gedanken, un de Thranen stört'ten wild ut ehre Ogen. De kolle Winterluft drögte sei weg, fror sei fast up ehre Backen, ach Gott, wo lang', wo lang' ward dat nu noch duren, bet sei ut'n Harten wegdrögt sin, bet dat Hart so ruhig un so kolt ist, as de Winterhäwen, un as de stille, starre Wald, achter den de Winterfünn dalsack, as 'ne rode Kugel ahn Licht un ahn Warmniß? Lisebeth

keß de Sinn nah un ehr schudderte! Was dat de Küll,
was dat de slimme Ahnung von ehre Taufunft, de sei
bet in dat bindelste Hart drop un schüddelte?

Kapitel 5.

Wenn sei irst wüßt hadd, wo vel, vel wider af
Hans all von ehr was, as sei sich süßwst bi de upgahnde
Insiht in ehren Harten denken künn! Wenn sei de
Breiw' leßt hadd, de hei an sine Dellen schrew, von
dat Leven in de Residenz, un wo hei von sine Bör-
gesett'ten utteikent un ihrt würd! För den ollen Lütting
un sin Fru un sin' Döchter wiren dese Breiw' 'ne wohre
Hartstarkung un tröst'ten sei in wat äwer de Trennung
von Hans. 'I was jo föruttauseihn, dat Hans dat
mal wid bringen würd! Sei dürtoten stolz up em sin
un können allerwegen vertellen, wo hei dat Bertrugen
von den Oberforstmeister besatt un dat em de all tau
vele Dingen brukte, de süs so 'nen jungen Minschen
noch nich äwerdragen warden können. Hei hadd of
schrewen, dat dese Herr em sihr bi den Herzog larot
hadd, un de Herzog hadd'n sich vörstellen laten un hadd
em sihr gnedig anred't. Hans beschrew dat Allens
ganz genau, wo deip de Deiner west was, den' hei
matt hadd, un wat Sine Hoheit seggt hadd, un wat
hei antwurt't hadd. Un dunn was hei tau'n groten
Ball up dat Schloß befohlen worden, un hadd dor mit
all de vörnehmen, jungen Damens danzt. Hans be-

schrew de of, wo sei heiten deden, un dat sei Generals-
un Majurs- un Regierungsrathsdochter wiren, wat sei
för Kleider anhatt hadden, un wo gaud hei sich mit ehr
unnerhollen hadd. Ach, wat wiren Pastors Linchen un
Oberförsters Bertha dorgegen?

Un en annermal schrew Hans, de Herzog wir so'n
groten Leihhaber von dat Jagd- un Forstwesen, dat
hei sine Forstbeamten bet up den unnersten Jäger raf
alle annern vörtog, un hei hadd sich sehr genau nah
finen Vader erkundigt, un wo 't em güng, un hei kennte
em ganz gaud. Un hei, Hans glöwte, dat künn gar
nich fehlen, hei würd negstens Oberförster werden. Sine
Hoheit wir äwerhaupt in jeder Ort en prächtigen Herr
un gegen Jedermann freundlich un gnedig, blot in ein
Ort wir hei eigen, hei künn kein Mesalliancen liden,
wenigstens nich unner de Lüüd', de tau'n Hof hürten un
hoffähig wiren, un hei söchte oft sülsen de Pore ut, de
sich nah sinen Willen frigen süllen. As sich an dit
Kapitel von den Herzog nu ut'n Stegreif 'ne warme
Lomwred up ein von de jungen Damens, de 'ne Doch-
ter von en Regierungsrath was, slot, können de ollen
Lüttings un de Swestern sich den Bers dorup sülsen
maken, un ganz heimlich gung de Fru Förstern up ehre
lütte Fremdenstuw un befel sich de ganz genau, wat
sei woll noch gaud naug was för 'nen vörnehmen Be-
säum? Sei was grad dorbi un munsterte de wat faden-
schinigen witten Gardinen, dunn würd lising de Dör
upmaakt un Auguste kamm herin. Sei versüchte sich en
beten, as sei ehr Moder sach un säd verlegen:

„Du büßt jo hier, ich wull blot mal taußeihn —“

„Wat denn? Wat wullst Du seihn?“ frug de Fru Förstern of en beten verlegen.

„Ach, Nick's nich! Ich wull mi blot de Stuw mal anseihn, wo't ehr woll lett.“

„Na, wider wull ich of Nick's.“ — Sei seken sich an un lachten beid', denn gung de Dör wedder up, un Hermining sef mit ehre brunen Ogen niglich in de Stuw, sohrte äwer glifs taurügg, as sei de Beiden sach. Auguste sprung äwer achter ehr her um tog sei rin. „Blin man hier,“ rep sei lustig, „wi weiten doch, wat Du willst. Du willst Di blot de Stuw mal anseihn, wo't ehr woll lett, un wat sei woll noch gaub naug is för —“

Hermining was puterrod worden, as sei ehre heimlichen Gedanken verraden sach. Als sei äwer markte, dat de Beiden ganz dat sülwige dacht hadden, un dat sei't doch nich mihr striden kunn, dunn gaww sei bi un rep lud: „För Hansen sine Brud, ja, dat wull ich un Zi wullt dat of, un wil 't denn doch nu rut is, Mutting, kif, de Fegen von Gardinen können hier nich bliwen, un 'ne nige Tapet möt hierher, un dat Bedd möt 'ne schön witte Gardin hewwen —“

„Führ sachten, min Döchtling, denn smittst Du nich üm,“ föll de Försterfru ehr in't Wurd. „So'n Upwand können wi nich maken. De Vörhäng will ich gellen laten, äwer de Tapet —“

„Äwer bedenk doch man blot, 'ne vörnehme Dam un Hansen sine Brud! O ich mügg't dat woll Allens hier so schön maken, so hell un so lustig, un Blaumen

will ick herjetten un en Kranz maken, dor äwer dat Bild, dat ehr dat bi uns gefallen sall! Un leiw will ick s' hewwen, mine nige Swester, nich woher, Augusting, dat willen wi?

Ehr was 'ne Thran, 'ne rasche, säute Rinnerthran in't Dg stegen, äwer sei drögte sei fix af, fot ehr Moder un Swester üm un danzte mit ehr ümher. Un dunn besloten sei all drei, vör dat lütte Finster füllen up jeden Fall hübsche, nige Gardinen.

So spunnen sei sich in en säuten Drom in un lewten in den glücklichen Taustand von sädere Hoffnungen, de gornich fehlslagen können.

Aewer mit de Hoffnungen is dat 'ne eigene Sat. Sei sünd de richtigen Wunnerblauen, de äwer Nacht upscheiten un stahn nu dor un täuwen, dat de Richtige kümmt, de dat Wurd weit un plückt sei af. Dat 's denn de Erfüllung, äwer wenig Minschen hewwen dat Glück mit ehre Hoffnungen. Up'n einsam Döörp, wo nich vel passirt, wo Jeder för sich lewt, wo de Minsch wenig brukt un wenig beansprucht, hett hei of nich oft Gelegenheit, sine Hoffnungen an wat antaunknüppen. Sei is taufreden mit sin Schicksal, un't föllt em gornich in, sich Hoffnungen up wat tau maken, wat em nich von butenher taubragen ward. Hadd Hans sich mit ein von de nüdlichen Landmätens verlawt un 'ne Försterstell kregen, sei wiren All taufreden un glücklich west. Nu was 't anners worden. Nu segen sei em för wat Högeres, för wat Beteres an un bugten de schönsten Kartenhüser up sine groten Utsichten.

De Winter gung dormit rüm, 't was all Anfangs März worden, un de Snei, de lang' wiß legen habb, füng an, siß tau rögen un bi lütten tau smölten. In den Försterhuß' satt de Fomili so as alle Abend tausam un vertellte siß wat äwer ehr gewöhnliches Thema: Hans un sine Anstellung un sine Verlawung, un dat hei to Oftern up'n por Dag nah Hus kamen wull un denn woll Allens flor berichten würd'. Dunn kloppte noch späð wat an de Dör, un Gusting stunn up un makte de Dör up. Dor stunn en Mann, dat was Bur Krus', un säð:

„Gun' Abend, Mamselling, un iß bün hier un mügg mit den Herrn Förster reden.“

Hei würd fründlich rinnödig, dat was so Mod' in den Forsthuß'. Jeder de kamm, was willkommen. Hermining bröchte den ollen Mann en Stauhl, un Lütting rep fidel:

„Na, Krus', wo steiht't? Hewwen Sei all aufungen tau ackern?“

„Iß dank, Herr Förster, ne, 't geht noch nich recht.“

„Setten 'S siß doch, Krus',“ säð de Fru Förstern.

„Iß dank, Fru Förstern, iß kann of stahn.“

De oll Mann stunn dor, as en Pahl. Hei habb sine krümmte Gestalt upricht't, un ut sin schrumpfiges Gesicht sproß en fasten Entschluß.

„Willen Sei wat von mi, Krus'?“ frog Lütting.

„Nemen 'S't nich äwel, Herr Förster, iß bün man hierherkamen, dat iß mit Sei reden wull.“

„Na, denn taum — schetten 'S doch los, wat willen Sei denn mit mi reden?“

„Herr Förster, min Lisebeth —“ de olle Mann stoockte un seck sich langsam üm von Einen taum Annern, un denn richt'ete hei sich noch mal un säd fast un säker: „'t is en Jung, Herr Förster, un vör ne Stunn'n is hei buren un 't is en düchtigen, strammen Bengel. Un id' bün kamen, dat id' doch mine Schülligkeit dauhn wull un wull Sei 't anzeigen un gratuliren Sei un de Fru Förstern un de Mamsellings.“

Lütting seck den Mann an, 't würd em ganz verwirrt tau Sinn. Un Fru un Döchter maaken Gesicht, up de de Angst tau lesen stunn, Arus' künn sinen richtigen Klauß möglicherwis' verluren hewwen.

„Wat wullen Sei mi seggen?“ stamerte de Förster nah 'ne Wil, währenddem de Bur stiw un grad stahn bleiw.

„Herr Förster, min Lisebeth —“

„Gotts ein Dunner, dat Sei Ehr Lisebeth en dämlichen Jungen hett, dat heww id' verstahn, äwer willen Sei mi nu nich gefälligst seggen, wat mi dat sall?“

„Herr Förster, driwen Sei nu nich länger Ehren Spott mit mi, dor bün id' tau oft tau un dorüm bün id' nich kamen. Sei weiten't so gaud as id' un — fort un gaud, id' wull man blot fragen, wennihr dat de Hochtid sin süll?“

Was de Förster all vörher in'n Düstern west, denn satt hei nu erst recht in Bisterniß. Sei blew as gedunnert stahn un stierte Arusen an, un de Frugenslüd seken verwunnert un ängstlich up em, blot up de Fru Förstern ehr Gesicht malte sich en lütten, lütten Schin

von Verständniß. Lütting würd dat äwer nahgradens tau vel.

„Hal de Rukuf Ehre Reden“, schreg hei falsch, „iç verstah sei nich. Laten S' minentwegen Ehr Lisebeth frigen, so oft sei will, wat gellt mi ehr Hochtid an!“ Mit einmal gung hei an den Mann ranne un lād em de Hand up de Schuller: „Krus“, sād hei, „nemen Sei sīc de Sat nich tau Harten, 't is Sei tau Kopp stegen, besinnen S' sīc, iç heww jo dor Nicks mit tau dauhn!“ De oll Mann schüddelte sachten de Hand von sīc af, un äwer sin furchtes Gesicht flog en bittres, truriges Lachen.

„Besinnen sall iç mi, Herr Förster? Ic heww mi all lang besunnen un bünne mit mi sülwst tau Rath gahn, wat dat Best wir, un dit is min Entschluß. Min beiden öllsten Döchter hewwen as ihrliche Mätens frigt un sünd gau tau Schick un hewwen jo of, Gott sei Dank, jede en ganzen Hümpel Rinner. Dit's min leht, min jüngst, un so wohr as Gott help', sei sall of 'ne ihrliche Fru werden un dat so bald, as mäglich, un wenn- ihr sall de Hochtid sin, Herr Förster?“

Bi dese lehten Würd was de Fru Förstern upstahn un lising an Krusen rangahn. Man tunn't ehr anseihn, dat ehr dat ümmer heller vör de Dgen würd. Sei blew vör den Bur stahn un sād:

„Krus, dat Kind —?“

De oll Mann nicköppte un antwort'te: „Ja, Fru Förstern, dat Kind —“

„Wen sall Ehr Lisebeth frigen, Krus?“

„Dat weiten Sei so gaud as ick, Fru Förstern, denn hei ward Sei dat doch of seggt hewwen, dat hei ehr de Eh' verspraken hett. Un ick holl dorför, dat de jung Herr, wat Sei Ehr Sähn is, sin Burd hollen ward'."

Dor was 't endlich rut. De Fru Förstern säd kein Burd mehr, sei gung still up ehren Platz taurügg, slog de Hänn'n vör't Gesicht un brok in Thränen ut, un Auguste un Hermining weinten mit. Ach, wat würden dor för schöne Hoffnungen begraben in desen bitteren Ogenblick, un mit wovel Thränen würd dat Graww begaten hütt un noch nah Johren! Lütting garw sick äwer so nich. Hei hadd nu of begrepen, üm wat sick dat handelte, un wer funn em dat verdenken, dat hei in den irsten Ogenblick Nicks dorvon weiten wull? Hei stunn füerrod vör Upregung dor, un pußt'te denn in de Stuw rümmer un blew denn wedder vör Krusen stahn un rep:

„Wat, min Sähn, min Hans sall Ehr Lisebeth frigen? Kruf', ick bidd Sei um Gotteswillen, wat föllt Sei in? Weiten Sei, wat min Hans is? Hei is in de Residenz un bi den Herzog un is dor de Erst un den' sin beste Fründ un den Oberforstmeister sin rechte Hand un kann süllben Oberforstmeister warden! Un hei süll hier en Burnmäten frigen? De jungen Damens, wat de Börnehmsten sünd, — mi ducht, hei schrew of von de Prinzessinnen, — recken sick de Arm nah em ut, un hei süll Ehr Lisebeth tau Fru nemen? Nemen 'S nich äwel, Kruf', ick hadd bald seggt, Sei wiren nich

recht klauf, äwer ick hewwt noch nich seggt, un Sei möten inseihn, dat dat nich geiht!“

Hei pusk'te wedder los mit 'n Gesicht, as en Buterhahn, de wat Rod's seihn hett. Un hei hadd of wat seihn, äwer dat was swart, uu swart treckte sick dat vör de helle Taufunft tausam, un wo hei eben noch 'ne wide, lustige Landschaft seihn hadd, dor hüng nu de düstere Vörhang. Sine Ogen müßten sick irst an dat Dunkel gewinnen, dat hei den richtigen Weg wedder finnn. De Bur stunn stiw un unbeweglich un let den Förster uttoben. Dor was gornicks Hastig's hüt in sin oll schrumplich Gesicht, äwer 'ne faste Ernsthaftigkeit lagg dorup, un 't kunn Jeder seihn, dat de Tagigkeit, de den richtigen Buren utteikent, wenn hei sick wat vörnamen hett, em bi dese Sak nich verlaten würd. As Lütting naug wettert hadd un sick in sinen Sorgenstauhl fallen let, tau'm Teifen, dat hei farig un em de Luft utgahn was, dunn fung hei an tau reden.

„Nemen 'S 't nich äwel, Herr Förster, dat seh' ick nich in. 'T is so lang noch nich her, dat dat gescheihn is, un wi sünd noch nich an't En'n dormit. 'T is möglich, dat Sei Ehr Sähn nu betere Utsichten hett, un dat Sei dat nu nich mit is. Äwer wat gellt mi dat an? Ick möt blot as Vader mine Schülligkeit dorbi dauhn. Un, Fru Förstern, 't is möglich, dat Sei doräwer so vel weinen möten, äwer min Fru hett of weint, un worüm füllen mi de Thranen von min Fru un min eigen Kummer weniger gellen, as Sei Ehr? Min Kind was gaud un unschüllig, so lang' bet —

Sei weiten, wat ick mein — so lang' bet de jung Herr hierher kamm, dunn was't vörbi! Dunn was sei as utwesselt, un wenn sei süs frisch un fröhlich bi de Arbeit un frisch un fröhlich bi de Lustbarkeit west was, denn würd sei nu anners, ganz anners. Äwer wat sall ick dorvon reden! Glöwen Sei nich, dat ick dat Mäten entschulligen will, ne, dat dauh ick nich, äwer den jungen unbedarvten Minschen, de noch nich achter de Uhren drög is un doch nicks Beters tau dauhn weit, as en Mäten unglücklich tau maken, den of nich, den noch dusendmal weniger! Wat Einer seigt, dat möt hei austen, un de Supp, de Ein sich inbrockt, de möt Ein utfreten. 'T is möglich, dat min Dirn Sei nich gaud naug is tau 'ner Swigerdochter, äwer wat gestt mi dat an? Wat möt, dat möt, un vör unsern Herrgott sünd wi All glück. Un drüm frag ick tau'm drüdden Mal, wennihr sall de Hochzeit sin, Herr Förster?"

Lütting hadd en pormal während Krusen sine Red' upspringen un em dormang fohren wullt, äwer dat Bewern in den ollen Mann sine Stimm, as hei von sin Kind un de Thranen von sin Fru spröf, un denn de Hand von sin eigen Fru, de up sinen Arm lagg, höll em dorvon taurügg. Bi de lezte Frag' sprung hei äwer doch tau Höcht un brüllte Krusen an: „Dor slag de Dunner rin! Kann ick dat weiten? Fragen 'S bi de richtige Städ an, wen Sei't so pressirt!" — Kum, dat hei disse Würd rutkollert hadd, was sin Grimm äwer vörbi. Sei hadd sich in de Leht man noch zornig stellt, nu würd hei weis. Sin graden ihrlichen Sinn

kunn jo nich anners, hei müßt Krusen Recht gewen un fühlte em dat ok nah, wat hei säd. Sei was jo in de sülbige Lag'. De Bott lagg in Schören an'n Bodden, un de sänte Hoffnungswin flöt rund ümher un versickerte in den Sand, dor let sief Nicks mihr an helpen un reddden! Äwer Recht möt Recht bliwen! Un Recht was't, dat Hans Lisebeth frigte, müggd den ollen Lätting sin Vaderhart un sin Vaderstolz dortau seggen, wat sei wullen. De Erkenntniß von en Fehler, den Ein sülsen maht hett, is bitter, äwer noch bitterer is sei von den Fehler, den de Leiwsten, de Negsten un de eigen Rinner maht hewwen un de ehre ganze Taufkunft un ehr ganzes Glück intweibreckt.

'T was 'ne swore Stun'n för Lätting un ne Versäufung. Sei wüßt, hei künn't dorup ankamen laten, dat Krus' Hansen verklagte, dwungen kunn des' tauleht tau de Heirath nich warden. Äwer dorgegen strüwte sief sin Rechtsgefühl, bi em güll de Spruch: wat verbraken is, möt süht warden un wenn 't of Hartblaud kost't! Un sur würd 't em, äwer hei wischte sief de Thran af, de em in 't Og stegen was un gung an den Bur ran:

„Laten 'S man sin, Krus', id bünn en beten harsch west, 't hett mi ävernamen! Id kann doräwer Nicks bestimmen, dat möt min Sähn sülsen dauhn. Äwer id will 't em schriwen, un denn ward dat tau Schick kamen.“

„Dat is mi denn jo ok egal, Herr Förster, un dor bünn id jo ok mit taufreden. Denn schriwen Sei em

man, un hei kann dor denn äwer bestimmen. Un gu'n Nacht of, Herr Förster un Fru Förstern un Wamfellings, un nemen 'S nich äwel, dat ick Sei stürt herw." —

Bi Sr. Excellenz den Minister von Winterfeld in de Herzogliche Residenz was en groten Ball. Wer all mal up so'n Ball west is un hett sine Herrlichkeiten genaten, de weit't, wo't dor tangeiht, un dat de Hauptkennteiken dorvon en groten, groten Saal un 'en Gedräng' von Minschen un 'ne fürchterliche Pitt sünd, dortau 'ne Musit, de Einen wirblicht maht, vele sidne un Tarltankleider, de mit bunte Uneformen un swarte Swalbenswäns' dörch 'enanner schweben un fegen, un Ispunsch un Hummersalat. Un denn dat Regiment in Gallalivreen un siden Strümp un Snallenschauh, de sachten un geschickt dodörch gliden un äwerall sünd, wo sei brukt un nich brukt warden, un vör de sief de heimlichen Leiwspore in Acht nemen möten, denn sei herwen nich blot ehre Ogen un Hänn'n, sei herwen of ehre Uhren in jeder Eck. Un all de Minschen stahn un drängen sief an de Wand rüm, denn de Herzog is jülben dor mit de Fru Herzogin un gahn in den Saal herüm un lächeln hier gnedig un seggen dor en por fründliche Wörd, un de Damens knigen all von Widen, un de Herrn, bunt un swart, wisen Sr. Hoheit, wo schön dat de Friseur ehr den Scheitel treckt un inölt hett. 'T is recht fierlich up so'n Ball, dat finnen vörut de

Danzbeinen, denn de öllern Herrn darwen sich nahsten setten un utrauchen, äwer sei möten sich swingen, un denn wedder stahn, so lang dat de hohen Herrschaften gefüllt.

De Musik füng grad wedder an en fürigen Galopp tau spelen, so einen, de in'n Stann'n is, nich blot de Jugend tau verlocken, un nah de irsten Kläng' winkte Ehre Hoheit de Fru Herzogin ehren Adjutanten un säd em en por Wörd. De stört'te furt, grad up en jungen Mann in 'ne stattliche Forstuneform los, de in'n Begriff was, 'ne Dam in en wittes mit Rosen besett'tes Kleid taum Danz tau halen, un sprok hastig mit em. Äwer den jungen Mann sin Gesicht flog en Schin, de kunn grad so gaud Ärger as Freud' bedüden, un dunn tred hei up sine Dam tau un säd mit en Deiner:

„Ich muß um Verzeihung bitten, gnädiges Fräulein, Ihre Hoheit haben mich zu einer Tour befohlen. Werde ich — darf ich hoffen, Sie nachher noch — doch das ist wohl zu viel verlangt?“

Hei keß so biddwiß' in de blagen Oden, dat sei 's dallagen müßt un rod würd äwer dat ganze leiwliche Gesicht.

„Ich werde hier auf Sie warten“, flüsterte sei, ahn em antauseihn.

„Dank für Ihre Güte!“ säd hei ebenso, un as sei upkeß, was hei furt. In den negsten Ogenblick flog hei an ehr vörbi mit de Herzogin in'n Arm, hei keß nah ehr hen un lachte glücklich. Wat was't för en stattliches Por! Kein von de Damens kunn so Galopp

danzen, as de Herzogin, dat säden alle Herren un Hans Lütting, den Oberforstmeister sin Secretär, äwerdrop dorin of alle annern Dänzer. Hei was de richtige Partner för ehr, un as de Tour tau Enn'n was, dunn entlet sei em mit ehr fründlichstes Lächeln. Em geföll dat sihr, äwer de junge Dam mit de Rosen, de sei ut de Firn beobachten ded, weniger. Uem de Herzogin ehrentwillen satt sei hier in de Eck, un wat brukte de ehren Dänzer habenin so gortau fründlich antaufen? Nu kamm hei jo äwer all un sett'te sich bi ehr, un sei was wedder so vergnügt, as vörher. Sei kemen in't Bertellen un vergeten dat Danzen, un wil vele annern Bore vör ehr stunnen, würden sei of vergeten.

Up einmal was de Danz ut un sei fohrten up. Sei hadden den schönen Galopp versümt, äwer de negste Danz, sei felen beid up ehre Korten, den danzten sei jo of tausam. Sei hadden 't beid anschrewen, dor stunn up ehr Kort: Herr Forstcandidat Lütting, un up sin: Frä. Agnes Wallberg, un 't was en Walzer. Mit en Walzer is dat nu äwer en gefährliches Ding, vörut för en Börfen, wat nich mihr ganz säker gen'anner äwer steiht. Dat klingt un singt in so'n Walzer von Lust un Leid, dat jubelt un klagt, dat juchst vör Freud un weint vör Behmaud, un dat schwewt un werwt, un slist un rankt sich üm't Hart, un dat weigt so säut in den säutsten Drom! Hans un sine Dam swewten of all äwer de Ird, de Harten kloppeten lud un de Backen gläuheten warm. Hei drückte ehr sachten de Hand, un sei tuckte nich taurügg, hei tog sei ganz lising an sich

ran, un sei let't gescheihn, un hei bögte sine hoge Gestalt dal un wull ehr en por Würd' tauflustern: Dunn würd äwer an em tagen, grad tau rechter Tid, dat hei 's nich mihr seggen kunn, un hei säuhlte 'ne Hand up finen Arm, de em nödigte, still tau stahn. Un as hei wedder dal kamen was von de Glücksledder, de hei all rupfladdern wull, un sich besünn, wo hei was, dunn stunn en Sakai vör em mit en Breif in de Hand un deinerte un säd:

„Um Vergebung, mein Herr, es steht darauf per express und der Postbote verlangt, daß er sogleich abgegeben werde.“

Hans namm den Breif, hei was von Hus, un sin Bader hadd em schrewen. Sei versüht sich gewaltig, denn dat müßt 'ne schlimme Nachricht sin. Mit en por hastige Würd entschulligte hei sich bi sine Dam, verlöt den Tanzsaal un süchte sich en afgelegen Flagg in ein von de velen Nebensaals. Dor brok hei den Breif up. Äwer kum hadd hei anfangen tau lesen, dunn würd em swindeln un hei sprung up un fet wild üm sich. Wo was dat möglich, dat hei dat hadd vergeten kunnt! Un hei, hei süll nu — hei, hei hadd nu —! Groter Gott! de Sweit brok em ut, un hei sackte weder dal up den Stauhl un les' wider. Sin Bader schrew em so irnst un so bekümmert un sorgenvull — hei höll't nich ut, hei müßt furt! En Glück was't, dat Keiner in de Meg was, de em beobachten kunn, denn hei rönnte rümher un slog sich an den Kopp un red'te lut mit sich. Agnes! un de Herzog, un de Oberforstmeister!

Wat würden sei All seggen! Un midden ut den säutsten Leivssdrom süll hei herut un süll nah Offenbörp kamen un den Pris tahlen för 'ne Jugendäverilung, de hei begahn hadd? Sei frog sich, wat dat möglich was, un wat sei dat von em verlangen können? Un denn föll em in all sine Verstürtheit in, dat hei sich faten un taurüggahn müßt in den Saal, üm sich tau veraffcheiden, denn bliwen kunn hei nich! In de Saalbör begegente em en jungen Mann, de höll em an un rep:

„Wo in aller Welt waren Sie nur, lieber Freund? Wir haben Sie gesucht wie eine Stecknadel. Ihre Dame —“

„Herr von Degen,“ säd Hans hastig, „wollen Sie mir den Gefallen thun und mich bei Fräulein Wallberg entschuldigen? Ich habe eine schlimme Nachricht von Hause bekommen und muß gleich fort, um zu schreiben!“

„Sie können auf mich zählen,“ antwortete Herr von Degen. „Aber,“ sett'te hei, dat verstürte Utseihn von den jungen Mann munsternd hentau, „was haben Sie nur, können Sie mir nicht sagen —“

„Nein, nein! verzeihen Sie, ich bin sehr eilig!“ Dormit was hei furt, den Minister tau säuken, um sich of bi den tau entschulligen. Dunn vertred em de Herzog den Weg un hei müßt wedder stahn bliwen, obchonst em de Bodden brennte.

„Nun, mein lieber Lütting,“ säd de Herzog sihr gnedig, „haben Sie ihre Cavalierspflicht schon fleißig erfüllt?“ Hans deinerte. „Nun, das freut mich“, un

hei kloppte em, wedder sihr gnedig, up de Schuller un set mit en verständnißbulles Ogenzwinkern nah en por junge Damens räwer, mang de of Fräulein Wallberg stunn, „wie weit sind Sie denn da? Nun, nun, Sie brauchen nicht roth zu werden —“

„Hoheit,“ stamerte Hans, hei wünschte sich dusend Milen wid weg.

„Na, na, ich verstehe, Sie haben sich noch nicht erklärt. Thun Sie's nur dreist, ich büрге Ihnen dafür, daß Sie keinen Korb bekommen. Hahaha, und wenn es so weit ist, dann zählen Sie auf Ihren Landesherrn, ich nehme Ihre Zukunft auf mich.“

Hei machte 'ne lichte Handbewegung un was furt, un Hans rönnte, as wenn em de Kopp brennte, nah Hus. De Gunst un de Gnad von den Herzog, de Leiw von dat schöne Mäten, de gauden Utsichten up sin Taufunft, dat Allens was blot noch Hohn un Spott, denn hei wüßt jo, 't was Allens verluren! Hei müßt wählen, up de ein Sid all ditt un sin ganzes Glück, up de anner sin gaud Gewissen, sin Redlichkeit un sin Ihrenhaftigkeit mit en Lewen ahn Lust un Freudigkeit. Nu wähl, Hans Lütting, du darwst di nich lang besinnen!

De Oberforstmeister von Waldburg, Hansen sin irste Gönner, hadd sich äwer dat Verschwinnen von den jungen Mann sehr wunnert, nich blot in'n Stillen, hei hadd of hier un dor nah em fragt un Keiner hadd wüßt, wo Hans blewen was. As de junge Forstsecretair nu den annern Börmiddag bi sinen Börgesett'ten in de

Stuw tred, bleif un ävernächtig un ganz gegen sine Gewohnheit slapp un ahn en frisches, fröhliches Wurd tau sprekten, rep de em all von Widen tau:

„Wo waren Sie denn gestern hingerathen, lieber Rütting? War das recht so zu verschwinden? Ihre Freunde waren ungehalten, nur Herr von Degen ließ verlauten, Sie hätten schlechte Nachricht erhalten. Ist das wahr? Das thut mir aufrichtig leid. Hoffentlich nicht ernstliche? Nicht, nun das freut mich. Die jungen Damen haben sich die Augen nach Ihnen angesehen. Ja, ja, wenn man jung ist und mit einem Neußern, wie Sie —“

„Herr Oberforstmeister!“ säb Hans verlegen.

„Nun, es ist Ihnen doch nicht unangenehm? Fräulein Wallberg, der Sie mitten im Tanze davon gelaufen waren, soll effectiv eine Thräne vergossen haben. Herr von Degen sagte es mir. Im Vertrauen, mein junger Freund, und rechnen Sie mir meine Theilnahme nicht für Unbescheidenheit an, werden wir bald gratuliren dürfen?“

„Herr von Waldburg, ich bitte Sie,“ rep Hans in de pinlichste Verlegenheit, „davon kann ja gar keine Rede sein!“

„Wie, keine Rede?“ frog de Oberforstmeister verwunnert, „nachdem Sie ihr den Winter durch so die Cour gemacht haben? Das kann Ihr Ernst nicht sein!“

„Ich weiß nicht, was ich dazu sagen soll“, rep Hans binah in Vertwiflung. Der Herzog hat mir auch eine solche Anspielung gemacht. Ich habe mit

Fräulein Wallberg getanzt und Unterhaltung geführt, wie mit den Andern auch, und die junge Dame wird sicher ganz andere Ansprüche machen, als daß sie ihre Augen auf einen armen Forstcandidaten richten möchte."

"Wie mir scheint," said Herr von Waldbenberg en beten scharp, „wollen Sie sich zurückziehen und herausreden. Das sollte mir leid thun um Ihret- und um des Mädchens willen, denn sie ist in dem Falle compromittirt, da sie Ihre Huldigungen nicht zurückgewiesen hat, in dem festen Glauben, daß es sich bei Ihnen um ein ernstes und wahres Gefühl handle. Auch der Herzog nimmt das an und hat mir im Vertrauen eröffnet — Sie sind ein großer Günstling von ihm, lieber Lütting — daß er Ihnen, sobald die Verlobung Statt fände, die Oberförsterstelle über die zur Residenz gehörigen Forsten übertragen wolle und Ihnen zur Wohnung das reizende Jagdschloß Liebenburg, eine Stunde von hier, anweisen werde. Er interessirt sich so sehr für Ihre Verlobung mit Fräulein Wallberg, daß er sich im Geiste schon an Ihrer Ueberraschung weidet und an dem Glück, mit dem sie den Honigmond Ihrer Ehe in Liebenburg verleben werden. Er behält sich nur vor, zur Zeit der Jagd, Quartier dort zu beanspruchen."

De Oberforstmeister habbd dat Allens vertellt in en Ton, as wenn em dat man so nebenbi insöll, äwer grad dordörch würd dat de grausamste Marter för Hans, de dorbi stunn un de Ogen unner sief slog, as en Verbreker. Mit unsätere Stimm stammerte hei endlich:

„Lassen Sie mir Zeit, Herr von Waldenberg, wir sind beide noch so jung —“

„Ein sonderbarer Einwand für einen Verliebten“, säd Herr von Waldenberg spött'ich, „daran habe ich nicht gedacht, als ich jung war. Wir haben uns denn wohl Alle in Ihnen und Ihren Gefühlen geirrt. Ich bedaure das arme Mädchen. — Bitte, diese Acten, Herr Lütting.“

Dormit let hei Hansen stahn, de sich an sine Arbeit sett'te mit en Hart, dat ganz termalmt un terreten was. Dat arme Mäten! Also hier Ein un dor Ein! Ein' müßt hei bedregen un unglücklich maken! Hei hadd gor nich wußt, dat hei so'n slichten Kirl was, äwer de Oberforstmeister hadd't em flor matt, dat hei de Leiw von en gaudes Mäten nich wirth was! Hei fäuhlte sich so elend un kamm sich so jämmerlich vör, dat hei nich in'n Stann'n was, en vernünftigen Baukftaben tau schriwen. Wenn hei sich doch einen Minschen hadd anvertrugen künnt! Hei stunn en pormal up den Punkt, taum Oberforstmeister tau gahn un em sine schreckliche Lag' flor tau maken, hei künnt villicht mit den Herzog in de Reich' bringen! Äwer denn höll em ümmer wedder de Insicht dorvon taurügg, dat hei sülsen en Entschluß faten müßt, dat hei allein mit sich taurecht kamen müßt un dat blot sin eigen Gewissen em dat Richtige wisen kunn. Un wenn hei so wid was, denn schow hei ümmer wedder sin Gedanken furt, wid furt, denn sin Gewissen redte lud naug un schow un drängte an em, dat hei en

Enn'n maken süll un schaffen sich Frieden. Äwer denn steg wedder en Gesicht vör em up, de blagen Ogen vull Thranen up em richt't, un denn fung de Strid wedder von Nigen an un de Dual begünn wedder von vörn.

Hei müßt nu doch äwer of an sinen Vader schriwen un antwurten em up sinen Breif. Acht Dag' wiren all vergahn, hei hadd sich dortau noch nich entsluten kunnt, nu müßt' hei't äwer. Hei grep also mit'n kramphasten Entschluß nah de Fedder un schrew. Äwer wil dat in sinen Innern so unklar un verworren was, wüird de Breif of so, un hei kamm taulezt blot dorup rut, dat hei tau't Osterfest, dat nu all vör de Dör was, nich nah Hus kamen künn. Hei künn't nich, 't wir em nich möglich, un nah Ostern hadd hei so vel Arbeit un süll of mit den Oberforstmeister de Forsten bereisen, dat't denn gor nich güng. Nahsten wull hei kamen un dormit müßten sei sich för jigt taufreden gewen, sei un de — de Annern of. Mit en deipen Sufzer, as wir em 'ne Last von'n Hals, slot hei den Breif, hei hadd doch nu 'ne Frist gewonnen.

Äwer hei müßt bald marken, dat sich in sine betherige Stellung wat ännert hadd. Sine Frönn' wiren kühler gegen em, vörut de Oberforstmeister, de den tautrulichen Ton binah ganz afläd, un wil em dat fränkte, tog hei sich taurügg un höll sich allein. De Fastentid bröchte dat mit sich, dat de Danzvergnügen uphörten, denn de Herzog was en kirchlichen Mann un sihr gegen en Dispens von de strengen Borschriften,

un up de Art blew Hansen dat ersport, dat hei noch mal mit Agnes un ehre Öllern tausam kamm. Dat namm em en Stein von Harten, denn hei hadd nich wüßt, wo hei ehr hadd begeggen fällt, un kum was de April vörbi, un de irsten gräunen Bomknuppen dor, dunn hörte hei, sei wir verreist mit ehre Döllern, in't Bad, säd Herr von Degen, denn ehre Gesundheit hadd leben, sett'te hei mit 'ne sihr irnste Min hentau.

Hans steif sick weg, as en begaten Pudel, hei was sihr unglücklich, denn hei säd sick, dat hei för immer von ehr trennt was. De Einzigt, de von all dit Nichts marken ded, was de Herzog. Hei höll de Heirath von sinen Günstling mit de Dochter von sinen Regierungsrath för utgemakt, up de Tid kamm't em nich an. Un denn hadd hei of sin Regierungssorgen un Geschäften, un naug dormit tau dauhn, dat hei sin Land in Ruck un Schick höll, un as irst de Dören von de Ballsaal slaten wiren, un de Frühling sine Dör upded un dordörch ganz annere Herrlichkeiten weiß de den Einen hierhen, den Annern dorhen lockte, dunn kam em de Saß för't Irst in Bergetenheit.

So gungen de Frühlingsmanden hen, de Summer kamm un mit em den Herzog sine Paschon för Rehbüsch nn let em kein Rauch oder Rast mihr. De Jagdwagens würden anspannt, un rute gung't in den gräunen Wald, de Büffen knallten und dat hegte Wild farwte mit sin unschülliges Bland dat gräune Musch. Hans müßt as utgeteifente Schütz immer dorbi sin, un de Herzog namm em männigmol in sinen eigenen

Wagen. Dit rührige Lewen un Driven munterte em denn of wedder en beten up, un hei verget binah sinen Kummer, un dat hei nah Hus füll un frigen Bur Krusen sin Dochter.

Kapitel 6.

In Ossendörp täumten sei wilbessen gedüllig up sine Ankunst, un so as dat ümmer in'n Lewen tau gahn pleggt, of in de irnsteste un pinlichste Lag, — sei gewennten sich an den Taustand, un wenn villicht männigmal 'ne lise Hoffnung in ehr upsteg, 't künn möglicherweise doch Allens noch anners kamen, denn ward ehr dat, in Anbetracht von de minschliche Schwachheit, de jeden Irdenbörger anklenen deiht, woll Keiner so äwel nemen. Dunn kamm äwer eines Dags 'en Breif von Hans an sinen Bader, un as de Förster den' lesen würd, dunnn sprung hei up einmal up, let den Breif fallen, streckte de Arm von sich af un stunn dor mit en Gesicht, as wenn hei de Engel in'n Himmel singen hörte. Sin Fru kreg en dägten Schrecken äwer sine Anstalten, sei fohrte of up un kreg em an'n Arm tau faten un schüddelte em, denn sei glöwte nich anners, as dat em de Slag rührt habbd. Äwer de Verflorung in den Ollen sin Gesicht un dat Zwintern in sine lütten Degellens unner de dicken, witten Brunen beweif ehr, dat hei blot von 'ne deipe Rührung befallen was, un wil sei of as Fru ehr Deil dorvon afhewwen wull, namm sei den Breif

up un lef' em. De Indruck, den' hei up ehr maken ded, was äwer en ganz annern. Twors fallen let sei den Breif of, denn sei slog de Hänn'n tausamen, ümmer wedder un wedder un rep dorbi: „Ach du leimer Gott! Ach du mein Herr! Ach du leime Tid, wat fängen wi nu an? Dit is denn doch — na sowat lewt nich! De Herzog will —“ sei lep an de Dör un rep: „Auguste, Hermining, kamt mal swinning her! Hier 's en Breif von Hans, un nu lest mal blot, wat hei schriwvt! De Herzog kümmt hierher mit Sack un Pack un mit sine ganze Hofgesellschaft un will hier jagen un will denn hier bi uns eten. Wat ward dit worden, wo ward uns dit gahn!“

De beiden Mätens wiren up ehr Mutting ehr Hülpropen anstört't kamen un stunnen nu dor un wüßten nich, wat sei reden oder denken süllen. Ehr Bader hadd sich äwer wildeß sat't un hei höll sich noch mal so stramm, as hei nu in de Stuw rümmaschirte un fuchtelte vör Upregung mit de Arm rümher.

„So muß's kommen, sagt Neumann,“ rep hei dorbi, „dat hedd mi grad noch fehlt! Drei un twintig Johr biin ick nu hier Förster, un de Herzog is kein einzigs Mal hier west! Nu möt mi dat Glück noch gescheihn! Wat de oll Herzog was, unsen gnedigsten Herrn sin Bader, de is mal hier bi minen Bader west un ick herow dor as Kind vel von reden hört, wat dat för 'ne Jagd west is, un wovel Rehbiick sei schaten hadden, un dor unnen an'n Busch unner de Bäum hadden sei eten, un min Moder was of dorbi west.“

„Mein Gott, Lütting,“ rep sin Fru en beten argerlich, „so lat uns doch nu den Breif irst lesen, dat wi weiten, wat Hans eigentlich schriuwet. Auguste, lef’ lud, dat Din Vader tauhürt, hei is jo woll rein ut’n Hütschen.“

Auguste lef’, wat Hans schrewen hadd. De Herzog hadd em seggt, hei wull in den groten Offendörper Forst ’ne Jagd afhollen. Hans süll an sinen Vader schriwen, dat hei de Inrichtungen dorför dröp, un de Försters un Jägers ut de Uemgegend süllen of dortau bestellt werden, un twors den negsten Dunnerstag.

„Güt is Sünnaabend,“ säd Hermining, um ehre Famili tau orientiren.

De Herzog, schrew Hans wider, wull den Abend vörher mit em un de annern Herrn nah dat Jagdschloß reisen, wat twei Stunn’n von Offendörp lagg, dor wullen sei awernachten un den annern Morgen ganz tidig upbreken. Lütting un de annern Försters süllen ehr halwegs entgegen kamen. ’t Nahmiddags Klock hentau finen wullen sei denn All nah’t Forsthus kamen un dor dat Jagdbiner innemen. Ungelegenheiten würd hei sin Öllern wider nich maken, dorum brukt sei kein Unrauh tau hewwen, denn hei bröcht en Koch un Lakaien un alle Spisen un Gedränke mit, un blot dat hadd hei sich utbeden, dat de Fru Förstern em eigengebacken Stuten vörsett’te, denn hei wüßt recht gaud, dat de Försterfrugens sich dorup beter verstünnen, as alle Bäckermeister in de Stadt.

Hier höll Auguste mit Lesen in un fet ehr Mutting

mit 'ne sihr utdrucksvulle Schelmeri an, denn sei wüßt woll, wo sacht ehr dese Red' dörch de Kehl gung. De Fru Förstern hadd sich of wirklich mit en lütten unversehnen Ruß in Positur sett't un tog ehre glatte Schört noch glatter, un up ehr Angesicht, wat nich mihr ganz so glatt was, as vör'n Johrner twintig, spelte sich en lütten Triumph af, un dat mit Recht, denn sei bakte in Wahrheit den schönsten Stuten wid un breid, wil sei Butter un Eier nich an sporen ded. Sei was äwerhaupt 'ne Käfsch, as sei in't Bauk steiht, un't ded ehr binah leid, dat sei dat den Herzog nich wisen kunn. Botter un Zucker höll sei för de Hauptingredenzen tau'n gaudes Raken, wenn sei de hadd, säd sei, denn künn sei Allens, wat so'n Koch künn, of.

Auguste les' nu noch, dat de Herzog utdrücklich bestimmt hadd, Hansen sin Moder un sin Swestern füllen mit bi de Tafel sin, hei freute sich dorup, sei bi dese Gelegenheit kennen tau lihren.

De Breif öwte för de negsten Dag' up Jeden sine besünnere Wirkung. De Husfru gung rümher mit feinen annern Gedanken, as ehren Stuten. Auguste hadd naug tau dauhn, dat ganze Hus reinmaken tau laten, un mit Hart un Bessen den Platz antaugripen, wo de vörnehme Gesellschaft tafeln süll. De beiden hadden denn of ehre Beschäftigung dormit, äwer Hermining, dat unverständnige Kind, ded Nick, as sinnen un denken, un dit Sinnen un Denken was blot up Hansen richt't un wat ut em worden würd, wenn hei nu kem! Grad doran schinte äwer de Förster am

wenigsten tau denken. Von buten was hei ganz gefat't un ruhig, äwer binnen spijäukte dat desto mihr, blot verraden wull hei nich, wo upgeregt hei was. Äwer hei was den ganzen Dag up de Beinen un tau Busch. Hei söchte den ganzen Wald af un munsterte sin ganzes Revier. Hei exirte sine Jägerburßen un sine Hunn'n un drillte sei orndlich, pußte sine Gewehre jeden Dag oder let sei wenigstens pußen, löd sei all de Reich nah un schot sei wedder af, iim dat beste ruttauffinnen. Dorbi sünn hei sich denn of noch allerlei Kram ut un äwerraschte sine Frugenslüd mit Börsläg un Ansödderungen, dat sei de Hänn'n tausamslogten un säden, dat wir unmöglich!

Irst süllen sei 'ne Threnport maken, äwer dorup verstunnen sei sich nich, denn süllen sei Gerlanden un Kränf' winden un dormit dat ganze Hus utzieren, un dortau säden sei Ja, dat wullen sei dauhn, iim de Husdör süll 'ne grote, schöne Gerland! Denn wedder wull hei 'ne Fahn up't Daek hewwen, un sin Fru säb, denn süll hei man sülsen ein upsteken, denn sei künn nich nachtwandeln, un süs wüßt sei nich, wo sei up't Daek kamen süll. Äwer up de Fahn hadd hei sich verbeten un söchte so lang up den Bähn mang all den ollen Plunner rüm, de up jeden Bähn, of in de orndlichste Husshollung tau finnen is, bet hei so'n oll Ding sünn, wat mal as Flagg' deint hadd, villicht dunnmals, as den Herzog sin Vader bi sinen Vader west was. De würd en beten upmunstert un denn ut dat Finster von de lütt Stuw steken, in de Hansen sin Brud hadd wahren süllt.

Als nu Hermining bi dat Kränz'maken satt, frog sei ut Spaß, äwer tau ehren Unglück, den Ollen, wat sei nich of den Herzog en Rosenfranz up den Kopp setten süll? Dese Frag regte 'ne nige Idee in em an, un hei lawte Hermining, wat sei för ein klaufes Dirning wir. Sei brukte den Herzog keinen Kranz uptausetten, äwer sei süll em en Rosenstruz äverrifen un en Gedicht dortau seggen, un — ja, un en wittes Kleid müßt sei dorbi anhebben. So wir dat ümmer, wenn de Landsherr irgendswo empfangen würd.

Hermining versühte sich nich slicht, wenn seit't of in de Erst man för Spaß höll, äwer sei müggte seggen wat sei woll, un sin Fru un Auguste müggten of seggen wat sei wullen, de Förster blew dorbi, hei wollt hewwen. Un dat wüßten sei all, wenn hei sich wat in'n Kopp sett't hadd, denn was hei eigensinnig, as en stöck'sches Bird, un all de Süßzers von Fru un Döchter rührten em nich. „Du leiver Gott,“ rohrte Hermining, „wo sall id en Gedicht herkriegen,“ un sei les' alle Bänker dörch, de sei finnen kunn, äwer dat wiren meistens man Forstbäuer un Rastbäuer, von Gedichtenbäuer kein' Spur! Un „Du leiver Gott,“ süßte ehr Moder, „wo sall id en witt Kleid för dat Kind herkriegen! Dortau rikt jo min Kass' nich, un wer süll't of woll maken?“ Un sei gung up de lütte Stüw haben, wo all sid en por Dagen de Fahn ut'n Finster hüng, dormit dat sei doch prat was, wenn S. Hoheit kamm, un dor sach sei den finen witten Mull liggen, de all lang' tau de nigen Gardinen kofft was. Dormit hadd jo dat nu

kein Il hatt, denn dor was jo kein Brud, wat füllen de Gardinen? Äwer Hermining hadd glif in den irsten Äwer de ollen Bөрhäng' afreten un in den Lumpensack steken, un nu hadden de nigen doch anmakt worden müßt! Indessen, „de irste Noth möt fihrt werden,“ säb de Fru, dunn slog sei den Backeltrog intwei un makte dat Silberwater dormit heit,“ — un de Fru Förstern namn den Gardinenmull un rep sich Auguste, de en beten von de Snideri verstunn, un nu seten sei Dag un Nacht un makten dat witte Kleid, un as't farig was, dunn was't kein Munster von Modigkeit un Finheit, äwer sinen Zweck kunn't woll för ditmal erfüllen.

Nu was't Middwäken, de Dag för dat grote Ereigniß, un de Förster söchte sin Fru, üm noch dit un dat mit ehr tau bespreken. Sei sünn sei endlich in de Backstuw, wo sei grad in'n Begriff was, en ganzen Sack vull Weitenmehl in en ungeheuren Backeltrog schütten tau laten. De säute Melf in 'ne Unzahl von grote Pött, ganze Schötteln vull Botter un Eier stunnen all dorbi.

„Wo Dunnerwetter,“ rep hei, „wat sall all dat Mehl, dat is jo woll uns' ganze Bөрrath? Holst an, Dirns!“ Sei grep an un höll den Sack wiß.

„Mein Gott, Mann, wat föllt Di in? Wat sohrst Du mi dormang? Is dat villicht tau vel för de ganze Gesellschaft? Schütt't tau, Dirns!“

Äwer Lütting höll wiß. „Glöwst Du denn, Moder, dat de wider Nick's eten willen as Dinen Weitenkan'ten? Sei werden sich dor en beten von affreibeln, um ehre

Bradens un Pasteten, ehre Austern un ehren Win beten verdauen tau können, un wenn Du ein oder twei Stutens backst, denn is dat äwrig naug.“

Fru Förstern hadd ehren Mann ümmer sihr in Thren hollen, äwer bi dese Würd hadd sei 'ne Anwannlung, as wenn sei em woll äwer de Schullern ankiken mügg. Ein oder zwei Stutens för all de Minschen un noch dortau von den, den sei backt hadd!

'I is doch woher, of de besten Lüd' können kein Loww verdragen, sei warden glif hochmäudig! Von en halwen Sack wenigstens let sei sich nich afbringen, hei mügg seggen, wat hei wull, un as de Bäckeri farig was, dunn hadd sei en Rikdaum von Stutens un Kautens, dat sei alle Hofas un Stäuhl dormit hadd utpolstern künnt, un Platz was narends dorför. Dat Försterhus sach ut, as en Bäckerhus, un allerwegen seken de schön brünten Stutengesichter rut. Sei müßt 's man wedder in't Backhus dragen un laten 's dor stahn, bet sei brukt würden.

So kamm de grote Dag ran. All 't Börmiddags kregen de Offendörper wat tau seihn, wat sei süs noch nich seihn hadden. Dor kemen nemlich en por grote Wagens langsam dörch't Döörp tau führen mit allerlei Geräthschaften vullpackt, un mit Lafaien un Rutschers, un up einen as Börnehmsten de Koch in'ne witte Jack un Müß. Un unnerhalf dat Forsthus versammelte sich de ganze Döörpjugend un set tau, wo dat afladen würd', un wo de Lafaien de Dischen herbidrogen un witte Lafens doräwer deckten un denn de Feldstäuhl dorachter

sett'ten. Un denn de Herrlichkeiten, de up de Dischen kamen! Un Ein kamm nah de Fru Förstern un bed sick mit 'ne respectvolle Verbeugung dat Brod ut; un mit wat för'n Stolz führte sei em in ehr Badhus un säd, hei süll man nemen, dor wir naug! Äwer de Maun namm man ein un bedankte sick un let de Fru Förstern stahn, de nich wüßt, wo ehr geschach, dat ehr Ehherr nu doch Recht behollen süll. Äwer sei was so klauk un let sick Nicks marken, un as sei nahsten 'ne lange Tid ümmer oltbacken Stuten up'n Disch bröchte, ded sei of noch so, as wenn ehr dor Nicks bi weg wir.

Nu würd äwer of Hermining in ehr wittes Kleid steken, un Auguste bröchte en dicken Rosenkranz, den' sei heimlich bunnan hadd, un sett'te ehr den' up den Kopp, un dann kamm ehr Vader mit en Struz — hei hadd jo woll den ganzen Garen plünnert — denn hei was so grot, dat hei eigentlich in'n Waschkorn hadd leggt werden müßt, un twei hadden em denn ansaten müßt. Hermining lachte un säd, den künn sei nich nemen, un den Kranz künn sei of nich uphewwen, de wir ehr tau swor. Un ihr sick Einer wat Slimmes versach, hadd sei em afreten uu was rut ut de Dör nah den Wald hen.

De Annern fregen't nu mit de Angst, dat sei de Tid verpassen künn, äwer't wohrte gor nich lang', duun was sei wedder dor un hadd sick en por grüne Ranken dörch dat brune Hor wunnen mit en por rode Beeren von den willen Johannisbeerenstruf dormang, un dormit let't ehr grad, as't ehr laten müßt, as

de Waldblaum, de sei was. Un von den Strug söchte sei sich of en por Rosen ut, de schönsten, un bunn sei zierlich tausam. Dat wiren naug för den Herzog, säd sei, un de annern stek sei in Gläs' un pükte de Stuw dormit ut. So was't of vel schöner.

Nu süll sei ehr Gedicht mal tau Brauw seggen; sei hadden döörch veles Säufen en lütten Vers funnen, de halwwegs up de Gelegenheit passen ded, un Hermining hadd em gaud lihrt. Tau gauder Leht föll dat den Förster in, Hermining noch en beten in Angst tau jagen, indem hei ehr mit 'ne irnsthafte Wien', achter de äwer all wedder de gewöhnliche Schelm satt, frog, wat sei nich en beten dortau danzen künn? So as de Judenprinzessin ut de Bibel dat makt hadd, denn künn sei sich villicht ne Gnab von den Herzog utbidden? Äwer dat slog Hermining rund af, un of de Fru Förstern verflorte em dat, sei wull Keinen finen Kopp up de Schöttel herwen.

Nu künn de Gesellschaft denn man kamen, un sei let nich lang up sich täuwen. De Herzog was in sihr vergnängte Stimmung, denn de Jagd was gaud west, un männig Rehbuß hadd in't Gras biten müßt. In twee Wagens kemen sei antauführen. In den irsten satt de Herzog mit den Oberforstrath von Waldenburg, Herr von Degen un Hans, in den tweiten wiren annere Herrn von de Regierung un von't Forstamt, de von Sine Hoheit tau de Jagd inladen wiren. Sei wiren All sihr munter un redselig ün vertellten sich, wo dat hier un dor bi dat Jagen taugahn was un freuten sich

up dat gaude Middageten. Nu führten de Wagens in dat Döör rin, nu böögen sei um de Eck an en groten Burhof vörbi!

Achter de slaten Purt stunn 'ne junge, bleike Fru mit en lütt Kind up'n Arm un mit en Utdruck von deipe Sehnsucht up dat Gesicht, as sek sei ut wide, wide Fier in dat Paradies rin, wat för ehr nich updahn warden künn. Sei seggen sei all, un't föll of hier un dor 'ne Bemerkung äwer ehr smuckes Utseihn. Hansen äwer, de grad wat seggen wull, blew dat Wurd in de Kehl sitten, hei fohrte düsterrod in't Gesicht tau Höchten, un sackte witt as de Dod wedder taurigg, as hadd hei en Gespenst seihn. För em was dat kein Utsicht in 'en Paradies, för em was dat vel ihr as Höllenstrafen, un hei kunn't kum äwer sück gewinnen, sück tau faten. De Herzog hadd nich grot up em acht't, hei sek sück en beten in dese Gegend von sin Rit üm, äwer de Oberforstrath un Herr von Degen hadden em beobacht't un munnerwarften in'n Stillen, wil sei all argwöhn'sch wiren äwer den jungen Mann. Sei säden äwer Rick's, un sei behöllen of kein Tid dortau, denn de Wagens führten all bi't Forsthus vör, un Lütting, de all lang' tau Hus kamen was up Skifwegen, stunn dor un deinerte, un Fru Förstern knigte, un de Herrn stegen ut un begrüßten dat olle, würdige Pörken, vöran de Herzog mit sihr gnedige Würd'. Up einmal stunn of Hermining dor in ehr witt Kleid, mit Auguste achter ehr, un wull ehren Bers upseggen, dunn hadd sei em rein vergeten! Of nich en Starbenswurd dorvon föll

ehr inn, denn sei was von den fierlichen Ogenblick ganz benamen un't hulp of nich, dat Auguste souffliren ded. Se sweg rein still, un in den negsten Ogenblick wiren sei all blamirt west. Dor föll ehr noch tau rechter Tid in, dat sei den ollen Lütting sin Dochter was, un dat den findag de Kuntenez nich verluren gahn was. Sei schüddelte ehre Locken en beten, un dor slog de dumme Angst un Befangenheit rut, un dunn tred sei vör un säb mit 'ne helle, fröhliche Stimm:

„Aus treuem Herzen heißen wir unsern geliebten Landesvater willkommen hier in unserm Walde und — nehmen doch Eure Hoheit dies kleine Zeichen unserer Ergebenheit gnädig hin!“

Dorbi knigte sei, sach den hohen Herrn fri un fründlich an un streckte em de Hand mit de Rosen hen. De Herzog was äverrascht ebenso sihr von Hermining ehr Schönheit, as von dat ganze Manöver.

„Parbleu!“ rep hei, un wenn'te sich halb tau de annern Herren, „einen so reizenden Empfang habe ich nicht vermuthet.“ Dorbi fat'te hei nah de Rosen, süng sich äwer of tauglik de lütte Hand, de sei em beden ded, un höll sei wiß. „Erlauben Sie, mein schönes Kind, daß Ihr höchst wohlgewogener Landesherr Ihnen seinen Dank ausspricht.“ Hei tog dat Mäten betran un küßte sei up de witte Stirn, de nu roder würd, as de rodsten Hof' in ehren Struz. De junge Mann, de halwachter den Herzog stunn, kunn sin Ogen nich von ehr afwennen, em würd so wunnersam tau Maub, as wenn hei in en Märchen von Grimm oder Andersen rüm=

spazirte, denn so'ne Ort Mätens, as Hermining, hadd hei noch nie nich seihn un hei kunn den Indruck, den sei em make, nich wedderstahn. Wenn hei doch in desen Ogenblick Herzog west wer! Mit en Kuss up de Stirn hadd hei sich nich begnügt! De Herzog sülsen was dürrch dat lütte, hübsche Intermezzo noch upgerümt worden, hei rep lustig, hüt woll hei nich Herr spelen, sei süllen All vergeten, dat hei't wer, un süllen nah Möglichkeit lustig sin. Un dunnn böd hei Fru Förstern den Arm, üm sei tau Tafel tau führen, un so sihr sei sich of schanirte un vör de Ihr schugte, sei müßt' sich't gefallen laten un sich an de ein Sid von den Herzog setten, an de anner kamm Lütting, bi de Fru Förstern Herr von Waldenberg, bi den' Hermining un neben de smuggelte sich Herr von Degen in. Auguste müßt sich mang de annern Herren setten. Äwer ihr sei taum Sitten kemen, namm de Herzog nochmal dat Wurt, räusperte sich un säd tau Lütting:

„Mein lieber Lütting,“ säd hei, un de Förster wüßt noch nah Johren, dat hei genau so seggt hadd, „es gereicht mir zur besondern Freude, Ihnen meine Anerkennung über den guten Stand Ihres Forstes und des Wildes darin auszusprechen. Ich kann es mir nicht versagen, Ihnen persönlich die Mittheilung zu machen, daß ich Sie hiermit zum Oberförster mit entsprechender Gehaltserhöhung ernenne.“

Dat würd' nu en Freuen un en Gratuliren, un de oll Förster hadd binah Thranen in de Ogen, as hei sich bi sinen Landesherrn bedankte. Herr von Degen

benutzte de Gelegenheit un let sich von Hans bi Hermining förmlich vörstellen, wobi de, de all lang den hübschen, jungen Mann mit de truhartigen, blagen Ogen niglich von de Sid anketen habbd, wer un wat hei woll wir? denn endlich sinen Namen un Titel erföhren ded: Herr Hans von Degen, Doctor der Medicin und Leibarzt Seiner Hoheit des Herzogs! Nu wüßt sei 't un dat hei mit Vörnamen grad so heiten ded, as ehr Brauder, makte ehr Spaß un makte sei of taufrulicher gegen den frömden Herrn. De Beiden unnerhölten sich prächtig un kemen nich en einzigmal in't Stöcken.

An de annere Gesellschaft ded Lütting as Husherr sine Schülligkeit, indem dat hei de Unnerhollung fast ganz allein ävernamm. Sei was hüt ganz ut 'n Hüßchen, wat em in Anbetracht von alle Umstänn'n keiner verdenken funn, un in so ne Stimmung föllen em ümmer de besten Jagdstückchens in, un sine Phantasie was denn of ümmer gaud up'n Draww. Markten sei dat nu of All, dat em de ein beten sihr an de Lin' habbd un em in allerlei Bunnerborlichkeiten rümledd'te, so nemen sei't doch för dat, wat't sin süll un lachten, wat sei kunnen äwer den ollen Burßen sine Snurren. De Herzog kloppte em up de Schuller un säb, 't wir bekannt, dat hei de beste Schütz in'n Lann'n wir. Vörbischaten habbd hei woll niemalen?

„Mit Verlaub, Hoheit!“ rep Lütting, de von Iwer un von den Herzog sinen Jagdwin all kirschrod in't Gesicht was, „ich habe auch mal vorbei geschossen, aber das war nicht meine Schuld. Ich ging mal auf die

Jagd mit einem Freunde, der durchaus einen Rehbock schießen wollte und meinte, er könnt's. Er war aber nur so'n Sonntagsjäger, wie Hoheit gleich sehen werden. Wir standen also auf dem Anstand, dicht neben einander, um ihn ja nicht zu verfehlen. Nun kommt der Bock, mein Freund macht ein Geräusch, der Bock stutzt, sieht ihn und statt auszureißen, senkt er das Geweih und geht auf ihn los. „So schieß doch!“ ruf ich, aber er hat den Kopf verloren, faßt das Gewehr beim Kolben und greift mit dem Bajonett an, d. h. wenn er eins gehabt hätte, — aber er bohrt dem Bock den Lauf in die Flanke. Ich denke, ich falle vor Lachen hintenüber. Der Bock wird immer wüthender und geht meinem Freunde stramm zu Leibe, der ihn kaum von sich abwehren kann. Endlich drücke ich los, aber immer mit Lachen, und die Kugel fliegt natürlich vorbei. Inbessen der Schuß bewirkte wenigstens, daß der Bock Reißaus nahm. Wir hatten das Nachsehen.“

Den Ollen sin Gesicht was so curios antauseihn bi de Geschicht, sei müßten wedder lachen un de Herzog säd:

„Nun, mein lieber Oberförster, der eine Pudel schmälert Ihren Ruhm nicht, und ich freue mich, daß Sie einen Sohn haben, der in Ihre Fußtapfen tritt.“

Un nu fung hei an, Hansen sin Lowow tau verkönnigen, dat den' gräun un blag vör de Ogen würd. Denn Hans hadd den ganzen Rahmiddag 'ne Ahnung hadd, as wenn wat Slimmes för em in de Luft wir, un dit äwerswengliche Lowow was de Anfang! Hei satt

dor, as en armen Sünnner un wagte nich uptaufiken. Sibdem hei hüt Nachmiddag Lisebeth mit ehr Kind up'n Arm seihn hadd, was 'ne Verännerung mit em vorgahn, tau de de Umgebung dat ehrige ded. Denn de Umgebung het vel mihr Macht äwer den Minschen, as hei glöwen mag. Hans fühlte hüt un an dese Stäb, dat hei tau Lisebeth un ehr Kind hüren ded, un wenn't of man för'n Dgenblick was, denn in'n Grun'n hüng hei mit sine wohre Leiw an dat schöne Mäten, wat hei hadd verlaten müßt — un wenn't also of man Schin was, för dese Stunn'n höll em de Schin doch wiß. Em kamm't sichtlich vör Dgen, wat hei Lisebeth schüllig was, un wil sin Hart gaud was, hadd hei of den Willen un fat'te den Börsatz, sine Pßlicht tau dauhn. Ja, hei hadd't girn glif up de Stell dahn, wenn dor man kein Herzog mit sine vörnehme Gesellschaft west wir. Äwer troghdem, dat en gauden Börsatz füs dat Hart licht tau maken pleggt, blew em doch swor tau Maud, un as de Herzog anfüng, em tau lawen, dunn wüßt hei, nu fem't, un't kamm äwer em mit Zittern un Zagen un doch mit en truzigen Entschluß. Unflor lagg dat man noch in em, äwer den gnebigen Landsherrn sine Reden füllen dor bald Klarheit rinbringen.

„Rechnen Sie darauf,“ sä hei as Antwurt up den nigebacknen Oberförster sine dankboren Wird, „Ihr Sohn, der so vorzügliche Gaben hat, wird immer unser protégé bleiben und wird uns hoffentlich bald noch mehr Ursache geben, ihm unsere Zufriedenheit zu bezeigen.“

De Herzog sprok nu mit en Behagen, dat düttlich kund gaww, wo hei sich in desen Ogenblick as en lütten, segnenden Herrgott vörkamm.

„Vielleicht,“ sprok hei smunzelnd wider, „hat er Ihnen noch Nichts gebeichtet, denn ein junger Mann ist mit seinen ersten Herzensgeheimnissen fast ebenso zurückhaltend, wie ein Mädchen. Aber ich darf es denn wohl verrathen, daß er die Liebe einer schönen, jungen Dame gewonnen hat, und daß die Verlobung, die meine volle Billigung hat, in Kurzem zu erwarten steht, wobei ich voraussetze, daß die Einwilligung der Eltern nicht ausbleiben wird, und deshalb“, hei böhrte sin Glas tau Höcht un winkte dormit nah Hansen räwer, „deshalb Herr Forstkandidat und demnächstiger Oberförster von Liebenburg, fordere ich Sie auf, ein Glas zu trinken auf das Wohl Ihrer zukünftigen Braut, des Fräulein Agnes —“

„Um Gotteswillen, Hoheit, keinen Namen!“ rep Hans, Allens vergetend, in Todesangst. Hei habbd Folterqualen bi de lange Red’ utstahn un was halb rood un bald blaß worden. Nu sprung hei up un stunn mit en Utbruck von apenbore Vertwifflung dor. De Herzog höll in un keß em verwunnert an.

„Nun?“ säd hei. „Ach so, Sie haben sich noch nicht offen erklärt, doch was thut das, die Sache ist ja gewiß, deshalb seien Sie nicht so ängstlich, und trinken Sie nur dreist.“

„Verzeihung, Hoheit,“ säd Hans, hei kunn sin Stimm nich fast maken, „die Sache ist so gewiß nicht.“

„Nicht?“ frog de Herzog noch verwunserter, „wie geht denn das zu? Sie waren ja doch der erklärte Liebhaber der jungen Dame, und ich weiß aus sicherer Quelle, daß sie selbst, wie die Eltern Ihnen geneigt sind. — Nun? wollen Sie sich nicht aussprechen?“ fett'te hei en beten ungedüßlig hentau, as Hans sweg.

Mit Gewalt fot de sich tausam un säd so säker, as hei't jichtens rutbringen kunu:

„Ich müßte es sehr bedauern, wenn ich durch mein Betragen Veranlassung zu solchen Gerüchten gegeben hätte, denn — es ist — sicher, daß ich die betreffende junge Dame niemals heirathen werde.“

„Das ist doch sonderbar,“ säd de Herzog scharp, dann giebt es nur eine Lösung hierfür, Sie haben einen Korb bekommen?“

Dat was 'ne Rücksichtslosigkeit von em, so as man blot grote Herren sei sich erlauben darwen. Bör Hans hadd sei äwer 'ne Rettung sin künnt, denn ob'schonst hei de Frag' för en Schimp höll, hadd hei doch man Ja tau seggen brukt, denn was de Gefohr för em vörbi. Äwer was dat nu, dat hei kein Lügen liht hadd, oder was dat, dat hei sich nich nachseggen laten wull, hei hadd en Korbw fregen, fri un bestimmt kamm sin Antwort rut, hei hadd keinen Korbw fregen!

„Dann muß ich Sie bitten,“ säd de Herzog nu all sihr verstimmt, „mir mitzutheilen, weshalb Sie das Mädchen, das Sie in's Gerede gebracht haben, jetzt auf einmal ausschlagen!“

De Bed' was so gaud as en Befehl un Hans

wüßt, dat nu de entscheidende Ogenblick dor wir. Sei sach sich hastig üm, sin Öllern un Swestern kelen up ehren Teller, hei wüßt, sei bangten un zagten üm sine Taufunft. Un hei sach, dat de Oberforstrath un Herr von Degen em mit sihr forschende Blicken anseken, denn dat Räthsel, in dat sei hüt Nahmiddag twors all 'ne Ansicht kregen hadden, müßt sich nu lösen. In Hans steg de Troß wedder up, hei kamm sich vör as en Schauljung, de äwer sine Undaten inquirirt ward, un de Schimp un Grull fung an, in em to kafen. Wat gungen de Minschen sine Hartensgeschichten an, wer hadd em dorin tau reden? Sei wull sich nich schaulmeistern laten, hei was Manns nang, för sich sülsen tau stahn. Sei begegnete den scharpen Blick von den Herzog ahn Schu un säb taum irstenmal ganz fast un säker:

„Deshalb, weil ich längst eine Braut habe.“

Äwer den Oberforstrath sine Lippen kamm en lisen Pfiff, Herr von Degen was upsprungen un läd Hansen de Hand up de Schuller, as müßt hei em bistahn, un de oll Förster satt dor, as en Zamerbild. De Frugenslüd weinten sachting in ehre Däuker un de Herzog runzelte de Stirn. Sei sach sihr streng, sihr ungnedig ut, de joviale Jäger was furt, de Landesherr un öbberste Richter satt dor in eigene Person.

„So,“ kamm dat sihr gedehnt von sine Lippen, „und wer ist, wenn man fragen darf, die Glückliche?“

Hans sine Bost snerte sich tausam, 't würd em grusam mitspelt in desen Ogenblick. Vör dese Gesell-

schaft bekennen, wer sine Brud was, dat was de bitterste Straf för em. Äwer 't hülp nich. Sin Landsherr lek em an, as wenn hei de Antwort ut em rutteihn wull, entgahn kunn hei nich, un em packte 'ne Ort von Grimm, dat em Allens egal was. Mit 'ne Stimm, de heiser kling vör Upregung un mit 'ne gewaltsame Anstrengung bröcht hei't rut:

„Ein Bauermädchen aus unserm Dorfe.“

't blew Allens still in de Irst, un denn lachte de Herzog, dat sei All tausamföhrten.

„Also das!“ rep hei ganz lustig, „nun, ich muß sagen, das ist romantisch! Wohl eine Jugendliebe? Nun, Sie getreuer Seladon, wenn es weiter Nichts ist! Doch? Also ernstlich? Engagirt auf Pflicht und Gewissen? Nun, nun, das wird sich arrangiren! Das Mädchen wird sich zufrieden stellen lassen! Darüber hätten wir uns ja nicht so zu erschaußiren brauchen. Wer hätte nicht einmal eine solche Jugendthorheit begangen!“

Was Hans vörher reizt west, denn würd hei dörch dese Reden erbittert. De Herzog sprüng mit em üm, as mit en unmündigen Jungen, dat let hei sich nich gefallen.

De irnste, heilige Entschluß, den hei sich afrungen hadd, de würd vör de ganze Tafel in'n Smuß pedd't, — dat led hei nich. Rasch tred hei en por Schritt vör.

„Um Vergebung, Hoheit,“ säd hei mit 'ne deipe Verbeugung, „die Sache ist nicht anders zu arrangiren, das Mädchen hat mein festes Versprechen und ich werde sie heirathen.“

De Herzog, de glöwt hadd, hei hadd de Sat all afmakt, fohrte mit en fiierrodes Gesicht tau Höchten un starnte den driften Spreker zornig in de Ogen.

„So?“ frog hei un de ganze bi Sid leggte Majestät kamm taum Börschin, „so gestehen Sie also ein, um einer Bauerndirne willen uns, unsern Hof und die ganze Stadt, sowie eine Dame von Rang und unbescholtenem Namen und deren Eltern düpirt zu haben? Und nun, da man erwartet, daß Sie thun, was jeder ehrenhafte Mann thun müßte, ziehen Sie sich aus der Affaire und beschimpfen das Mädchen? Wissen Sie, wie man ein solches Betragen nennt?“

In Hans böimte sich wat up, wat hei noch nicht kennt hadd. Hei keß sich üm, so wild, as söchte hei wat, en Stück Dings, üm den Find, den Beleidiger, dal tau slagen, de in de Person von sinen Landesherrn vör em stunn, vör em, den Günstling, den Leiwling, dat vertagene Schotkind, dat hei noch vör 'ne Stunn'n weßt was. Sin Dg föll up sinen ollen Bader, taum Glück, denn Herr von Degen, de em an'n Arm fot, hadd em woll nicht hollen. Äwer de Anblick von den ollen Mann garw em en beten Fatung, en beten Äwerwinnung taurügg. Mäuhßam un an'n ganzen Liew bewernb, bröcht hei de Würd herut:

„Ich wäre feige und ehrlos, wenn ich das Mädchen, das die ersten, nächsten und heiligsten Ansprüche an mich hat, verlasse, um ein Glück zu erlangen, daß mich niemals befriedigen könnte, weil es auf dem Ruin meines guten Gewissens erbaut sein würde.“

De Herzog dreihete sich rasch üm un winkte Herr von Degen, hei süll dat Anspannen bestellen. De ganze Gesellschaft was upstahn un rönnte dörschenanner. Lütting fot sich en Hart un gung up den Herzog los.

„Hoheit,“ bed hei, „Sie haben mir heute so viel Gnade erwiesen, wenn ich es wagen dürfte, für meinen Sohn —“

„Still!“ fohrte de Herzog em an un brummte noch wat in’n Bort, wat so vel heiten kunn as: „Das hat man davon, wenn man sich mit dem Plebs einläßt.“ Dunn winkte hei den Oberforstrath un gaww em en Updrag, un de gung nu up Hansen los, de an en Bom stahn blewen was, vull Grimm un Wuth. Herr von Waldenberg sach irnst un bekümmert ut, hei hadd Hansen wirklich leiw un’t ded em leid, dat’t so kamen was.

„Mein lieber, junger Freund,“ säd hei tägernd, „ich bedaure, daß ich nach Allem, was geschehen, noch der Ueberbringer einer unangenehmen Botschaft an Sie sein muß.“

„Herr Oberforstrath,“ antwurt’te Hans mit bitterm Spott, „was könnte mir heute wohl noch Unangenehmeres begegnen?“

„Sagen Sie das nicht! Der Herzog — läßt Ihnen durch mich mittheilen, daß er Ihnen bis auf Weiteres — Urlaub ertheile, bei Ihren Eltern zu bleiben.“

Hans fohrte hizig up, fot sich äwer glif wedder. „Was konnte ich anders erwarten! Ich danke Ihnen, Herr Oberforstrath, und danke Ihnen für alle Ihre Güte“ — hei kunn Nicks wider seggen.

„Fassen Sie sich,“ säd Herr von Waldenberg, „dies wird vorübergehen und dann —“

Hans schüddelte mit'n Kopp. „Leben Sie wohl, Herr Oberforstrath!“

Herr von Degen stunn vör Hermining un ver-
 afscheidte sich von ehr un söchte sei to trösten. Sei
 weinte bitterlich, äwer hei gaww ehr so truhartig de
 Hand un ehr was, as kunn sei sich von em woll trösten
 laten! Sei sek em vull Bertrugen an un dankte em!
 Äwer dor wiren de Wagens, un hei müßt instigen.
 De Herzog säd fründlich tau Lütting: „Adieu, Herr
 Oberförster, es bleibt dabei, und grüßen Sie Frau
 und Töchter!“ Dor führten sei hen in vullen Carriere,
 öd' un leer was de eben noch so lebige Platz, un ut
 dat lütte Finsten hung de Fahn slapp un trurig run.
 Sei was gornich beacht't worden. De Sakaien rünten
 ehren Kram of tauhop un packten up un führten dorvön.
 Dat was en klätzig En'n von den schönen Dag. Dat
 würd' ne bittre, slaplose Nacht för de ganze Fomili.
 Dat de Kränf' un de Fahn un dat witte Kleid un alle
 de gaudgemeinten Anstalten ümsüß west wiren, dat
 wullen sei noch versmerzen, äwer dat dat Ei tüschen
 Hans un sinen hogen Protector intwei was, dat was
 swerer, un dor konnen sei sich nich äwer faten. — Hans
 was, as de Wagens furt wiren, verschwunnen.

Kapitel 7.

Lisebeth satt an desen Nahmiddag in de Stuw bi ehr Kind an de Weig. Sei weigte un süng em sächting in'n Slop, denn dat Jüingig was unrauhig west un hadd vel weint, sei hadd ehr eigen Thranen doräwer vergeten. Äwer nu slep hei in, dat lütte Gesicht würd fründlich un rauhig, so let 't em grad, as sinen Vader. Lisebeth sek dat Kind an, 't was Hans in jeden Tog, sei hadd nu girn weint, äwer nu kunn sei 't nich mihr. Sid de por Stunnen, dat Hans an ehr vörbi führt was, hadd sei tauvel mit sick sülben erlewt, un nu glöwte sei den Strid mit sick utmaakt tau hewwen an satt dor, stumm un starr, un de Thranen wiren verdrögt.

Hans was in Ossendörp! So nah bi ehr un was nich kamen! Taurist hadd sei 't glöwt, dat hei kamen würd', äwer de Nahmiddag vergung — hei kamm nich. Sei wüßt dat jo of, dat hei sick von sine vörnehme Gesellschaft nich losmaken kunn, äwer 't ded doch weh! Sei horkte up jeden Lud von buten, wat dat nich sin Schritt was, ümmer vergewß, un Stück för Stück ret ehr dat Hart intwei. Sei wüßt jo, hei kunn nich, kunn sick nich wegsliken. Dor wiren anner Mätens west vör ehre Dör, un sei hadd sei vertellen hört, wo dat tau-gung an de Jagdtasel, un Fik hadd ganz lud ropen, „so'n finen, smucken Jungen as Hans gew't narend's nich! Un de Bedeinters hadden seggt tau de Jäger-burßen, negstens würd hei 'ne schöne, junge Dam' ut

de Residenz frigen!“ Sei hadd’t jo wüßt, dat dat so kamen würd, sei hadd’t jo sülsen seihen, hei hadd mit den Herzog in ein Kutsch seten, — un dor süll sei tauhüren? —

Wenn de Bin un de Emerz in de Seel tau grot ward, denn ward’n säuhllos dorgegen, denn krampt sich dat Hart dargegen un’t kimmmt ’ne Ort von Rauh äwer Einen, de is twors noch nich de rechte, wohre Hartensrauh, äwer sei is de Anfang dortau un nödig, denn sei helpt tau den Entschluß, de fat’t worden möt. In de Erst hadd Lisebeth dacht, as sei em in all den Glanz vörbiführen sach: „Hei ward di nich frigen, hei kann di nich tau ’ne Fru nemen.“ Dorgegen, gegen de Untru bömte sich ehr Hart up, äwer de negste Gedanke was: „Du darwst em nich frigen, Du darwst sin Fru nich werden, denn Du paßt nich för em!“ Dat sprok nich mihr dat Hart, dat sprok all dat Gewissen, man lising noch un ut de Firn, äwer de Stimm makte sei so stumm un so starr, dat sei dorset as en Bild ut Stein bi dat slapende Kind, un horckte, wo dat ümmer düblicher sprok. Un dunnt säuhlte sei den Schmerz nich mihr, denn hei was tau swor un lagg up ehr, as ein isern Gewicht, — bet up einmal en Wagen un dunnt noch ein vör den Hof vörbirullte. Sei sach sei nich, äwer sei hörte sei, dat wiren de Jagdwagens! Sei sprung up — sei tek wild üm sich — was’t möglich, was’t denn wahr? Sei fülhrte würklich weg, ahn ehr blot man seihn tau hewwen? Wat ehr eben noch richtig un ganz natürlich dücht hadd, dat kamm ehr nu wedder

so schrecklich vör, dat sei't nich glöwen kunn. Ehr was, as müßt sei ropen, schrigen, hei süll taurügg kamen un bi ehr bliwen! As müßt hei't sin, de in de Dör kamm, un sei wull all up em losstörten — dunn was't ehr Bader.

Krus' fef sin Dochter von de Sid an un sett'te sich an den Disch. Hei was apenbor upgeregt, hei hadd sine hastige Mucken un trummelte up den Disch. Nu kamm of sin Dussch mit't lütt Abendbrod, so fix as sei man nichtsens kunn för ehre Bälligkeit, un sett'te dat up den Disch. Sei hadd rodweinte Ogen un fef ehr Döchtling gor nich an, bet sei ehren Eheherrn bedeint hadd. Dunn äwer gung sei up ehr los un fot sei üm un tog sei up ehren Schot un rohrte, as wenn sei von ein gahn wull, un strakte Lisebeth dorbi äwer't Gesicht un äwer de Hor, as wenn sei en lütt Kind wesen ded. Lisebeth let sich Allens stumm gefallen, äwer Krus' trummelte mit de Finger vör Ungebuld un brümmelte mit'n Mun'n wat sei nich verstahn kunnen, wat äwer so luden ded: „Dumm Tüg! Lat't dat oll dämlich Rohren! Hei is jo gor nich weg, hei is jo hierblewen. Ich heww em sülsen seihn un ick weit of noch mihr.“

Dorbi fef hei scharp ümmer ut dat Finster, as täumte hei up Einen, de dor her kamen müßt un att denn wedder en Mund vull Brod un drunk denn en Gluf un fef wedder rut. Mit einmal sprung hei up, let dat Klappmeh fallen un gung ut de Dör, de in den sülbigen Ogenblick all von buten upklinkt würd. „Gu'n Abend, Krus',“ säd ne Stimm un Lisebeth fohrte up.

Sei kenne de Stimm un den schönen, jungen Mann, de mit zwei Schritten in de Stuw stunn un düblich nu of tau ehr säd: „Gu'n Abend, Lisebeth.“ Sei drömte nich, ne, 't was kein Drom. „Hans,“ schreg sei up un smet sich an sine Bost. Sei säd Nick's wider, in desen Ogenblick was Allens vergeten, wat ehr vörher quält un pinigt hadd, hei was doch kamen un sei hadd em Unrecht dahn! Sei tog em nah de Weig ran un säd: „Kif hier, uns' Kind.“ Hei kek sich dat lütte Wesen an, wat sin Kind was, un för einen Ogenblick tog dörch sin Hart 'ne Freud' un 'ne Rührung, de hei bet so lang' noch nich kennt hadd, un hei müßt sich dal bögen, dat Keiner de Thran sach, de em in't Dg steg.

Lisebeth kek em wiß in't Gesicht, sei sach, wat in em vorgung, un ehr Hart jung all an, vör Hoffnung un Glück schneller tau floppen, äwer in den negsten Ogenblick ännerte sich de Utdruck in Hansen sin Gesicht. Sin Ogenbrunen togen sich tausam un hei bet sich up de Lippen — dat was sin Kind, ja frilich, un hei hadd't of leiw hewwen küunt, wenn Allens anners west wir, — so äwer was't de Stein, de em in'n Weg lagg, äwer den' hei stolperte un de em, wenn of nich den Hals, so doch sine Taufunft intwei breken ded — hei wennte sich af, de Bitterkeit steg up gegen dat unschüllige Kind, hei kunn't nich mihr anseihn! Lisebeth sach up sin Gesicht, wat hei dacht un fühlte, dat Bland, wat ehr so warm in de Backen stegen was, tred taurügg taum Harten un sei würd dodenbleif, sei let em los un sett'te sich up den Stauhl bi de Weig, wil sei nich stahn kunn.

In desen Ogenblich, sei wüßt't, hadd hei ehr verlaten, sei un ehr Kind, wat hei nahsten of noch seggen mügg't. In desen Ogenblich, dat wüßt sei of, würd em dat klar, dat hei en Wedderwillen säuhlte gegen ehr un dat Kind, un dat hei sin junges, hoffnungsvolles Leben drangewen müßt, iim sin Wurd tau hollen, Nicks wider, as sin Wurd, wider Nicks, as sin Verspreken! Sin Hart un sin Leiw wiren nich dorbi!

Mutter Krusich hadd den Uptritt, de man en forten Ogenblich durte, verwunnert un andächtig tau-seken. De Thranen stunnen ehr still bi den Anblick von den jungen Herrn, un sei sülsen stunn in deipen Respect bisid un wagte sich nich tau rögen. Blot de Hänn'n slog sei tausam un wunnerwartte in'n Stillen, un as Hans sich nu ümdreih'te, freg sei wedder Lewen un grep nah en Staul, wischte em mit ehre Schört af un nödigte den Herrn Forstkannedaten mit vele Kumpelmenten dal. Hans dankte un kek sich nah den Bur iim, de sich stiw un grad dalsett't hadd un nu up den negsten Ogenblich gedüllig täumte. Allemal, wenn't wat Irnstliches güll, würd hei rauhig, un denn kunn Sedwederein seihn, dat hei binnen en düchtigen Mann was. Hans kek den Ollen an un sach dat of, hei sach, dat mit desen Mann in irnstliche Saken blot fast un irnst tau reden was, un em sülsen was nich tau Maud, vele Würd' tau maken. De Sat' müßt afbahn wardden, je rascher, je beter. Hei frog also blot, indem hei Krusen mit en düstern, äwer sätern Blick ansach:

„Sei weiten, Krus', worum ick hier bün. Wenn ihr paßt Sei un Ehr Fru dat mit de Hochtid?“

Krus' müggt sich doch wat Anners vermauden west sin, as dese bestimmte Red, hei fragte sich en beten verlegen in de struwen Hor, kek sin Dusch an un antwort'ete:

„Je, Herr Forstkannedat, wenn Sei dat so meinen — uns is't jeden Dag recht, un wenn Sei dat egal is, kann't so bal as möglich losgahn.“

„Schön,“ säd Hans dump un wennte sich an Lisebeth. „Lisebeth, Du möt'st dat weiten, bestimm den Dag, mi is't egal. Wi bruken wider Nichts, as de Tru. Wi können jo denn negsten Sünndag —“

Hier namm Lisebeth de Hänn'n von't Gesicht un kek up. Sei was so blaß, as en wittes Laken, äwer in ehr Gesicht un in ehre Ogen stunn en ganz eigen Utdruck, den' sei an ehr noch niemalen seihn hadden, dat sei ehr vorkamm, as wenn sei ein ganz annere's Mäten wir. Sei blew up ehren Stauhl sitten un läd de Hand up den Weigenknopp un schufelte sachten.

„So hastig,“ säd sei, un ehre Stimm hadd gor keinen Klang, „deiht jo dat nich nödig. Wenn wi ot Nichts bruken, as de Tru, dor is doch immer vel bi vermaht. Un denn — Hans, Du büst in Dine Gaudheit kamen, dat Du mi un dat Lütt hier tau Ehren bringen willst, un ick dank Di dorför von ganzen Harten, äwer dat hett nu jo doch so'ne Al nich, un — ick müggt äwerhaupt irst en beten Tid hewwen, mi de ganze Sak' tau äverleggen.“

Hans würd düsterrod, wat süll dat heiten? Kruf' äwer rep argerlich:

„Wat söllt Di in, Dirn? Wat is dorbi tau äwerleggen? Rümmt Di dat tau, Wedderwürdt tau gewen, wenn den Herrn Forstkannibaten dat pressirt?“

De Dösch verstünn ehr Döchtling gor nich, äwer sei tred an ehr ran, as müßt sei ehr bistahn, un keß ängstlich un verbistert von Einen taum Annern. Äwer Lisebeth blew ganz rauhig un säd: „Wes't nich böß, Bader, un dauht mi dit einmal minen Willen. Nahsten will ick Jug in allen Stücken gehursam sind. Dauh mi de Leiw, Hans, gah nu nah Hus, lat mi ein por Dag allein un denn kumm wedder. Ne, frag mi nich, ick kann wider Nicks seggen, ick möt mi dat äwerleggen un möt dat mit mi sülsen utmaken.“

Hans säd kein Wurd wider, hei namm sinen Haut un gung, ahn sich an dat verdretliche Gesicht von den Burn tau fihren, oder an dat ängstliche von den'n sin Fru, oder an dat unverständliche von Lisebeth. Sei wüßt nich, wat hei ut ehr maken süll, hei was sich wat ganz Anners vermauden west. Em schinte dat doch wunderbor, dat sei nich mit beide Hänn'n taulange, un 't kamm em nich in den Sinn, dat sei doch säuhlen müßt, dat bi sin Entgegenkamen dat fehlte, wat bi so 'n Mäten as Lisebeth allein hadd den Utslag gewen künnt. Sei fung an, nich stuhig, äwer argerlich tau warden. Was hei dorüm in den Holt rünlopen as en Verrückten, nachdem de Jagdgesellschaft afreist was un hadd den Kampf, as hei glöwte, mit sich utkämpft, dat em dat Mäten nu

noch spröb ded un Umständen'n make? 'T was em, bi Gott! nich licht worden, denn as de Herzog furt was, dunne würd't em eigentlich irst flor, wat hei dahn hadd. Hei hadd nich blot sin Pslicht un sin Gewissen folgt, as hei de Erklärung gaww, dat hei dat Burmäten frigen wull, hei hadd in unverständigen Troß sich mit sinen Landsherrn, de sin Schicksal doch in de Gewalt hadd, vertürnt un de Brügg hinner sich abrafen. So as hei was, eigensinnig un hizig, hadd hei't nich anners wullt un nu kunn hei nich taurügg.

De Baum un de stillen Pläg, dörch de hei süs so lustig gahn was mit de Büß äwer de Schuller un en fröhlichen Gesang up de Lippen, de seggen de Angst un de Noth, de em ümher drew. Süll hei den Herzog nahreisen, üm Gnad bitten un seggen, hei hadd sich äwerilt un wull nu gehursam dauhn, wat von em verlangt würd? Ne! Hei bet de Zähnen tausam un stampte mit den Faut, leiwer wull hei sin Levenlang unglücklich sind! Em blew Nicks äwrig, as dat Schicksal, wat hei sich sülsen tauredht make hadd, up sinen Buckel tau nemen, un hei wull't! De Herzog hadd em behandelt as en dummen Jungen, sin Frönn'n hadden em verlaten, wat fragen sei nah den armen Forstkannedaten, den' de Gnadensünn von den Herzog nich mihr beschinte, — so wull hei denn of abbreken un wull sei vergeten, sei süllen em nich nahseggen, dat hei hüt so un morgen so sad! Hei hadd't seggt, lud un düblich, un sei hadden't All hört, nich blot de Herren, of de Deiners un de Jägerburßen, hei hadd dörch all

sine Upregung markt, wo niglich de Lüid uphorften! Hei funn nich taurügg un hei wull of nich, denn't was jo doch blot Recht un Schülligkeit, wat hei vörhadd, un ahn sich wider tau besinnen, lep hei ut den Busch un kamm nah Lisebeth. Am leiwsten hadd hei seihn, dat de Paster em glif mit ehr trugt hadd, denn funn't em doch nich wedder leid werden. Dat Lisebeth nich ebenso denken künn, was em' nich in'n Sinn kamen, dat sei äwer gor in'n Irnst Bedenktid hemwen wull, wat sei't äwerall dahn wull, was för em unbegriplich, un doch regte de Hoffnung sich wedder dorbi in sinen Garten. So swor is dat för den Minschen, sich in en Schicksal tau finnen, wat hei sülsen verschuld't hett, un't möt irst ümmer noch duller kamen, ihr dat trogige un verzagte Ding den Frieden find't. Äwer uns' Herrgott weit, wat em gaud is, un dat dor Tid tau hört un dat de Frieden in de Minschenseel kostbar is un betahlt werden möt mit de Schotsünden, de am säutsten smecken, äwer of mit Hartblaud un mit Thranen. Männigein tahlt mit sin ganzes Lewen för einen unbewachten Ogenblick, denn kein Reu un kein Leid kann em ungeschehen maken.

Zwei Dag nah de Jagd in Offenbüch satt Meister Huber sihr verdreitlich in Deipendal in sine Warkstatt. Hei hadd den Hobel vör sich up de Bank leggt, let de flitigen Hänn'n rauhn un tek so in Gedanken vör sich hen. Hei was untaufreden mit sin Schicksal un meinte in sinen Sinn, en lütt beten mihr Insichten hadd sinet-

wegen uns' Herrgott hewwen künnt, dat hei nich alle Plans verrungeniren deb, de hei för sin Taufunft maht hadd! He was un blew de Pechvogel, de hei ümmer weest was, un 't glückte em Nicks! Mit de Discheri gung dat noch ümmer nich taum Besten, 't würd em tau swor, sich nah de Buren ehre Mod tau bequemen, un hei dacht männigmal irnstlich doran, uttauwannern un ganz un gar nah de Amerika tau teihn, wo de Lüd doch en Kunstgesmaht hadden, un wo dat nige Ideen un Erfindungen garw. De Möllerfru, de dat noch ümmer gaud mit em meinte, hadd em raden, tau frigen un em bald dit un bald dat Mäten vörslagen. Awer Huber schüddelte ümmer den Kopp un gung bedräuwt nah Hus, denn de gaude Fru drop dormit jedesmal en wunden Fleck in sinen Garten. De Mätens gefölln em nich, säd hei, de ein wir tau rik un de anner tau arm, oder tau häßlich, — de Wahrheit was äwer, hei kunu Eisebeth nich vergeten. Sei hadd't em andahn, as hei sei an jen'n Winterdag seihn hadd un sich siddem in den Kopp sett't, dat sei un kein Anner sin Fru warde süll. Of dat was tau Effig worden, un sin ihrlich Hart hadd wirklich deip truert üm de schöne Hoffnung, un dat Entseggen würd em gor tau swor. Ja, wenn Eisebeth wullt hadd — sei duerte em so in ehr Unglück — denn hadd hei 'i ümmer noch namen! Wenn hei man den Maud hadd finnen künnt, ehr tau fragen!

Hei sinnelirte an desen Nahmiddag, wo hei't woll anfangen süll, dat sei Ja säd, denn so klauf was hei

of, dat hei nich glöwte, Lisebeth würd ehren vörnehmen Schatz, den Förster sinen Söhn, tau'n Mann frigen. Babenin wiren de Gerüchten von de Offendörper Jagd nah Deipendal kamen, un Jeder, de wat dorvon vertellte, vertellte dat natürlich nah sinen dummen Verstand un sett'te so vel hentau von den Wurdstrid bi Tafel, un von den Herzog sinen Jörn, un dat Allens äwer Lisebeth herkamen was, un dat de jung Herr Forstkannedat nich recht klauf sin müßt, wenn hei ehr doch frigen ded, denn de Herzog wull em in't Gefängniß setten laten, un mäglich würd hei of köppt! Kort un gaud, Hubern sine Hoffnung, dat Hans Lisebethen fitten laten würd, namm ümmer mihr tau — hei satt eben gor tau deip in Leiw, de arme Meister Huber, wenn of sine Phantasie dorbi sihr mit in't Spill kamm, de sülbige, de em ümmer wedder äwer dat grote Water nah England un Amerika fährte, wo Allens beter was, as hier. De em of ümmer wedder de forte Stunn' taurügg rep, wo hei mit Lisebeth den Weg nah Offendörp entlang gung, un wo taurist de Wunsch in em upsteg: de müßt't sin, dat wir de Rechte! Hei sprung up un namm sinen Haut von'n Nagel, üm nah de Mähl tau gahn. Hei müßt Gewißheit hemmen — de Möllerfru würd dat weiten — un denn wull hei ehr seggen, wo't em üm't Hart wir, un wull nah Offendörp gahn un üm Lisebeth anholten.

Hei drop de Fru allein vör de Husdör sitten mit ehr Knütt. Sei rögte de slitigen Hänn'n, dat de Maschen man so flogen un smet af un an en Blick nah dat

halwe Dutz Bören, de bitau in'n Sand ümher spelten un of woll mit de drallen Wein in den Mähblendif herümmerspanschten. Sei nickte em all von Widen tau nn rep em an, un hei sett'te sich bi ehr hen un frog, wat sei Nick's in Offendörp tau bestellen hadd, an ehre Öllern oder ehr — ehr Swester? „Ich wollte meinswegens man mal hinüber,“ säd hei en beten verlegen.

„Wat wullen Sei denn in Offendörp?“ frog sei, „hewwen Sei dor Arbeit fregen? dat freut mi jo —“

„Keine Arbeit,“ säd Huber ümmer verlegener, „ich wollte, ich möchte — es ist nur eine Privatangelegenheit.“

„Wat?“ frog de Fru verwunnert, „probat? Wat hewwen sei denn probat in Offendörp tau dauhn? Na, mi geih't jo Nick's an, un denn grüßen Sei man von mi, wenn Sei nah min Öllen kamen.“

De junge Mann tägerete en beten, denn hei wüßt de Sak nich antaugripen, un denn säd hei sichr unsäfer:

„Meinswegens, Frau Möllerin, ist's auch keine Privatangelegenheit, denn, sehen Sie — Sie sind auch dabei theilhaftig, und Ihre Alten, Eltern wollt' ich sagen, nehmen Sie's nicht übel, Frau Möllerin, — und denn — und denn — Ihre — Ihre — Schwester —“

„Min Swester?“ föll de Fru verstutzt in, „wat hett de dorbi tau dauhn?“

„Sie wissen doch, Frau Möllerin, was die — die — Leute sagen, und daß —“

„Ja woll weit ich dat,“ föll de Möllerfru em harsch in't Wurd, „ich weit Allens, wat de Lüd äwer de oll

dämlich Geschicht snacht herwen, un kann mi denken, wovel sei dor noch taulagen herwen. Awer wat id nich weit un nich inseih, dat 's dat, wat Sei dorbi tau dauhn herwen, Meister!"

Huber dreihete sinen Haut immer rund um in sine Hänn'n un set vör sich dal. „Meinswegens, Frau Möllerin, ich glaub' es Ihnen wohl, daß Sie das nicht wissen, denn ich weiß es selbst man erst seit 'ner halben Stunde. Sie wissen aber doch, daß — daß — Ihre — Ihre Schwester — ihren — ihren — Sie wissen doch, wen ich meine — nicht freien kann, denn der Herzog hat's verboten, und darum — wollte ich Ihnen nur sagen, daß ich — sie meinswegens selbst heirathen will!"

De Möllerfru sprung up ehre Beinen, as wenn wer unsichtbar achter ehr seten hadd un hadd ehr en Puff in'n Rügggen gewen. Ganz verbaßt stierte sei den Discher an.

„Wat willen Sei? Sei sünd nich recht klaut!"

„Meinswegens, Fru Möllerin, aber ich kann doch nicht dafür, daß es mir durch den Kopf gegangen ist und schon lange darin gefessen hat? Ihre Schwester dauert mich, und ich will sie gewiß und wahrhaftig heirathen."

„Un Sei glöwen, dat dat Mäten Sei nimmt, dat sei den Maud dortau hett? Un Sei wiren in Ehre Gaudheit dortau in'n Stann'n, so'n Mäten, de in ehr Unglück verlaten dorfitt, tau frigen?" De Thranen stegen de Fru in de Ogen, un sei müßt sich abwennen, um sei nich seihn tau laten. Huber awer sad irnschaft un doch vergnügt:

„Ob sie mich nimmt, das weiß ich nicht! Aber bloße Gutheit ist's nicht von mir, denn Ihre Schwester hat's mir angethan vom ersten Augenblick, daß ich sie meinswegens lieber hab' als alles Andere. Und wenn sie meine Frau werden will, denn gehe ich nicht wieder in die Amerika, was ich sonst gethan hätte. Und für ihr Kind will ich ein Vater sein.“

Nu broken de Thranen äwer doch ut bi Fru Steffen. Sei schluchzte lud un grep nah Hubern sine Hand. „Gott seggen Sei, Meister! Sei sünd en braven, gauden Mann, un gahn S' man hen un fragen S' ehr. Ach Gott, wenn dit doch vör en Johr passirt wir! Worüm hett dat nu so kamen müßt!“

Huber säd Adjüs un gung.

An den kühlwigen Nahmiddag gung de Breißdräger, de von Klatzshagen kamm, dörch Offendörp, un ut jeder Hus keß en Gesicht mit ein grotes Fragteken: Hest wat för mi? Oder för mi? De Gören lepen achter em: Bring mi en Breiß, mi ok, mi ok! Kein Städter weit, wat dat in so'n einsam Dörp seggen will, wenn dat heit: De Breißdräger is dor! Hei is de willkamenste Bad, hei is de trufte Fründ, hei kümmt dörch Pitt un dörch Käll, dörch den Moraz un dörch den deipen Snei un bringt dat lütte Beten, wat von de grote Welt in dat stille, widaßgelegene Dörp äwerall herindringt, dat lütte Wochenblatt ut de Kreißstadt, den Breiß von Brauder un Sähn, de Munsterzeitung för de Fru Pastern un

den „Sündagsbaden“ für den Herrn Paster. Sei bringt för den' en Pund Koffe un för den' en Pund Zucker mit, un wenn't Wihnachten ward, denn dröggt hei de Pafeter ran, un an finen leddernen Ranzen hammeln denn hier en por bleerne Eimerkens un dor 'ne Pupp ober en Hampelmann, ober 'ne Trumpet för de Gören, un äwerall, wo hei sich' seihn lett, is grote Freud. Sei ward äwer of hegt un plegt, un hier 'ne Tass' Koffee un dor en Schluck un en Botterbrod, un en warmen Plaz bi'n Oben nimmt hei girn an.

Hüt schüddelte hei äwer up all de Fragen den Kopp un gung stracks up dat Försterhus los. Sei seten jüst üm den Koffeedisch, as hei de Dör upmakte, un Hermining, de för den Breifträger ümmer noch 'ne kindliche Börlein hadd von wegen de Wihnachtstid, sprung up un lep em entgegen. Hüt was hei nu ganz besunders 'ne fröhliche Unnerbrefung in de swüle, dumpe Stimmung, de in dat Försterhus regieren ded.

„Brügel!“ rep Hermining, „dor is Brügel mit en Breif,“ sei athente ordentlich up un namm em den groten Breif mit dat dicke, rode Siegel af.

„Ja, Mamselling,“ säd de Breifträger Brügel, un sihr wichtig sett'te hei hentau: „Hei is von Regierungswegen, Herr Oberförster!“ denn hei wull doch wisen, dat hei de Abress' leest hadd un dat hei verstunn, wat de bedüden ded. „Hewwen Sei of wat tau bestellen, Herr Oberförster? Sei weiten, id richt dat girn ut.“

„Ne, id dank Sei, Brügel!“ säd Lütting, de dat

dicke Schriwen von allen Siden bekef. „Auguste, sorg för den Mann.“

„Na, den adjüs, Herr Oberförster, adjüs Fru Oberförstern.“

Hei kunn sick an den hogen Titel nig naug bahn, un Auguste gung mit em rut in de Räck. „Dat de Herr Förster nu Oberförster worden is, dat is of nich mihr as Recht,“ säd hei buten, „verdeint hett hei dat all lang. Un id gratulir of velmal, Mamfelling, dat de Regierung nu endlich en Inseihn hadd hett.“

Augusting bedankte sick un schenkte em flitig Koffee in. Hei driink em ut un vertellte dorbi so as gewöhnlich von dit un von dat, wat hei so bi Weglang hört hadd, un Augusting gaww fründlich Antwort, obschonst ehr dat swor würd, still tau hollen, denn sei was of niglich up den Breif. Endlich gung Brügel un sei lep in de Stuw taurügg, üm doch of ehr Deil von de Freud tau herwen. Äwer dat sach jo gornich nah Freud ut? Wat was denn passirt? Dor lag jo doch de Ernennung för ehren Bader taum Oberförster mit tweihunnert Dahler Geholtstaulag' up den Tisch, — äwer de was 't nich blot allein, wat in dat Couvert west was. Of Hans hadd en Schriwen fregen un grad, as Auguste in de Dör tred, dunn knutschte hei dat Poppir in de Hand tausam un smet 't, düsterrood in't Gesicht, mit en willen Fluch in de hindelste Eck von de Stuw. De Ollen un Hermining seken em versihrt an, so hadden sei em noch niemalsen seihn! In sine Post

arbeit'te dat un hei stampte wüthend mit den Faut un rep, ahn tau weiten, wat hei säd:

„Verfluchte Band'! Wenn ick Jug alltaufsam hier mang de Fingern hadd, dat füllt Ji mi betahlen!“ Hei schüddelte vull wilben Grimm de Fust, dunn läd sück 'ne Hand wiß up sinen Arm.

„Hans!“ säd Auguste, „schäm di, wat sall dit, wat bedüid't dit All?“

Hans kamm tau sück, äwer sin rodes Gesicht würd witt. Ahn en Wurd tau seggen gung hei nah de Eck, wo de Breif lagg, bröcht em nah sin Schwester un säd mit Müuh un Anstrengung: „Les', Auguste, les' lud, dat sei't All hören!“ Hei let sück up en Stauhl fallen un slog de Hänn'n vör dat Gesicht. Auguste strek dat Poppir glatt un les' mit bewernde Stimm, wat dor stunn:

„Wir P. P. von Gottes Gnaden Herzog zu ernennen den Forstkandidaten Hans Lütting zu Offendörp, um demselben versprochenenmaßen eine Anstellung zu geben, zum Förster auf dem Wildkamp und bestimmen den sofortigen Antritt der vacanten Stelle. Die Einkünfte der Stelle bleiben unverändert.

Gez. von

Minister für Forst- und Landwirthschaft.“

Auguste set ehren Brauder an un denn ehre Öllern un let den Breif fallen, denn sei sinet sei sück mit Hermining bi ehr Moder dal, de binah von Sinnen gung, üm ehr tau trösten. Lütting lep wedder in de Stuw up un

dal un snow un puf'te, un hüt hadd sin Fru wirklich bang sin kunnt vör'n Slaganfall, denn sin Gesicht sach ut, as 'ne füerrode Kugel, un de lünnen Dgen flünnerten orndlich vull Angst ümher. Hei was äwer of in 'ne schlimme Lag. Hei hadd girn loschimpijt un dürrw't nich! Hei hadd den Herzog girn de mäglichschten un unmäglichschten Threntitel anhängt, un hei was em doch tau Dank verpflichtet. Dor lag de Gnad för em, un dor de schmähschste Ungnad för sinen Sähn — 't was em 'ne Erlichterung, as Hans wedder uppsprung un von Nigen in Zorn utbrök.

„Un dat süll ick mi beden laten, Is? Up ne Strafsstell fall ick mi setten laten, un hei glöwt, dat ick dat dauhn ward? Is uns' Land villicht mit isernen Burten tauslauten, dat ick nich rutkann? Ne, min Herr Herzog, so wüd siind wi noch nich! Wil ick min Pflicht dauhn un en braven, ihrlichen Mann bliwen will, dorüm fall ick mi as en Verbreker behandeln laten un as en unnützen Knecht? Psyi, äwer dat Paß! Furt will ick ut dit Land un von desen Urt, un dat glif! Furt gah ick, un ihr Einer wat dorvon weit, bün ick wüd weg, un denn kann hei mi nahfläuten. Adjüs Bader, adjüs Moder! Säuf mi en beten Wäsch tausam, Auguste, 't brukt nich vel tau sind — ick slag mi dörch —“

So rath- un furlos, as de Oberförster von hüt, was de Förster von vördem niemalen west. Hei wüßt den jugendlichen Ungestim von sinen Sähn Nicks entgegen tausetten, ja 't schinte binah, as wenn hei mit sinen vöriligen Plan inverstahn was, denn hei säd Nicks

un nidde blot mit den Kopp en pormal. Anners äwer de Fru Förstern. Mit grote Ogen hadd sei upseken, as Hans von Furtgahn sprok, sachten hadd sei de beiden Döchter taurügg schawen un was upstahn un stunn nu vör em, ehr gaudes Gesicht as en Strafgericht un ehre fründlichen Ogen, de em süs blot mit Stolz un Freud anseken hadden, as en por scharpe Strahlen vull Born un Vorwürf’.

„So is ’t recht, min Sähn,“ sprok sei un kee em so wiß an, dat de Besinnung em taurügg kamm, „so is ’t recht! Gah man hen, seh tau, wo Du Di am glattsten un am paßlichsten ut de Sak ruttredst, wenn wi denn of in de Patsch sitten bliwen un den Herzog för Dine Flucht stahn möten. Gah man hen, äwer seh’ tau Dinen Schaden, denn mitgewen können wi Di Nicks, dat weißt Du. Un nimm of Din gaud Gewissen mit äwer dat, wat Du hier taurügg lettst, Dinen ollen Bader un mi, de wi Di mit Sorg un Last grottagen herwen, dat Du uns ’ne Stütt sind süllst. Un Dine unschülligen Swestern, de ehre Taufunft Du rungenirt heft dörch de Unih, de Du äwer ehr bringst! Du heft den Bri anfüert un wi möten em uteten, so hört sich dat: Din Unrecht un Din Schuld — wenn ick ’t allein wir, denn wull ick ’t girn dragen, — äwer sei sünd min Kinner so gaud as Du, un wenn de Lüd mit Fingern up ehr wisen un seggen: Rikt, dat sünd de Swestern von den Dagenichts, von den Lüderjahn, de nich so vel Kraft hadd hett, dat hei sin wollverbeinte Straf gedüllig up sich namm, de sich leiwer in Stillen

dorbonnast hett un sin Öllern mit Gram un Kummer unner de Ird bringt —“

„Moder,“ schreg Hans up, un dunn wieren sei All vör Schrecken still, denn de starke, junge Mann sot sich mit beide Hänn’n an en Stauhl, wil hei hen un her flog, as en Low an’n Bom in den Stormwind. Hei lek mit brennende Ogen von Einen taun Annern un les’ up Jeden sin Gesicht, dat sin Moder Recht hadd, un hei sot sich mit de äwerminschlichste Anstrengung. Dunn säd hei: „Berauhigt Zug, id’ gah nich furt, an K’rasch fall mi dat nich fehlen. Äwer dauht mi den Gefallen un packt mi en beten Tüg tausam, denn id’ will doch wisen, dat id’ minen gnedigsten Landesherrn“ — hei lachte up mit bitterm Spott — „gehursam bün un morgen früh führ id’ af nah’n Wildkamp, un id’ gah nu hen un bestell mi en Wagen.“

Hei was ut de Stuw, un dunn kamm’t äwer de Annern, as waken sei up ut den Drom, äwer dat Upwaken was iim Nicks beter as de Drom, un blot dat Hans, de arme, unglückliche Hans dor nich mihr stunn, dat make ehr en beten lichter iim’t Hart. Sei red’ten un weinten un deden, iim wat hei beden hadd, sei packten sin Tüg tausam un up jeder Stüek füllen sin Moder ehre heiten Thranen. Ehr was am wehsten iim’t Hart. Sei hadd red’t, as sei hadd reden müßt tau den unverständigen Jungen, sei hadd ehr Sa’ gewonnen. Äwer nu dat sei’t hadd, nu dat sei doräwer nahdachte, nu, as sei sich dat utmalte, ehr Hans, ehr Hans up den Wildkamp as Förster? Ehr schüddelte dat vör

Grugen un Jammer, de Spannung un de Upregung in ehren Wesen let nah un sei brot ganz tausam. Nich ehr Mann, nich ehre Döchter kunnen sei in de irste Stunn' trösten, so vel sei ehr of dankten, dat sei de Sat' so wenn't hadd. Sei was jo schuld daran, dat hei up dat schreckliche Flag kem, sei drew em jo dorhen! Sei hadd't jo nich liden wullt, dat hei sich fri makke!

De Wildkamp was en Flag, vör den't Einen grugen funn, un't was 'ne rechte utgesöchte, grausame Straf', de de Herzog äwer sinen ehemaligen Günstling verhängen ded, dat hei em dorhen schickte. Rein bahnten Weg' führten dorhen, dörch Dick un Dünn funn Einer en halwen Dag führen, ihr hei up dat wille, wüiste Urt kamm, wo sich lange, düstere Forsten hentrekten bet an de Grenz. De Gegend was verraupen von wegen de velen Wildbeiw, de in de Wälder huf'ten, un de Försters, de dorhaben west wiren, säden, dat halve Dörp hürte dortau. De letzte Förster was von Wildbeiwern erschaten worden; äwer Keiner hadd rutkregen, wer't west was. De Grenz was tau neg', dor entwischten sei All, un wer't dahn hadd, dat wüßt nahsten Keiner. 't was of 'ne ruge, unfruchtbore Gegend, tum drei Manden was natten, sollen Sommer un nägen lag Is un Snei. Hier hadd Jeder den Franzosen Recht gewen müßt, de 1871 as Gefangener von Dütchland seggt hadd: Is sich drei Monate grüner Winter, neun Monate weißer Winter, nennt sich Canaille Waterland, schießt sich darum!!! De Armaud was grot, Hunger, Elend un Krankheit ümmer begäng', un de Lüüd, de

äwerall roh un wüßt wiren, wilbbeimten all ut Noth. Dat Försterhus, en oll, wacklig, bröcklich Gebäud, lagg einsam, unheimlich still dicht vör den willen Forst, de Böß kenen Winters un söchten ehren Unnerholt up den Säuhnerhof, de Uhlen frischten in de Nacht vör de Finstern, un kein Minsch müggd dor girn wat tau dauhn hewwen. Dat Infamen was slicht, taum Lewen tau wenig, taum Starwen tau vel, de Arbeit swor un gefährlich — un dor süll Hans hen un süll dor sitten, de verwöhnte, vertagene, ävermäudige Hans! Wenn sin Moder dat All so wüßt hadd, wer weit, sei hadd em villicht leiwre nah Amerika utwannern laten, un wenn sei em of för't Irst nich wedder seihn hadd! —

Hans was stracks hengahn un bestellte sich en Fuhrwerk up den annern Dag nah den Wildkamp. De Lüüd seken em verwunnert an, äwer hei säd ehr kort Bescheid, hei wir dor Förster worden. Ahn sich doran tau fihren, wat sei achter em hertuschelten, dreihete hei ehr den Rücken un gung nah Lisebeth. Sei hadd en por Dag täuwt, as sei't verlangt hadd, nu äwer wull hei ehr Wurd hewwen, nu wull hei sich nich mehr afhollen laten, denn mit sin Fomili was hei nu of terfollen, un Lisebeth was de Einzigst, de em blew. Sei kunn em nich of verlaten — — hei dacht eben immer noch blot an sich sülsen.

As hei in de Stuw kamm, sach hei Lisebeth mit ehr Kind up'n Schot un ehre Öllern bi ehr. Ehr Moder weinte, as sei dat in de Lekt immer deb, un Krus' hadd en roden Kopp un sach argerlich ut. Sei

hadd apenbor up ehr inredt, un as nu Hans in de Dör tred; wenn'te hei siß an den' un säb:

„Iß kann mit ehr Nick's utrichten, Herr Forstcannedat, seiñ Sei sülben tau, wo Sei mit ehr t'recht-kamen. Sei is so obsternat, as iß sülben man nictens fin kann, un wenn Sei ehr den harten Kopp nich breken, denn — na, kumm Dßsch, latt 'f allein.“

De beiden Ollen gungen, un Hans stun vör Lisebeth, de so witt as Poppir, äwer still un fast dorfsatt.

„Iß heww täuwt, as Du't wullt heft, Lisebeth, nu giww mi Antwort, wennihr Du min Fru worden willst?“ Sei tuckte tausam un drückte dat Kind an siß.

„Iß kann Din Fru nich werden, Hans.“

Hans würd wedder düsterrod.

„Wat sall dat heiten,“ bruste hei up, „Du kannst min Fru nich werden? Worüm nich?“

Lisebeth sweg.

„Bör'n Johr red't'st Du anners, dunn was Di Allens doran gelegen, un hüt kannst Du't nich? Wer giwwt Di denn Dinen ihrlichen Namen wedder, wenn iß 't nich dauh?“

Lisebeth leggte dat Kind, dat inslapen was, sacht in de Weig, sei wull Hans nich seiñ laten, dat sei de Ogen vull Thranen hadd.

„Minen ihrlichen Namen? den giwwst Du mi ot nich wedder. Wat gescheihen is, kannst Du nich ungescheihen maken. Äwer dorüm gräm iß mi nich mihr, dat maß iß mit mi sülben af. Du willst Din Schüllig-

feit an mi danhn, Hans, un wider Rick's, un dat nem' ick nich an."

Nu sweg Hans un sef verwunnert up dat Mäten.

„Du heft mit mi blot spelt, Hans, leiw heft Du mi nich hadd. Haddst Du mi leiw hadd, as ick Di, denn wir all dat Anner Rick's, denn wir ick of Din Fru worden, äwer so nich, ne, so nich! Ich bünn nu en Stein in Dinen Weg, ick weit dat jo All, äwer dat will ick nich un dorüm kann ick Di nich frigen. Min Unglück will ick dragen, un Du büßt fri.“

Hansen was wunnerlich tau Maud. Wo wenig hadd hei dat Mäten kennt! Dat hadd hei nich dacht, ne, hei hadd glöwt, sei würd' üm jeden Preis em fasthollen hewwen, äwer dat sei freiwillig taurüggreden künn —

„Lisebeth,“ rep hei weit un grep nah ehre Hänn'n, „min arme, lütte Dirn, wat red'st Du, wat quälst Du Di? Kannst Du mi dat nich glöwen, dat ick Di leiw heww, dat ick Di in Ihren hollen will?“

Lisebeth makte sich sachten los.

„Dat Du dat willst, Hans, glöw ick Di, äwer Du kannst dat nich, Du büßt tau vörnehm worden un heft tau vörnehme Frönn'n, dor paß ick nich tau, un Du würd'st Di üm minentwillen vör ehr schämen. Un dortau bünn ick mi wedder tau gaud. Wi hüren nich tausam, dorüm möten wi von 'anner bliwen. Du kannst kein ungelührtes, ungeschicktes Burmäten tau Fru brufen.“

„Lisebeth“ — Hans grep wedder nah ehre Hand,

— „ic̄ heww mi dat Allens äwerleggt. Ic̄ heww so dacht. Wi laten uns in'n Stillen trugen, un denn wull ic̄ Di weggeben, wid weg von hier up 'ne Schaul, un dor füllst Du Allens lihren, wat Du för unsern Stand tan weiten bruckst, un wenn Du denn taurügg kümmt, kannst Du Di vör Jeden seihn laten as min Fru. So is de Sak in Ordnung, un nu segg mi kein Wurd mihr —“

„Ne, Hans, ne, ne,“ rep Lisebeth mit bewernde Stimme, „wat red'st Du dor, wo denkst Du hen! Ic̄ füll min Kind verlaten un füll as verfrigte Fru wedder in de Schaul gahn, un de ganze Welt füll min Schand' gewohr werden. Ne, Hans, Du meinst dat gaud, äwer dor kann Nicks ut werden. Ic̄ bünntwors noch jung, äwer dat lihr ic̄ nich mihr. Ja, wenn't vörher west wir! Äwer nu is't tau lat. Du würd'st Din Geld wegsmiten, un ic̄ blew doch man 'ne Burbirn. Ne, Hans, girow dat up, dor kann Nicks ut werden!“

„Un wenn ic̄ Di nu segg,“ rep Hans heftig upföhrend, „dat ic̄ bi den Herzog in Ungnad sollen bünnt, un dat dat vörbi is mit mine Börnehmheit, un dat hei mi nah den Wildkamp schickt, as Förster, un dat ic̄ mi mit mine Öllern vertürnt heww, höllst Du dat denn nich för 'ne Sünd' un 'ne Schand', dat Du mi of verlaten willst? Sall ic̄ allein henteihn up dat grugliche Flag, wo ic̄ kein anner Gesellschaft heww as Uhlen un Böß un Wildbeiw, un Du un un' Kind, de Zi mi tauhüren dauht, willst hierbliven in säkere

Rauh, bet — villicht en Anner kümmt, de Di frigt? Lisebeth, dat darwst, dat kannst Du nich dauhn!"

Hans was nu so wüd, dat em dat würrlichen, bitteren Irnst was mit sin Warwen, un Lisebeth fänhlte dat. Wo gihn hatt sei sich an sin Bost smeten un raupen: Ich gah mit Di, ich bliw bi Di! Denn ehr brot dat Hart bi sine Red, un binah hadd sei de heite Upwallung nahgewen. Äwer Krus' hadd Recht, sei was sin Dochter, sei was fast un tag, as hei sülsen, un sei hadd de Sak tauvel äwerleggt, un ehr Sluß blew de sülwige, wenn sei of vör Zamer hadd starwen mügg't.

„Ich heww dorvon hört," säd sei unsäker, äwer dat Du nah den Wildkamp mößt, heww ich noch nich wüßt."

„Du geihst mit, Lisebeth?" bed hei.

„Dormit Di de Herzog findag nich wedder tau Gnaden annimmt?"

„Wat frag ich nah den Herzog un sine Gnad'!"

„So redst Du jikt, äwer dat kümmt wedder anners. Süh', Hans, ich weit, dat Du üm minetwegen in Ungnad büst, wil dat de Herzog wullst hett, Du süllst 'ne vörnehme Dam frigen. Min ganzes Lewen kann ich Di Din Gaudheit nich vergellen. Äwer ich würd Di slicht danken, wenn ich Di nahgew' un würd nu Din Fru. Denn wir't för alle Tiden vörbi, äwer so ward sich dat wedder t'rechttrecken. Gah Du nah den Wildkamp un sitt dor Din Straf af, lang' ward't nich duren, denn Du verstehst Din Sack tau gaud, as dat sei Di dor sitten laten können. Un wenn Du denn fri büst

von mi un dat Lütt, denn warden sei Di nah 'ne forte Tid von dor wedder afracpen un de Weg steiht Di wedder apen tau Ihren un Glück. Hest Du uns äwer an den Hals', denn is't vörbi dormit. Un dorüm, Hans, lew' woll, un Gott segen Di, un ick dank Di hüt un ümmer för Dine gauben Affichten, äwer ick kann't nich dauhn."

Dorbi blew sei, wat Hans of seggen mügg, so vel hei of bidden ded, so zornig hei of würd. Endlich gung hei, ahn Affcheid, in Grull un Born. Nu was em Nicks mihr blewen, nu hadd hei keinen annern Wunsch mihr, as dat hei man irst up den Wildkamp set! In Stillen glöwte hei ümmer noch, Lisebeth würd ehr Affschlag woll leid warden un sei würd achter em herrauben, sei wull un hadd man so dahn. Äwer dorin irrte hei sich, denn tum was hei gahn, dunn kamm Meister Huber un bröchte sin Anliggen vör, ahn 'ne Ahnung von den sworn Kampf, den Lisebeth eben bestahn hadd. Hei kamm ehr as 'ne Hülpe in den Strid, sei fühlte sich so swach, as Hans gahn was, sei hadd em so girn taurüggraupen — dunn was Meister Hubern sine Hand de Stiitt, de ehr höll, un ahn Besinnen in ehre beipe Upregung säb sei „Ja," un dormit was de Sat entscheden. Sei was Hubern sine Brud.

Den annern Morrn fährte Hans, ahn hiervon wat tau ahnen, tidig den Weg nah den Wildkamp tau! 'T was en schönen Sommermorn, vull Licht un Warmniß un Fröhlichkeit, un em was, as de Ledderwagen fnergelnd upwards frop, as let hei Allens, wat em dat

Leven mal lew makt hadd, taurügg, un as giing hei nu in 'ne ewige Düsterniß un in en Wirrsal von Hoffnungslosigkeit un Leid. Sin Hart was vull finstern Grull, un de helle Sommersünn schinte em dor nich herin, un de Bagelstimmen, de Loww un Dank taum Häwen rupfungen, hürte hei nich un wull Nicks dorvon weiten. Glück un Freud wiren för em vörbi!

Kapitel 8.

I' was Harwst in Dffendörp so gaud, as äwerall, nich kollen, stürmschen, bläderfahlen, ne, fröhlichen, buntblädrigen, ripen Harwst vull Äppel un Beeren un en deipen, blagen Häwen un witte, sülwerne Summerfaden von Bom tau Bom un äwer Gras un Stoppeln hen. I' was Sündag, Vütting un sin Fru wiren weg-gahn nah Deipendal tau Kirch. Auguste fakte dat Middageten un Hermining hadd sich wegsleken in ehren Wald. Sei namm jede Stunn'n wohr, wo sei em noch besäufen kunn, denn so warm of de Sünn noch schinte, dörch de Luft un dörch Wulken un Wind swewte dat all, as 'ne lise Mahnung von Starwen un Vergahn un flusterte: Ruht de Tid, so lang sei dor is, bald wannelt sich dat gräune Kleid in ein wittes Lifendauf, makt fix un nemt Zug Deil von de helle Freud noch eins mit, nahsten is't vörbi! Ja, dat is recht gaud, äwer de Gelegenheit möt sich beiden un dor kann Ein männigmal lang' up luren! Männigmal beid't sei sich

äwer doch un denn kümmt sei gradenwegs von'n Häwen raf, wat Jedwederein doran seihn kann, dat denn alle Umstänn'n markwürdig tausamstimmen, so as't de blinde Laufall, wo unverständnige Minschen dat näumen, gor-nich t'rechtfreg.

De ollen Försterlüd wiren andächtig in de Kirch, Auguste kunn ut de Käf nich furt, un Hermining satt unner de Baum up 'ne lütte Muschbank, de Hans vör-dem mal maht hadd. Sei kunn, ahn dat sei seihn würd', äwer Offenbüörp wegstifen un up de anner Sid nah Klatschhagen hen, un unnen lep de Fahrstrat up dat Döörp tau. Sei hadd den Kopp an en Bom leggt un satt in deipen Gedanken. De stille, säute Wehmaud von den Harwstdag hadd sich äwer ehr Hart leggt, un in dese Stimmung föll ehr, so vel Mäuh sei sich of gatw, Nicks in, as de Erinnerung an en schönen, schönen Summerdag, de so trurig endte. Sei makte sich Gewissensbissen daräwer, dat sei nich blot bi desen schönen trurigen Summerdag an ehren armen Brauder dacht, äwer kunn sei denn dorvör, dat 'ne annere Gestalt immer vör ehr stunn un sei mit de truen, blagen Dgen so — sei wüßt sülwst nich wo — anket? Wat sei em woll noch mal wedder seihn würd? Sei wagte dat kum tau denken, sei wagte äwerhaupt kum ehre Gedanken nahtanhängen. Wenn dat nich gewiß west wir, dat Hans up den Wildklamp satt, denn hadd sei dat Ganze för'n Drom hollen.

Unnen föhrte en Wagen up de Landstrat, äwer sei ach'te nich dorup, obchonst süs um de Kirchtid kein

Wagens tau führen pleggten. Sei hürte of nich, dat hei en Ogenblick anhöll un denn rasch widerführte. Äwer nu raschelte wat den Gang ruppe dörch de wilden Rosen- un Brummelbeerstrüf, sei kof up, dor stunn en Mann achter de Böm' un dreihete sich nah de Landschaft üm, so dat sei em up den Rüggem sach. Hermining höll sich ganz still, äwer ehr Hart slog, ehr was, as müßt sei em kennen. Hans was't nich, de was grötter un breider. Nu dreihete hei sich üm un kamm langsam up ehren Platz tau, de Ogen vör sich dal. In de negste Sekund' stunn hei vör ehr. Sei was ganz as von sülsen upstahn, ahn einen Lud, de Ogen wid up. Dröimte sei denn noch ümmer, oder was dat Zauberi un Blendwarf, dat sei den vör sich sach, von den sei drömt habb? Of hei was stahn blewen, as hei ehr ansichtig würd, hei was so äwerascht, dat hei nich glif en Wurd finnen kunn. Rod würden sei Beid', rod, as blot de Jugend un de Freud' un de Unschuld worden kann, un dat was de schönste Ogenblick, as sei Beid' so glücklich un so ungeschickt verlegen vörenanner stunnen.

„Fräulein Hermine,“ stamerte hei endlich un gaww ehr de Hand.

„Herr von Degen,“ stotterte Hermining, „wie kommen Sie hierher?“ Sei was noch roder worden un hei verget dat Antwurten äwer ehren Anblick. Äwer ehre Hand höll hei wiß un ahn dat sei 't wüßten, sett'en sei sich Beid' up de lütte Muschbank un kafen sich, ahn wat tau seggen, in de Ogen. Dat was of de

beste Sprak vör den seligen Drom, in den sei Beid' befangen wiren, in den Blick lagg de grüne, fröhliche Hoffnungskeim, de trotz Harrost un Starwen un Bergahn in ehre Harten upschot un von Widen as 'n grünen Frühlingsbom winkte, unner den sine Telgen sei seten, as en Prinz un 'ne Prinzessin ut dusend un eine Nacht. Endlich tog Hermining denn doch ehre Hand saching furt un Herr von Degen süßte en beten, let sei äwer gahn.

„Sie werden sich gewiß wundern,“ säd hei, „daß ich so plötzlich in Ihre stille Waldruhe eindringe, so überraschend und vielleicht — störend?“ — hei tek ehr fragwis' von de Sid an, beruhigte sich äwer glif äwer desen Punkt, as hei sach, dat sei wedder rod würd, denn dat höll hei för dat günstigste Teiken. — „Sie werden mir mein Eindringen aber gewiß verzeihen, wenn ich Ihnen mittheile, daß es aus dem Wunsch, Ihnen und den Ihrigen nützlich zu sein, und aus herzlicher Theilnahme geschieht.“

Nu was de Reih an Hermining, em verwunnert un fragwis' antautiken.

„Treffe ich Ihren Herrn Vater zu Hause?“ frog hei.

„Ja,“ säd Hermining, „hei wir tau Hus, hei wir man blot mit Mutting nah Deipendal tau Kirch, hei müßt sihr bald kamen.“

Herr von Degen stunn up, up sin Gesicht gläuhete dat warme Blaud, wat in sinen Harten puderte, un hei dachte, 't wir klänker un beter, wenn hei nich so neben dat leiwliche Mäten sitten blew. Of Hermining

stunn up un sei gungen langsam dörch de stillen Bäum mit ehr gräunes un buntes Low, de Sünnenstrahlen schillerten schreg dörch de Bläder, 't müßt bald Middag sind. Sei hadden sich wedder an de Hand fat't un wüßten 't gornich, 't was, as müßt dat so sind, 't was, as wir dat immer so west. So gungen sei de Krüz un Quer, ahn wid furttakamen, un redten von dit un von dat, blot von de Jagd in den Sommer sproken sei nich, dese Ogenblick hürte ganz allein ehr un dat reine Glück, wat sei Beid fühlten.

Hand in Hand treden sei of ut den Wald un gungen up dat Hus tau un dunn irst leten sei sich los, un Hermining sprung vörut in de Stuw. De Förster un sin Fru wiren all dor un hadden jo woll mit Blindheit slagen sind müßt, wenn sei an ehr Döchtling nich seihn hadden, dat wat Besünneres passirt was. Sei kemen ehr denn of fix entgegen un de Gesichter, as sei seigen, wer achter ehr in de Dör tred! De lütte Schlaufopp make sich äwer fix dorvon, as sei so wid wiren, un let de Ollen mit den Besäuf allein. Dütting un sin Fru wüßten vör Wunnern nich, wat sei seggen füllen, äwer Herr von Degen, de jo nu wat vörut hadd, un habenin so glücklich was, begrüßte sei up dat Herzlichste un bröcht' de Sak bald in dat richtige Fahrwater. As hei bequem in de Sophaeck satt, rückte hei denn of mit sin Gewarw rut. Hei säd, hei kem in Updrag von den Oberforstrath von Waldenberg un hei hadd den Updrag girn ävernemen, denn 't hadd em all lang wedder hierhertagen, nah dat stille, romantische

Forsthus un nah sine fründliche Wirthen von'n Summer her. De ollen Lüüd freuten sich äwer dat Kumpelment von den jungen Mann, wil sei seggen, dat dat sin uprichtigen Ernst was un Lütting schüddelte em de Hand.

„Der Oberforstrath,“ föhrte Herr von Degen furt, „hat sich, wie Sie wissen, sehr für Ihren Sohn interessirt, und bewahrt ihm noch heute diese Theilnahme. Verzeihen Sie mir,“ säd hei truhartig, as hei sach, wo't de beiden Öllern bi dese Red unbehaglich würd, „daß ich es wage, eine schmerzende Wunde zu berühren. Ich thue es, weil ich hoffe, daß sie geheilt werden wird. Der Oberforstrath hat es nicht unterlassen mögen, Ihnen einen Wink und einen Rath zu geben, der, wie er hofft, den Unstern wenden wird, der Ihren Sohn betroffen, wenn er ihn befolgt.“

„Und Sie,“ rep Lütting gerührt, „haben sich bereit finden lassen, den beschwerlichen Weg hierher zu machen, um ihn zu überbringen? Das ist edel, wie sollen wir Ihnen danken!“

„Herr von Degen würd rod. „Ich sagte Ihnen schon, daß es mir eine besondere Freude war, Sie aufzusuchen. Doch hören Sie weiter. Herr von Waldenberg ist der Ansicht, daß jetzt der geeignete Zeitpunkt sei, ein Bittgesuch beim Herzog einzureichen um Aufhebung der Strafverfehung Ihres Sohnes. Der Herzog ist in einer günstigen Stimmung. Sie kennen seine Abneigung gegen Mesalliancen und wissen, wie sehr dieser Punkt bei der Ungnade gegen ihren Sohn in's Gewicht fiel.

Rechnen wir nicht mit dieser Schwachheit, er ist und bleibt der Landesherr. Nun hat ihn, wie Sie gehört haben werden, das Schicksal betroffen, daß sein einziger, jüngerer Bruder, auf den er sehr stolz war, sich heimlich, hinter seinem Rücken mit einer Tänzerin verheirathet hat. Er hat getobt, geflucht, gewüthet, den Bruder verstoßen, — was half es ihm Alles! Er kann das Factum nicht rückgängig machen, und endlich ist er weich und mürbe geworden, und wie man sagt, hat er sogar geweint. Gleich darauf gestattete er die Heirath eines Hofbediensteten, die er vorher durchaus nicht zugeben wollte. In dieser Stimmung, meint der Oberforstrath, würde er vielleicht geneigt sein, auch Ihrem Sohne wieder seine Gunst zuzuwenden, zumal er ihn zweifellos entbehrt und vermißt, und selbst wenn dieser darauf bestehen sollte, das Mädchen dennoch zu heirathen. —“

„Das ist außer aller Frage,“ föll Lütting in, „das Mädchen ist verständiger und braver gewesen, als ich ihr zugetraut hatte. Vor acht Tagen ist sie die Frau eines ehrenwerthen Mannes geworden, der sich schon lange um sie bewarb, und hat somit meinem Sohne die Freiheit zurückgegeben.“

„Das ist ja vortrefflich,“ rep Herr von Degen, „da würde uns ja Nichts mehr im Wege stehen.“

„Sagen Sie das nicht, Herr von Degen. Wie ich meinen Sohn kenne, wird er sich nie zu einem Gnadengesuch verstehen. Er hat einen harten, trozigen Kopf.“

„Aber das wäre ja trostlos! Was machen wir dann?“

„Lassen Sie uns das bei unserem Mittagessen besprechen!“

„Frugal, Herr, frugal, aber gern gegeben,“ säd Lütting, denn Auguste stunn in de Dör un säd, dat Eten wir farig un begrüßte Herrn von Degen, de ehr tautrulich de Hand gaww. Auguste würd noch roder as Hermining, denn sei hadd an ehr Swesting ehr Wesen en lütt Beting dorvon markt, wo de Fläuten hungen, un bewerte inwennig vör Freud un Glück äwer de ehre stille Seligkeit. Bi't Middageten sproten sei nu äwer wider Nick's, as wo sei de Sak mit Hans am besten anfängen, wat äwer nich utslot, dat de Fru Oberförstern sich männigmal verführte äwer den Blick, den de frömde, adlige, junge Herr ehr jüngstes Döchting tausmet.

In der Irst namm sei desen Blick för dat Gegenheil von dat, wat hei bedüden ded. „Gott in den hogen Häwen,“ dacht' sei, „wat hett de Kirl min Kind so antauglupen! De Ogen funkeln em jo, as wenn hei ehr freten wull!“ Nahsten äwer würd sei unsäfer, un as dunnn mal Hermining den Blick taurügggaw un sich dorbi anstichte as 'ne Fierlilj, dunnn stunn ehr dat Hart still. „Wat heit dit? Un is dat so meint? Dat wir jo en Unglück!“ Un dorbi slog ehr Moderhart vör freud'ge Upregung, un sei dacht fix eins nah, watt sei woll witten Moll oder Batist tau't Brudkleid nemen wull? Na, ehr blew nich vel Tid, denn de Annern

wiren taum Sluß kamen, un kum wiren sei upstahn, so lep de Oberförster sülben hen un sprok sich en Fuhrwarf up, nah den Wildkamp tau führen. Herr von Degen hadd sin't nemen wullt, äwer Lütting sek dat fine Ding an un sädd:

„Mit-dem zerbrechlichen Scheßchen kämen wir nicht weit. Na, lernen Sie unsere Wege hier nur erst kennen. Da, das ist ein ander Gebäu, das trägt uns sicherer. So bequem wird's freilich nicht sein, wie das Ihrige, aber praktischer. „Na, adjüs, Alte und Kinder, morrn bünn ick wedder hier.“

Lichtfarig sprang hei up den Ledderwagen un let den jungen Mann sich nahklabastern. Mit lütten Süßzer sett'te Herr von Degen sich up de harte, lederne Bank, de in Reimen hung, üm de dullsten Püß un Stöt en beten aftsowächen. Hei grüßte noch mal taurügg, wo halw achter de Dör Hermining stunn, un denn wennte hei sich mit en Ruck tau finen würdigen Gastfründ un fung 'ne Unerhollung an. Augusting äwer fot Hermining üm un flüsterte ehr in't Uhr: „Morrn kümmt hei wedder.“

Sei führten dörch dat Dörp un den Wald, un en Stundner ein bet twei was de Weg noch so tämlich gangbor un sohrbor. Äwer denn hürte dat so nah un nah up, un't wohrte nich lang', dunnn müßten de beiden Reis'cumpan's männigmal afftigen un müßten den Wagen hollen, dat hei man heil un deil dörch de Wildniß un äwer de deipen Löcker kem, un de Fuhrmaun steg of af un ledd'te mit Hü un Gott de Bird bargup un bargdal.

'I wir en beswerlich Reisen, säd Herr von Degen, de sowat findag noch nich mitmaht hadd. Äwer den ollen Oberförster verslog dat Nick's, de kenne dat, un vör velen Fohren was hei of desen Weg mal führt. Mit en Gedächtniß, so frisch un so scharp in sinen Oller, as dat nu bi de Jugend nich mihr tau finnen is — denn uns' jungen Lüüd möten tau Belerlei behollen — sprok hei von de Fohrt, de hei dunnmals tau'n ollen Fründ maht hadd, hei kenne jeden Bom un jeden Knick von de holprige Strat, un dor wir 'ne Boßgruw west, un up de Richtung hadd en wunnerschönen Rehbuck stahn! So kemen sei unvermarkt, denn hei wüßt tau vertellen, en gaud Stück wider, 't würd bald schummern, un de Gegend würd immer stiller un einsamer.

Gemeinsam Reisen bringt de Minschen vel fixer un vel neger tausam, as jeder annere Verfahr. De olle Mann finnt immer mihr Gefallen an den jungen, de an sin Sid' satt, un fot immer mihr Vertrugen tau em un schüddte em allmählig sin ganzes Hart ut. Tau Hus vör Fru un Döchter wiste hei sinen Kummer nich üm den Söhn, äwer hütt namm hei mal de Gelegenheit wohr. Herr von Degen hörte of gebüllig tau, wo girn wir hei nich glif ebenso uprichtig west, äwer 't was doch nich de richtige Tid'. 'I lagg em vel doran, Hermining ehren Bader en Dienst tau erweisen, un so pakte hei genau up, as de Oll em von Hans un sine Eigenheiten vertellen ded. 'I würd em dorut klör, dat Hans in de deipste Seel krank sind müßt, denn

hei hadd sich, as Lütting säb, ganz in sinen düstern Forst vergrawen, hei hadd sich jeden Besäuf verbeden un was of nich en einzigmal nah Hus kamen. Augusting, dat gaude Mäten, hadd em vom Himmel tau Irden beden, hei füll't taugewen, dat sei tau em trecken un em de Wirthschaft führen ded'. Hei hadd 't afflagen un seggt, hei wull allein sind, hei künn kein Minschen seihn. Vör acht Dagen hadd hei, Lütting, em schrewen, dat Lisebeth mit den Dischermeister Huber trugt worden wir, un hadd em taured't, hei füll de Sak doch nu von de gaud' Sid anseihn un füll sich bi unsen Herrgott bedanken, dat hei 't so wennt hadd, un dat dat Mäten so verstännig un so brav wir. Äwer 't wir All vergewß, denn Hans hadd em Nicks dorup antwort't.

Un de Ill hadd Recht. De Nahricht, dat Lisebeth Hubern frigt hadd, was för Hansen kein Freud west, hei sach dorin blot noch mir Ursak för sinen Grull un verbisterte sich in den' so, dat hei ganz verbittert würd. Hei versach sin Amt up den Wildkamp, lihrte sich äwer süß an keinen Minschen. In dese Stimmung kamm em de Wildbeitweri grad tau Paß, üm sinen innerlichen Grimm Lust tau maken dörrch butwennigen Strid. Hei was Dag un Nacht up de Beinen un söchte sin Revier af, oft ganz allein, denn de Jägerburßen fürcht'ten sich. 'N pormal hadd hei de Spigbauwen all affat't un utliwert, un 't wohrte nich lang, dunn würd hei fürcht't, äwer of haßt. Äwer dat was em ganz egal, oder velmih'r 't was em grad' recht. Hei säuhlte

fine eigne Kraft un 'ne Ort von wilden Maud gegen de ganze Band' in sich un schwor sich dat tau, dat hei 's utroden wull, un de ganze Welt füll seihn, mer dat wir, de so ungerechterwis' an dit Flagg verbannt worden was! Dat hei dörch desen harschen Zwer un dörch dit rastlose Dauhn un Wirken, un dörch de strenge Tucht, de hei utäuwte, un de süs in sinen sorglosen, gaudmäudigen Wesen nich lag, ganz wat Anners noch taum Ewigen bringen wull, dat let hei nich in sich upfamen un gestunn hei sich nich in, un as hei einmal in deipen Gedanken in 'ne schöne Bäum den Namen: Agnes! insneden hadd, dunn würd hei so zornig up sich sülsen, dat hei de ganze Kind' afret. Den sülbigen Abend wesselte hei en por Kugeln mit en frechen Wildbeiw un schot em an, un hei — äwer dat kümmt den ollen Lütting un sinen jungen Fründ tau, tau erliewen, denn 't was den Abend vör den Sündag west, as dese Beiden up den Wildkamp tauführten.

De Weg gung dat letzte End' steil tau Höchten un dunn seggen sei vör sich en düstern Dannenforst un en lütt wacklig Hus. Dat wir dat Forsthus, säd Lütting. Herr von Degen wull't nicht glöwen, äwer't was doch so, un en Stück wider af legen de elenden Hüser un Rathen von de por Buren un Daglöhners, de dat ehr Dörp nännten. Denn jungen verwöhnten Mann gung en Schudder dörch Hut un Knaken, as hei doran dacht', dat Hans hier wahren un lewen müßt. 'T was bodenstill üm dat Hus, kein Minsch un kein Beih tau hören un tau seihn. Äwer as sei vör de

Dör afftegen, fohrte up einmal en wilden, groten Rüdden up ehr tau mit fürchterlichen Gebell un makte Anstalt, ehr an den Hals tau springen. Doch de Oll verstunn sich up so wat, hei läd' den Finger an den Mund un fläut'te, grad so as Hans dat makte. Dunn stunn dat Beest still un kef em an, fohrte äwer nu up Herr von Degen los. Dor bröchte em denn äwer en Fauttritt up de Näs' tau Befinnung, un hei trop hulend t'rügg. De Beiden gungen in't Hus. Groter Gott wat ne Barack! Rechts en Stall, links 'ne Stuwendör, gradut äwer den holprigen Steinflur, dörch den' de Logwind blof', treden sei in'ne lütte, rofige, dumpige Käf. Dor brennte 'ne swälige Lamp up den Disch un en Füer up den riesengroten Muerhird, de binah den ganz Raum innamm. De Beiden stunnen dor un kefen sich üm, das Wurd blew ehr in de Kehl sitten. Als de Dgen sich an dat halwe Licht un den Hof gewennt hadden, segen sei in de Eck bi den Hird en smutzigen, terlumpten Bengel stahn, de sich ganz still verhöll, äwer mit versmigte, lurige Dgen nah ehr henkef.

Rum sach em Lütting, so fohrte hei, den' de ganze Andruck tauvel würd', up em los.

„Jung,“ schreg hei em an, „wat heft Du hier tau stahn! Wo is de Herr Förster?“

De Jung sweg, äwer kef sich üm, wat hei nich utritschen künn. Lütting kamm äwer drang' an em ran un frog nochmal. De Jung schüddelte mit den Kopp und säd trozig: „Nich hier.“

Wo is hei denn?"

De utgestreckte Dumen von den lünnen, nüdlichen Emuhengel wies' up de Stuwendör. „Dor!"

„Kommen Sie," säd Lütting un wull ut de Räk, dunn rep dat Gör achter em her: „Hei is krank!"

Sei dreiheten sich wedder üm. „Wat fehlt em denn?"

„Sei herwen em schaten," säd de Bengel, un äwer dat unkindliche Gesicht slog so'n recht spigbäum'sches Grinsen.

„Gott bewohre!" rep de Dill vull Schrecken, wer hett em schaten?"

„Wer süll't anners dahn herwen, as en Wild-deiw? De Förster hett of Einen schaten. Wat brukt hei ümmer irst tau scheiten? Hei kann jo de armen Lüüd dat beten Fleisch gönnen!"

De oll Förster stunn as angedunnert vör dese freche Red', äwer Herr von Degen met den Bengel mit en scharpen Blick un säd: „Das scheint ja eine nette Sorte von Menschen zu sein, unter denen hier Ihr armer Sohn lebt. Kommen Sie, wir wollen selbst nachsehen."

Indem gung de Stuwendör up, un en Frugens-minsch kamm herut mit 'ne Ort von Präsentirteller un 'ne Tass' dorup in de Hand. Sei sach' in ehr Wiß' grad so ut, as de Jung, de ehr of sihr ähnlich was, un kief de Frömden sihr verwunnert an. Lütting hadd nu äwer all sinen gewöhnlichen Schick wedder funnen un frog fort un barsch:

„Wi willen den Herrn Förster spreken, wo is hei?“

De Dirn glupte sidwärts nah em hen mit en falschen, verflagenen Blick un keß denn nah ehren lütten Brauder, de sich smidig as 'ne Iltiß an de Wand henschaben hadd bet an de Rükendör un Anstalt makte, sich achter Lütting finen breiden Buckel wegtauslifen. Sei makte em heimlich en Teifen tau un säb denn glitgüllig un as wenn ehr gornicks an den Besäuf gelegen wir:

„Dor is hei in de Stum.“

Ahn wider en Wurd tau verlieren, makten sei de Dör up un gungen rin. 'T was nu all düster, äwer 'ne thranige Lamp gaww grad so vel Licht, dat sei dat Gemach un de Utrüstung dorvon seihn kunnen. Du leiwer Gott, dat wiren de nackten Wänn'n un en por lütte, blinde Finsterschiwen, de olle Zofa, Disch, en por Stäuhl wiren ut dat Offendörper Forsthus henschafft worden, mihr hadden de Ollen jo of nich gewen kunnt. Dat einzigste Hübsche was 'ne Deck up den Disch, de Auguste un Hermining för ehren Brauder stickt hadden, un dorup stunn en Schriwtüg, un en por Bäuker legen dorbi, un en por Bagen Poppir. Äwer dat seggen de Beiden gor nich, denn sei seggen blot dat Bedd, wat an de ein Wand stunn un den', de dorup lag: Hans mit en verbündelten Arm. De Anblick was tau vel för den Ollen, hei stört'te up dat Bedd los, binah eben so blaß, as de Kranke: „Hans,“ rep hei lud, „min Sähn, wat heit dit mit Di? Wo sitt de oll dämlich Kugel? O Gott loww, dat id hier bün, dat Du doch Einen heft in des' Noth!“

Hans was upfohrt un stütt'te sich mit den gesunden Arm up de Beddkant. Mit grote Ogen stierte' hei up sinen Bader, as hei äwer achter den' den ehemaligen Fründ gewohr würd, sackte hei wedder trügg, as wenn hei en Schlag fregen hadd, deckte de Hand äwer de Ogen un stöhnte vör Schimp un Grull. Dat sei em so hier finnen müßten, in so 'ne Lag' un in so 'ne Umgerung, dat was mihr, as hei dragen kunn! Äwer nu was 't gaud, dat Einer dor was, de sich tan helpen wüßt, de en gaudes Hart mit lichte, gesellige Formen verbünn un habenin för Hermining ehren Brauder duwveltes Mitgefäuhl hadd. Herr von Degen sach gor nich de armselige Stuw un de armselige Umgerung, hei marckte gor nich, dat Hans Ursak hadd, sich vör em tau schaniren, mit en Gesicht un ne Ort un Wis', as wenn gornicks Wunderbores an de ganze Sak wir, grep hei nah Hansen sine gesunde Hand, schüddelte sei un säb:

„Wir haben uns so gefreut, Ihr Herr Vater und ich, Sie zu überraschen und nun finden wir Sie krank! Wir hörten schon draußen, daß Sie ein kleines Malheur gehabt, darf ich die Wunde nicht sehen? Sieht die Kugel oder — es ist wohl ein Rehposten — noch darin? Das trifft sich doch gut, daß ich Etwas von der Sache verstehe!“

Dorbi namm hei en Besteck ut de Brusttasch, söchte en lütt Lanzett dorut hervor, bündelte dat grawe linnene Dauk von Hansen sinen Arm af un fung an, de Wund' tau unnerfäufen. Lütting hadd de Lamp in de Hand namen un stunn vör Upregung bewernd dorbi. Hans

hadd den Schuß in den Oberarm fregen, hei was äwer blot in't Fleisch gahn. En pormal tuckte hei unner de scharpe Sond' tausam, äwer dunnn bröchte de geschickte Doctor 'ne lütte Kugel taum Börschin un verbunn rasch den Arm mit dat grawe Linnen, wat hei tau Hand hadd, denn hei sach woll in, dat wat Veteres hier nich tau hebben sin würd. „Gott sei Dank!“ säd hei, „es ist nicht schlimm und wird bald heilen. Haben Sie einen Schluck Wein zur Stärkung? Etwas Wundfieber werden Sie nachher bekommen.“

Hans weiß' matt up en ollen Eckschapp, dor stunn 'ne halwe Buddel Win in. De Arzt gaww em dorvon un dunnn beföhl hei, dat hei still liggen un kein Wurd mihr reden süll.

Nu frog sich dat, wo de beiden Gäst dese Nacht campiren süllen? Herr von Degen bestunn dorup, dat de oll Förster sich up dat Hofa leggen müßt un make em ut Decken un Äwertreckers en erträglich Lager tau-recht, un hei süllben sett'te sich in en ollen Lehnstauhl bi Hansen sin Bedd. Gütting slep of wirklich in, äwer hei ded kein Dg tau. Hei kühlte Hansen sinen Arm mit Waterümsläg' un händ'te em de ganze Nacht in dat higige Feuer, wat em beföll, gaww em tau drinken un rückte em de Rissen t'recht, as en barmhertigen Samariter. Gegen Morrn würd't beter, un de Patschent slöp 'ne Tidlang, un as hei upwakte, was dat Feuer weg. Hans kühlte sich twors schachmatt, äwer hei kes doch flor ut de Dgen un kunn sich bi sinen Vater un sinen Fründ bedanken un dat ded hei ut vullen Harten.

Sei wullen äwer Beid' Nicks dorvon hören, un Lütting trampste in de Käf un beföhl de Dirn, sei süll Koffee bringen. Un so barsch sprok hei mit ehr un makte so wenig Kumpelmenten, dat dat gor nich lang wohrte, dunn stunn de Koffeekann un Tassen un Botter un Brod up den Disch, un't smecte gornich slicht. Of Hans kunn en beten geneiten, un as hei sid dormit kräftigt hadd, fungen sei denn an, em tau verklären, weswegen sei äwerall hier wiren. Äwer binah hadden sei dormit Allens wedder verdorben. Hans geröb so in Upregung äwer de Taumaubung, bi den Herzog en pater peccavi tau seggen, dat sei man fix ehr Sat wedder upgewen müßten, üm sinen Taustand nich tau verslimmern. So oft sei of in den Börmiddag nochmal bi em ankloppten, sei richt'ten Nicks ut, hei blew dorbi, dat ded hei sin Lewenlang nich. Sei wull bliwen, wo hei wir, hei verlangte nicks Beteres un hier wir't em grad recht. Sei döchte nich mihr unner Minschen, sin Arbeit hier geföll em, hei wull dat verfl . . . Gefindel utroben, wat em sin Wild wegschot un den Herzog sine Gnad brukte hei nich! — Dor was also Nicks tau maken, un de Beiden reisten bedräumt nah't Middageten wedder af, wilbat Lütting wedder nah Hus müßt! Sei leten Hans in de Pleg von dat Deinstmäten, de sei gehörig mit Instructschonen verseihn hadden, un sei hadden droht, sei würden Einen schicken, üm nahtau-seihn, wat de Förster gehörig versorgt würd.

Wo anners was't doch, as sei wedder in Offendörp inführten un vör dat truliche Forsthus höllen, wo de

fründlichen Gesichter von Fru un Döchter Willkamen beden, un in Hermining ehre Ogen so düdlich stunn, dat sei sich am meisten von all de Drei freuen ded! De beiden Reisenden säden Nicks von den Taustand, in den' sei Hans funnen hadden, sei vertellten blot, dat hei von ehren Börslag Nicks hadd weiten wullt, un dunn würd äwer de Sak nich mihr red't. Herr von Degen wull den annern Dag wedder afreisen, äwer dat leiden de dankbaren Försterlüd nich. Sei können em dat jo nich vergessen, wat hei för Hans dahn hadd, äwer hei füll doch noch einen Dag bliwen, beden sei, un nemen vörleiw mit ehr Gastfründschaft, un de Förster let en Wurd insleiten von de schöne Häuhnerjagd, denn hei glöwte woll, dat künn möglicherwif' dat Zauberwurd sin, wat em wiß hollen würd. Äwer hei, de herzogliche Liv- un Magendoktor, sek irst nah de lütte, hübsche Waldfee ehre brune Ogen, un as hei de mit 'ne stumme, äwer so'ne rechte indringliche Bäd' up sich richt't sach, un as dat leinliche Mätengesicht blaß un rod würd unner sinen Blick, dunn irst säd hei Ja, hei wull sich de Erlaubniß nemen un bliwen noch en Dag, denn de Herzog hadd em Urlaubt geben up en por Dag', un hei hadd noch Tid.

So was't denn mal wedder beslaten worden dor haben in de Region, wo de Minsch, so lang hei lewt, Nicks tau daun hett, dat Twei glücklich warden süllen un Einer darw sich dorbi äwer Nicks nich wunnern.

De oll Förster wunnerte sich twors doch, as hei den annern Dag sinen Gast söchte, üm em up de

Hühnerjagd mitzunehmen un em nich finnen kunn, bet hei nah Hermining ehren Leinlingsplatz, nah de Muschbänk gung un sach sin Döchting dor sitten, un den jungen Mann bi ehr, de sin Arm' üm ehr slungen hadd un einen Kuß nah den annern up ehre roden Lippen drückte.

„Gotts ein Dunner!“ säb de oll Mann vör sich hen, „füll ick mi so in den jungen Minschen irrt hewwen?“ Hei stunn en Ogenblick un set sich de Sat an un wull denn grad' in sinen Jagdcummandoton losbröllen, dunn würden sei em gewohr un fohrten up, Weid so rod, as Rosen in'n Summer. Herr von Degen fot sich äwer bald in Anbetracht von de grote Verantwurtung, de hei ävernamen hadd, hei tog Hermining an de Hand nah ehren Bader hen un säb mit weite, äwer faste Stimm:

„Herr Oberförster! Sie werden mir das Glück nicht weigern, das ich hier gefunden habe! Wir haben uns lieb. Sie werden mir die Hand Ihrer Tochter nicht versagen?“

Den Ollen würd dat flimmern vör de Ogen. „Is dat wahr?“ frog hei sin Döchting. Sei nickte blot. „Kamt mit!“ säb hei fort un gung vörut. Sei folgten em in de Stuw, wo de Fru Förstern mit Auguste satt. „Nun sagen Sie Ihr Begehren, Herr Doctor, hier vor der Mutter sagen Sie es, denn die hat das erste Wort mitzusprechen.“

De Frugenslüb leken verwunnert up, un Herr von Degen was twors en beten verlegen äwer dese Oet

un Wiß', gung äwer frisch mit de Spraf herut, säd, Hermining habd em all in'n Summer dat Hart stahlen, un hei künn nich ahn ehr lewen. Sei füllten em doch as Swigersöhn annemen, sei würden't nich tau bereuen hewwen. Hermining lagg de ganze Tid mit ehren Kopp wiß an sine Bost, un wat können de Öllern nu anners dauhn, as Ja seggen? Un sei deden't girn, denn de junge Mann habd ehr von Anfang an dat Hart afswunnen. So würd dat denn nu en grotes Freuen, nah all dat Swore so vel Glück, dat sei't kum faten können. Un Augusting küßte ehr Schwester mit selige Thranen un flüsterte: „Ich heww't all lang wüßt, all dunnn, un ich heww jo ümmer seggt, vör di müßt wat Aparts kamen.“

Mit einmal föll äwer den ollen Lütting wat in. „Wir haben die Rechnung gemacht,“ rep hei, „aber wir haben den Hauptfactor vergessen. Was wird der Herzog dazu sagen? Wird er Ihnen die Verbindung mit meiner Tochter gestatten?“

„Mit der Tochter seines Oberförsters?“ frög Herr von Degen.

Lütting zuckte de Achseln. „Dat is noch nich wid her! Und dann, Sie sind von Adel!“

De Doctor lachte. „Mein Adel ist auch noch nicht weit her. Der Herzog hat mich erst im vorigen Jahre geadelt, weil er mich mit seiner Gunst beehrte und wohl keinen bürgerlichen Leibarzt haben wollte.“

„Einerlei, oder vielmehr, um so schlimmer, da er Ihren Rang erst selbst geschaffen hat. Ich fürchte —“

„Lassen Sie das meine Sorge sein, lieber Papa —“
 Rütting smunzelte behaglich —“ und wenn es Sie
 beruhigen kann, so wissen Sie, ich bin nicht von hohem
 Stande. Mein Vater war vermögensloser Armenarzt.
 Der Herzog hat mich ausbilden lassen und mich zu
 meinem jetzigen Stande erhoben. Und obwohl ich ihm
 also Alles verdanke, fürchte ich doch Nichts von ihm,
 denn er will mir wohl, er hat sich an mich gewöhnt,
 und besonders in seiner augenblicklichen Stimmung
 hoffe ich keinen Widerstand bei ihm zu finden.“

Nah en por Dag' reiste de glückliche Brüjam nah
 de Residenz taurügg un let sich glit bi sine Hoheit
 mellen. De Herzog freute sich uprichtig, em tau seihn,
 hei hadd em mißt, säd hei, un hei hadd em Allerlei
 tau klagen und brukte sinen Rath. Herr von Degen
 hadd sindag nich so andächtig up de hogen Gesundheits=
 beswerden acht't, as hüt, und sindag nich so ingahende
 Börschriften gewen, as hüt, denn hei wüßt recht gaud,
 dat dat för Einen, de vel tau klagen hett, sihr an=
 genehm is, wenn em en Anner taustimmt, un dat
 Leiden womöglich noch för schlimmer hölt, as hei sülsen.
 Dorüm was hei so polit'sch un makte en sihr bedenk=
 liches Gesicht tau den hogen Herrn sine Utenanner=
 setzungen, un verschrew em dit un verschrew em dat,
 so dat de Herzog sich in'n Stillen tau sinen verständigen
 Lirarzt Glück wünschte un in 'ne sihr gaude Stimmung
 geröd. Wenn de gelihrtten Doctors man wüßten,
 wobel Gesundheit sei stiften können dörch ehre blote
 Manier!

Wenn de Arzt in de Stuw tredd, — seggt dat Sprüchwurd, is de Patschent all halw gesund, un dat gellt nich blot von de ingebillten, ne, of von de würllichen Kranken, fründliches Taureden, verständniges Ingahn helpt oft beter, as de scheußlichste Arznei. Äwer de Doctors von hüt sünd vel tau erhaben äwer „die kleinen alltäglichen Leiden des Menschengeschlechts“, un blot wo Einer in'n Starwen liggt, dor is't en „interessanter Fall,“ dor gellt dat „die Wissenschaft zu bereichern,“ villlicht „einen unsterblichen Namen“ tau ergattern. Dormit fall äwer dörchut nich seggt warden, dat dat gor keine minschenfründliche Doctors mihr giwwt, ne Gott bewohre, sei sünd man en beten vor worden. Na, Herr von Degen was hüt sihr minschenfründlich gegen den Herzog gesinnt un bröchte dat dorhen, dat de Herzog wedder sihr minschenfründlich gegen em gesinnt würd. Un as nu dat medicinische Gespräch tau Enn'n was, dunnn frog de Herzog nah dit un nah dat, un wo hei sinen Urlaub werven'nt hadd? Dunnn fot Herr von Degen sich en Hart — 't slog em doch en beten, denn hei wüßt, von desen Ogenblick hüng bet tau en gewissen Grad sine Zukunft af — un vertellte, wo hei west was. De Herzog horchte hoch up.

„In Ossendorf beim Oberförster Lütting sind Sie gewesen? Was haben Sie denn da gemacht?“

„Hoheit, — ich kann und will es nicht verbergen — es zog mich immer wieder dahin, seit ich in diesem Sommer dort gewesen war — und — ich halte es für meine Pflicht, Ew. Hoheit sofort anzuzeigen, daß ich

mich in diesen Tagen mit der jüngsten Tochter des Oberförsters Lütting verlobt habe."

"Was haben Sie gethan? Mit der Schwester jenes — jenes Burschen haben Sie sich verlobt? Unmöglich! Ohne meine Erlaubniß einzuholen?"

"Ich bitte um Verzeihung, Hoheit, kein Mann braucht die Erlaubniß eines Andern, seinem Herzen folgen zu dürfen. Ich liebe das Mädchen und sie liebt mich. Die Eltern haben ihre Einwilligung gegeben."

"Das glaube ich," säd de Fürst scharp un bitter, eine solche Parthie —"

"Hoheit, ich beschwöre Sie, keinen solchen Verdacht auszusprechen! Jeder niedrige Eigennuß liegt den Leuten fern."

"Sehr gut! Aber haben Sie daran gedacht, daß ich meine Einwilligung versagen könnte? Daß es eine Kränkung ist, die Sie mir mit diesem Bunde anthun?"

"Ich habe daran gedacht, aber ich verehere Ew. Hoheit zu sehr, um Sie einer kleinlichen Gefinnung für fähig zu halten. Was kann die Schwester dafür, was können die Eltern dafür, daß der Sohn Ew. Hoheit Gunst verschertzt hat? Hoheit!" den jungen Mann sine stimm würd weit un hei sek den Herzog mit sine truhartigen Dgen so recht indringlich an — "Ich verdanke Ihnen Alles und werde den Dank nie vergessen, so lange ich lebe! Segen Sie Ihrer Güte und Ihrem Wohlwollen die Krone des Edelmuthes auf, indem Sie mir gestatten, vier in banger Erwartung schwebende Herzen glücklich zu machen durch die Nachricht von

Erw. Hoheit gnädige Einwilligung zu unserm Liebesbunde."

De Herzog was bewegt, äwer hei sweg, 't wurmte em doch noch, dat dat grad dese Fomili sin müßt, ut de sin Linwarz stück 'ne Brud utstöcht habb. Herr von Degen wagte noch einen Anlop.

"Hoheit haben sich ja selbst mit Vergnügen des reizenden Mädchens erinnert und geruhten damals ein Bedauern auszusprechen, daß diese Blume so im fernen, tiefen Forst verblühen müsse! Und dann, Verzeihung, mein Herzog, aber sollte es nicht beglückend sein, da, wo so viel Leid geherrscht hat, auch wieder ein wenig Freude zu säen?"

"Barbleu, Doctor!" rep de Herzog un lachte, „Sie verstehen Ihre Sache: Sie hätten sollen Anwalt werden! Nun meinethwegen, ich habe Nichts dagegen. Grüßen Sie Ihre Braut und sagen Sie ihr, wenn sie das Plaidiren nicht ebenso gut verstände, wie ihr künftiger Gemahl, würde sie den Pantoffel niemals über seinem Haupte schwingen. Auf Wiedersehen, Doctor! Aber halt, versteht denn Ihre Braut Etwas von den höfischen Formen. „Sie wissen, die Herzogin —“

„Das nehme ich auf meine Verantwortung,“ rep de junge Mann mit en ganz verflortet Gesicht. „Hoheit, wie soll ich Ihnen genügend danken —“

„Schon gut, Doctor! Und hören Sie, die Aussteuer Ihrer Braut ist meine Sache! Au revoir!“

'N por Dag nah dese Unnerredung wat grote Freud in dat stille Forsthus inführt dörch en Breif

an Hermining uf de Residenz. Dor stunn in, dat ehren un ehren Schatz sin Glück Nicks in'n Weg stunn, un an de Öllern was 'n Bäd inslaten, dat de Hochtüd taum Frühjahr sin mügg, denn em würd de Tid süs tau lang, bit hei sich sine säute, wilde Rosenknupp asplücken därfot. Sei wiren All dormit inverstahn, denn för de Utstüer bruktten sei nick in Sorgen tau sin, wil dat de Herzog dusend Dahler dortauschickte un haben in sinen Doctor en Hus in de Residenz vullstännig inricht'te. So let dat nu binah wirklich so, as wenn Auguste richtig prophezeit hadd, un't wir en Märchenprinz kamen un hadd ehr Sweisting halt un sei müßten 't sich All gefallen laten.

Un as de Draussel slog, un de Bäugn ehr junges Low hadden, dunn leten de Öllern mit weinende Ogen, äwer doch glücklichen Hartens ehr Döchtling teihn, un dunn würd 't noch stiller in den Försterhus'. Sei mißten All dat fröhliche Kind un besünners för Augusting, dat brave, flitige Mäten, würd dat man recht einsam.

Kapitel 9.

'I wohte äwer nich lang, dunn kamm doch wedder ein niges, frisches Lewen in dat stille Hus. De Försterlud wiren eines Dags nah Deipendal wannert un hadden bi de junge Fru Hubern vorspraken un mit de 'ne lange Unnerhollung hadd. Un annern Dags was en Wagen kamen, un Lisebeth hadd sich mit ehr Kind

dorup sett't un was nah Ossendörp föhrt un was denn ahn den Jungen wedder nah Hus kamen. De oll Lütting mügg't girn Kinner üm sich hewwen, un 't let em kein Rauh, dat hei doch an Lisebeth in ein Ort wat gaud maken müßt, un hei hadd ehr vörslagen, em den Jungen tau gewen, hei wull em uptrecken, as hei sin eigen Kinner uptreckt hadd, un wull em 'ne gaude Erziehung gewen laten. Lisebeth hadd endlich nah langen Kampf inwilligt, sei sach in, dat dat so in vele Hinsichten beter was, un dat dat Kind bi de Försterlud villicht beter uphegt was, as bi ehr. Sei würd wat lihren un up en richtigern Weg bröcht warden, as sin Moder gahn was, un 't was ehr ok en bitter-säutes Geföhl, dat ehr Söhn dor upwassen süll, wo Hans sine Jugend verlew't hadd. Sei segnete de braven Försterlud' un funn sich in de Trennung ok üm Subers willen, de nich wüßt, wat hei ehr all Leiw's un Gauds dauhn süll.

. Suber was taum irstenmal in sinen ganzen Leven ganz taufreden, blot dat em männigmal angst was, 't mügg't bi em as Pechvogel doch villicht nich lang' duern. Sei hadd doch nu endlich mal sine Affichten dörchsett't un Lisebeth fregen. Sinentwegen funn nu Allens gahn, as 't wull, taum wenigsten in de Irst. Awer 't gung gaud, ok nahsten, denn Lisebeth bröchte de Wirthschaft in de Reih un sorgte dorför, dat dat Brodmehl nich utgung un dat de Pannkaufen nich wedder von Roggenmehl backt würden. Sei wiren so wid taufreden un einig, blot dat beunrauhigte Meister

Hubern tauwilen, dat sin Fru männigmal still un trurig was. Äwer de Möllerfru berauhigte em doräwer un fäd em, Lisebeth wir tau verstännig, üm unnütze Gedanken nahtauhängen, un wenn dat jizt villicht noch nich de Fall wir, denn würd dat doch bald de Fall sin, dat sei All dat von vördem vergeten hadd, hei süll man Geduld hewwen. De Möllerfru sülsen was heil froh, sei hadd niemalen Glück in de vörnehme Verbindung mit Hans seihn un freute sich, dat sei ehr Schwester in de Neg' hadd un äwer ehr waken kunn.

Un dat ded of nödig, denn ihr Summer un Winter en pormal wesselt hadden, fung Lisebeth an tau fränkeln, sei klagte, dat ehr de Post weh ded, un ehre Ogen fregen en eignen Glanz, de Arbeit föll ehr swor un sei würd bleik un mager dorbi. Äwer Burslud sünd nich gewennt, up so 'ne Leiken glik vel Gewicht tau leggen, un wenn de vörnehmen Damens „nervös“ sünd un up den Sofa liggen un Dag för Dag den Doctor bi sich sitten hewwen, de ehr of nich helpen kann, denn schickt en richtigen Bur irst nah den Arzt, wenn gar kein Hülp mir mäglich is. „'t is ehr oder em nich bestimmt west, länger tau lewen,“ seggt hei, un dormit tröst't hei sich. „'t Hart is noch gesund,“ fäd of Meister Huber, so drad Lisebeth man en Läpel Supp eten mügg, un schickte den Docter, de all unnerwegs was, en Baden entgegen, hei süll man tau Hus bliwen, 't ded nich mihr nödig. Lisebeth wüßt 't of nich beter, sei hadd dat bi de Buren ümmer so seihn, un sei wüßt of gor nich, wo krank sei was. Sei müßt

nebenbi of ehr Swester, Fru Steffen, ehr Leid dragen helpen, denn in de Mähl würd dat Elend ümmer gröttter. Sei was Mariken ehre Stütt west gegen ehren Mann, denn sid den Uptritt dormals, as sei em den Stoc wegreten hadd, was 't den Möller ümmer en beten unsacht in ehre Reg' west. Hei schugte un schämte sid vör ehr un trugte sid mit sine Süperlun nich recht rut, wenn sei dor was. Awer in de Lezt was 't dormit of vörbi, hei was ümmer dun, un eines Dags lagg hei in't Delirium, un kein Minsch un kein Gott funn em mihr helpen. Sin Fru un Lisebeth mit Huber stunnen bi em, en por starke Knechts kunnen em kum hollen, so raste hei in sin Bedd herüm. Vör sin Fluchen un Töwen kregen sei All dat Grugen, un Lisebeth müßt sid nah Hus bringen laten. As Allens vörbi, un de Möller dod was, kamm ehr Mann of un süchte ehr. Hei funn ehr in de Kamer up de Erd liggen in swore Krämpfen, de von des' Lid an ümmer wedder kemen un ehre Gesundheit ganz un gor unnergraven beden.

De arme Huber was up't Ni en geslagenen Mann. „Ich hab 's ja gewußt,“ süßte hei, „daß unser Herrgott man so thun that, als wenn ich 's auch mal gut haben sollte. Meinswegens will ich nun auch ein Pechvogel bleiben!“ Un hei gaww sid in'n Stillen mit desen Entschluß tufreden. Hei ded sin Arbeit, plegte sin Fru un swazte denn un wenn en Strämöl mit de Möllerfru, de sid nah de irste Truer üm ehren Mann wedder upricht't hadd vull Kraft un Lewen un dat Geschäft furt sett'te, dat 't man so 'ne Ort hadd. Troß

ehre velen Gören kamm sei in ehren Wittwenstand beter dormit tau Stann', as vördem, un kunn nu irst recht gewohr worden, wat dat för'n Unglück för'n Husstand is, wenn de Mann as Süper dat schöne Haw' un Gaud versleudert. Sei hadd nu wat äwrig för de Armen un kunn ehre franke Swester männig Gauds dauhn, un de kunn 't bruken, denn 't gung aswartz mit ehr.

Lisebeth was man noch en Schatten von dat Mäten von vördem. Sei was nu fiv Jahr verfrigt un sach, noch so jung, de Tid entgegen, wo sei adjüs seggen müßt tau de Ird un tau ehr Kind, dat ehr flitig besöcht hadd, un tau all de Annern, de ehr de Leiwsten wiren. Kein Wurd hadd sei ehrdag nich wedder von Hansen spraken, un Keiner wüßt, wat sei noch an em dacht hadd, oder nich. Durn kamm eines Summer Nahmiddags de Möllerfru, üm ehr tau besäufen, un sach all von firn 'ne Dam ut dat Hus kamen un de Richtung hentau den Weg nah Offendörp nemen. Fru Steffen blew stahn un höll de Hand vör de Ogen gegen de Sün, dat de ehr nich blennen füll.

„Wo Kufuf,“ säd sei vör sief hen, „is dat nich — mein je, wer künn dat sin, wenn sei't nich wir? Ih gewiß, dat is sei, sin Schwester, wat nu 'ne gnedig Fru worden is, de lütt Hermining, ja, de is't. Herr meines Lebens, wat nich ut'n Minschen worden kann! Du segg mi Einer noch, wat Einer dortau seggen sall! Wo fin! Wo swankt un wo swewt dat dorhen, dor sünd wi Burfrugens doch grad as dat Kindveih dor-

gegen, so pedden wie up! Na, wat de woll bi Lisebeth wullt hett?. Dor bün ick doch niglich!"

Un üm ehre Niglichkeit gerecht tau warden, sprung sei fix in de Stuw nah ehre Swester. Äwer wo verfihrte sei sich, als sei ehr sach! Lisebeth satt in en Lehnstauhl, den Meister Huber ehr maht hadd, un schön hadd utpolfstern laten, un sach so bleif ut, as de liw-
haftige Dod. Fru Steffen lep un sett'te sich bi ehr dal un fot sei in'n Arm.

„Lisebeth, Kind, wat is dat mit Di? Ach Du Herr Gott doch of man, wat is dit för'n Glend! So red doch, Lisebeth!"

De junge Fru slog langsam de Ogen up. „Du büst dat, Mariken, dat is gaud, dat Du dor büst. Wes' so gaud un bring mi tau Bedd. Ich gläuw, 't is ut mit mi.“

„Ich wat, wat red'st Du för dumm Tüg," rep de Möllerfru, funn äwer ehre Thranen nich wehren, dat sei ehr piplings äwer de Backen rönnten. „Kumm, ick bring Di in't Bedd, denn ward't beter.“

So schinte dat wirklich. Lisebeth erhalte sich, as sei tau Bedd was, un slep denn vör grote Mattigkeit in. De Möllerfru hadd ehr Niglichkeit vergeten un gung in Sorgen nah Hus, nachdem sei Hubern raupen hadd, dat de up sin Fru achten süll. Äwer en por Dag' später let Lisebeth ehr Swester seggen, sei müggd doch tau ehr kamen, un as sei hentamm, funn sei ehr up den sülbigen Platz sitten in den Lehnstauhl, un de Sünne schinte warm dörch't Finsten. Lisebeth ehre Ogen

glänzten, un up ehre Backen lagg en deipes Rod, dat 't ehr let, as wir sei nu wedder up den besten Weg, gesund tau warden. Dat gläuwte of Fru Steffen un freute sich un strakte ehr eins äwer un red'te ehr flitig tau. Äwer Lisebeth säb blot: „Kumm, Mariken, sett Di hier bi mi. Ich wull Di wat seggen. Süß, dat ich starwen möt un dät bald, dat weitst Du so gaud as ich. Dor willen wir kein Wurd nich mihr äwer verlieren. Mi is't recht, ich starw girn, äwer iim Hubern deiht 't mi leid. Ich heww en gauden Mann an em hadd, un hei hett vel Roth mit mi hadd un vel Geduld, un hett iimmer för mi sorgt un mi Allens afnamen. Ich heww't em vergullen, so gaud ich 't künnt heww un heww niemalen taurügg dacht — Du weitst, wat ich mein. Äwer vör en por Dag, grad dunn, as Du hier wirst“ — de Möllerfru nickte still mit 'n Kopp un säb: „Ich heww ehr seihn un ich dacht' mi woll, dat Si wat red't hadden.“

Lisebeth sweg en Ogenblick, iim sich uttaurauhn un denn sprok sei wider:

„Sei hett mi grad Nick's von em vertellt, äwer so bi Weglang heww ich dat rutkregen, dat dor in de Residenz dejenige noch lewen deiht, de hei dunnmals frigen süll, un dat sei nich frigt hett, wil sei keinen Annern wullt hett, un dat hei of kein Fru will, iim minentwegen nich, un iim ehrentwegen nich. Wat sin Schwester is, de hier bi mi was — sei besöchte mi ut gauden Harten — wull eigentlich Nick's vertellen un verraden, äwer ich bröchte dat doch rut, dat hei, Hans,

en unglücklichen, en sihr unglücklichen Minsch is, dat hei dor haben lewen deiht ganz för sich allein un von Keinen wat weiten will, un dat hei bi Dag un bi Nacht in de Wälder ümherhaust mang dat Gefindel, wat dor rümmerstript. Un an all dat Elend bün ick schuld, un wenn sei em mal dalscheiten, as en Hund, denn kümmt sin Bland up mi, un dat hei kein Raub un kein Glück find't, dat is of min Schuld."

„Lisebeth, wat red'st Du, wat regst Du Di up! Wo kannst Du dor schuld an sin! Dat is hei sülsen —“

„Ne, Mariken, ne, ick weit, ick bün't, ick hadd mi nich inbillen süllt, dat ick sin Fru hadd warden künn. Äwer nu, Mariken, fallst Du mi einen Gefallen dauhn. Ick kann nich rauhig starwen, ick kann in min Graww kein Raub finnen, wenn Du mi nich versprekst, dat Du mi dorin tau Willen sin willst. Wenn ick dod bün, fallst Du maken, dat de Beiden noch tausam kamen.“

De Möllerfru slog de Hänn'n tausam. „Lisebeth, Kind! Wo denkst Du hen? Wat föllt Di in? Wo künn ick dat, wo süll ick dat woll können?“

„Du kannst dat, Mariken, un Du möst dat dauhn. Süh, Du geihst nah de Residenz, nah Hermining, nah Fru von Degen, wull ick seggen, un verflorst ehr dat, dat sei üm minentwegen dorför sorgen müßt, dat de Beiden sich frigen. Un denn ward hei of en annern Forst frigen. Segg ehr, ick hadd em friwillig upgewen, trotz dem hei nich aflaten wull von mi, äwer ick hadd't tau sinen Glück dauhn wullt nn nich tau sinen Unglück.“

Sei is gaud un weit, wo sei't anfangen möt, dat sei ehren Brauder in en annern Verfat bringt. 'I mag nich ganz licht sin, denn hei was ümmer stolz un trozig, äwer't ward gahn, 't möt gahn, wenn sei man Beid' irst weiten, dat sei Ein dat Anner noch leiw hewwen un sich nich vergeten können. Bi em is dat jo of man blot, dat hei sich vör ehr schämt un sin Unrecht nich ingestahn will, wil dat em de Herzog slicht behandelt hett, äwer't schad't em all nich, Mariken, de Leiw kann't doch tau Stann'n bringen, de Leiw kann Allens! — Wenn sei't man irst weiten!"

De Möllerfru weinte sachten un küßte ehr Schwester, sei fung an, ehr tau begripen.

„Versprek mi, Mariken —“

„Ich versprek Di dat, Lisebeth, min gaudes Mäten. Ich gah hen un dauh dat, so as Du't hewwen willst, un uns' Herrgott ward denn sinen Segen dortau gewen. Un nu wes' still, Du darwst nu nich mihr reden. Du kannst Di dorup verlaten, dat ich't dauh.“

„Ich dank Di, Mariken! Un nu dauh mi noch den Gefallen un schick hen un lat mi dat Kind halen. Ich mügg't em doch gihn noch mal seihn!“ —

'N por Dag später würd Lisebeth up den lütten Dörpkirchhoff begraben un de oll Paster höll 'ne bewegliche Red. De Försterlüd wiren of dorbi, un Auguste läd de schönsten Blaumen ut ehren Goren up dat Graww un dunn namm sei den lütten Fritz 'up 'n Arm un gelawte sich, sei wull ehr ganzes Lwenlang Moderstell bi em vertreden.

Meister Huber truerte sihr, äwer so stitig hei dat Graww von sine Fru of besöchte, 't wull em nu nich mihr liben in Europa. Hei verköfste sin Hus un wannerte af un gung nah de Amerika taurügg.

„Un nu adjüs, Frau Möllerin, behüte Ihnen Gott!“ säd hei taum Affscheid. „Ich will zusehen, ob meinswegens der Pech nich abespült werden kann in dem großen Wasser von hier bis nach drüben, denn hier will es mir nich glücken. Leben Sie gesund, und ich schreibe Ihnen mal, wie es mir geht.“

Nah Jahr un Dag freg denn de Möllerfru of en Breif, dor stunn in, sei müggd em dat nich äwel nemen, hei hadd sinetwegen taun tweiten mal frigt un hadd en grot Geschäft, un wenn sei Lust hadd, em mal tau besäufen, denn süll sei man kamen, sei hadden so vel Platz, dat sei all ehr Gören mitbringen künn. Sei süll Badder stahn bi sinen ihersten Jungen. Un för dat Geld, wat in den Breif wir, süll sei Lisebeth ehr Graww mit Blaumen smücken, denn sei wir sin irste Leiw west, un „ich kann ihr meinswegens nie vergessen.“

Fru Steffen lachte un weinte un schüddelte mit 'n Kopp. Hei blew sindag en narfschen, äwer'n gauben Kirl. De Blaumen leggte sei up dat Graww.

'T was Harwst worden nah Lisebeth ehren Dod un de Winterwind hadd äwer dat Graww weicht — hei kamm von den Wildkamp heräwer — wo hei mang den Dannenforst un de kahlen Bäufen rümhauste, as en willes Ungethüm, un den einsamen Wanderer, den' kein Weber tau slimm was, den Haut von'n Kopp un

den Mantel von de Schullern ret, — un bröchte up sin Ort mihr as einen Gruß an dat stille Graww. De Beilchen un de Primeln bläuchten dorup, un 't würd wedder Summer, un Fru Steffen hung en Rosenfranz an dat hübsche Krüz, wat Meister Huber sin Fru jett't hadd. Sei stunn nahdenklich 'ne Wil still un lek vör sich hen. Dat Gewissen slog ehr, denn sei hadd ehr Verspreken an Lisebeth noch ümmer nich erfüllt! Du leinwer Gott, hadd sei 't denn all kunnt? Den ganzen Winter was Krankheit in ehren Hus' west, de Gören hadden 't Scharlach hadd un de Masern un denn den Stichhausten, sei hadd nich furtkunnt. Un denn in'n Frühjohr de Arbeit, un de Mühl verlangte of de gehörige Upmarksamkeit. Äwer nu gung dat, nu wull sei 't dauhn. Sei äwerlädt sich an Lisebeth ehr Graww de Sak. Ja, sei wull un sei müßt! Hadd ehr Schwester nich seggt, sei würd kein Raub in ehr Graww hemwen, wenn sei 't nich bed? De Möllerfru was ümmer rasch, wenn sei wirklich wat wull, un sei beslot, sei wull glit morrn — 't was jo morrn Sündag — hen nah de Stadt. Sei fihrete denn of hastig üm nah Hus, üm Allens intaurichten, denn 't gung ehr doch hellischen vel dörch den Kopp, wenn sei mal ut de Wirthschaft rut wull. Als sei de Kirchhoffsdör taumakte, gung en Mann an ehr vörbi up dat Dörp tau. Sei gung mit rasche Schritten; äwer Fru Steffen sach doch en Ogenblick dat Gesicht un glöwte dat tau kennen, obschonst vör den groten Bort kum wat dorvon tau seihn was. Äwer de grote, stattliche Figur un de Büß äwer de

Schuller — 't kunn kein Anner sin, un sei versüht seick so, dat sei binah in de Knei sackte. „Denn,“ säd sei tau seick, „den' hett Lisebeth di in den Weg schickt, wil du din Wurd nich hollen heft, üm di tau mahnen! Un wo bleif hei utsack, un wo wilb üm den Kopp, as de wille Jäger! Sei hett gewiß kein Kauh mihr up Irden. Ach Gott, hadd ick doch man all lang' min Schülligkeit dahn! Un wo hei woll henwill? Sei is jo süs noch niemalen hier dörsamen.“

De gaude Fru lep orndlich bi ehre lekten Wüird troß ehre Cumplettigkeit, de seick sid den sel'gen Möller finen Afgang bi ehr insunnen hadd, — sei hadd doch gortau girn wüßt, wo Hans — denn hei was't würcklich — henwill, äwer sei sack man noch ut de Firn, dat hei wedder up de Landstrat was nah Klatschhagen tau, un't was doch binah all Abend! Bör Upregung slep sei de ganze Nacht nich, Hans stunn ümmer bör ehr, as en Geisterpsuk, dat sei taulekt nich mihr wüßt, wat sei em würcklich seihn hadd, oder nich.

Un denn de Reis'. Bör Dau un Dag stunn sei all up, denn sei müßt tidig furt nah Klatschhagen, üm mit den Postwagen nah de Residenz tau führen, wo sei denn bi halwen Nahmiddag ankamen würd. Sei versack de Knechts un de Dirns gehörig mit Instruckchon, un de öllste Dochter gaww sei den Oberbefehl äwer de Kinnerfschar. Äwer sei hadd seick noch mihr äwerleggt, denn sei was of 'ne bedächtige Fru. „Wer wat bidden will,“ säd sei tau seick, „de sall nich mit leere Hän'n kamen,“ un sei rep de Dirn un beföhl

ehr, sei süll in den Hühnerstall gahn un säuken dat fettste, schönste Huhn ut un sniden em so drad den Hals döör un riten em de Feddern af. Un' dann halte sei sich ut de Vörrathskamer den nigen witten, Hentelform un packte dor en groten, gelen Botterkloß un en por Mandel Eier mit dat Huhn tausam rin, steg dann irst in ehren sündagschen Staat un denn in den lütten Wagen, de all vör de Dör höll, un sad adjiis. De Knecht knallte düchtig los, de Hofhund bellte fürchterlich, un de Gören deden einen Kriech nah den annern, 't was as wenn de Möllerfru up Lewen un Starwen wegführt würd, un ehr was sülsen binah so tau Maud. Von ehr Hus furt, ut Deipendal rut, un bet nah de Residenz, — de Welt kam eh up einmal so grot vör, dat ehr grugen würd, un wenn sei't Lisebeth nich so fast versproken hadd, denn wir sei ümführt!

Wi laten ehr reisen un finnen ehr irst wedder, as de Postwagen in de Residenz höllt, un sei dor rutkriippt, för Hitt un Langewil schier verkamen. As Fru Steffen up de Strat stunn, was ehr so wirblich tau Maud' von de lange Johrt, dat sei sich irst an en Hus wißhollen müßt, üm nich ümtaufallen. De negste Frag was, wo sei nu bliwen süll, denn doran hadd sei noch gor nich dacht, un sei wüßt keinen Bescheid in de Residenz. Sei hadd sich dat vel lichter vörstellt, sei hadd gor keinen Begriff hadd von de Grotorigkeit von so 'ne Stadt! Dor wiren so vele Straten, un dor gungen so vele gepuzte Minschen, de all Nick's tau dauhn

hadden, denn 't was jo Sündag, un sei trugte sich nich, ehr antaureden. Wo süll sei de finden, de sei söchte? Tauleßt fot sei sich en Hart un gung up en lüttes, nüdliches Mäten von en Johrner teihn bet elben tau.

„Min leiwes Kind,“ säd sei fründlich, „kannst Du mi nich seggen, wo Hermining wohnt ut Offendörp, de sich hierher versrigt hett?“

Dat Gör fef ehr verdukt in't Gesicht, lachte denn hell up un lep furt un vertellte lud lachend den Spaß an annere lütte Mätens. Fru Steffen blew ebenso verdukt stahn un argerlich dortau. Wat hadd dat dumme Gör tau lachen? Kunn sei nich 'ne richtige Antwort geben, wenn sei orndlich fragt würd? Süll dat hier am Enn'n weck gewen, de Hermining nich kennen deden? De Fru sach in, dat dat so nich gahn würd, wenn sei man 'ne Harbarg wüßt hadd, dor kunn sei denn woll Erkunnigungen inteihn! dor kam ein smuckes Deinstmäten de Strat entlang, dat kunn de Möllerfru beter passen. Sei fohrte up dat Mäten los un rep all von Widen:

„Min Döchting, wiß' mi doch nah en Kraug hen, ick weit hier nich recht Bescheid.“

De Jungfer blew stahn un fef de Burfru von haben bet unnen an, so recht äwerlegen, un säd spiz:

„'N Kraug? Meinen Sie vielleicht n'en Wasserfrug? Denn gehen Sie nur da in den Laden, da können Sie einen kaufen. Ha ha ha!“ Un firing gung dat snippische Ding wider, ahn sich ümtaufen. Dat was denn de gaude Fru doch tau arg.

„Holl Di jo nich up!“ rep sei falsch. „So 'n dämliches Wanst! Wenn de Deinstbirns so hier sünd, denn dank ic dorför. De arme, lütte Hermining! Dat is dat Worm of nich gewennt! Wier wat fäng ic nu an? Ih, dit is denn doch! Ic finn dor gornich hen un trug' mi Keinen mihr tau fragen.“

Indem so kamm en wat öllerhaften Herr de Strat entlang, mit en glattes, fründliches Gesicht un grise Hor. Hei tek sick nah alle Siden munter üm un grüßte äwerall hen un sach Allens, wat dor passiren bed. Hei sach of uns' Möllerfru in ehre Verlegenheit stahn, un wil hei vel Erfahrungen hadd, rimte hei sick ehre Lag glif tausam, un de Spaß blänferte em ut de runnen Ogen. Affsichtlich gung hei en beten langsamer an ehr vörbi un tek ehr nipp an. Fru Steffen was in ehre Jugend sihr hübsch west un was noch ümmer 'ne hübsche Fru. Sei hadd en regelmäsig Gesicht un 'ne fine, witte Hut, de von kein Arbeit in Pitt un Küll brünt worden was. De Angst un de Temperatur hadd ehr de Backen hüt rosenrod farwt, un sei sach teihn Johr jünger ut, as sei was. As sei nu den fründlichen Herrn gewohr würd', wo hei ehr so upmerksam anek, schot ehr dat dörch den Sinn, de würd't ehr seggen, un sei fot sick en Hart un fung an:

„Ach Herr!“ säb sei un makte en lütten Knick, „nehmen S' nich äwel, dat ic mi an Sei wennen dauh —“

„Na, Sei säufen woll hier Jemand?“ kamm ehr de Herr tau Hülp, denn hei sprok of plattbütsch.

„Ach ja, Herr, Sei weiten dat glick! Nu seh ic doch, dat ic an den Richtigen kamen bin! Ja, ic säuf Jemand un ic bin frömd hier, un Sei können mi gewiß Utkunft gewen. Un nehmen 'S of nich äwel, dat ic so fri bin —“

„Th bewohre!“ föll de Spaßvogel in, „wer kann woll so 'ne hübsche, junge Fru wat äwel nemen? Na, wen säufen Sei denn?“

„Dat's woll man Sei Ehr Spaß, Herr! Äwer wen ic säufen dauh? Ja, seihn S', ic heww man den Namen vergeten! Hermining heit sei un frigt hett sei hierher, dat weit ic, äwer den Namen weit ic nich.“

De olle Herr lād den Finger an de Näs' un makte en sihr pfiffiges Gesicht. Ut de Ogen blänkerte em de Schelm un Ein' kunn seihn, dat em de Sak ungeheuern Spaß makte.

„Dat is slimm,“ säd hei bedenklich, „dat is sihr slimm, denn werden wi ehr of nich finnen.“

„Dat segg ic jo man,“ jamerte Fru Steffen, „de ollen dämlichen Namens! Ic heww ehr meindag nich beholden kunn.“

„Na,“ säd de Herr, den' dat Mitleid ankem, „vertellen Sei mi doch Allens, wat Sei dorvon weiten. Möglich is 't dennoch —“

„Ja, kiken 'S, Herr,“ föll sei em iwig in't Wurd, „ic bin jo de Möllerfru ut Deipendal, un wat sei is, de ic meinen dauh, is jo den Oberförster in Ossendörp sin Dochter. De Herzog is jo dor mal taum Besant west, un dunn was dor en jungen Minschen bi, de

hett sich jo dunn glitsen in ehr verschaten un hett sich 'i nahsten halt, 't sünd nu all äwer siw Johr —"

„Ah!“ makte de olle Herr, denn em gung en Licht up, de Geschicht was em dörchut nich frömd. „Un de junge Fru willen Sei besäufen?“

„Ja, Herr, — wo heiten Sei eigentlich? — de will ick besäufen.“

„Wo ick heit? Dat deiht Nicks tau de Sak. Äwer heit de Dam, de Sei meinen, nich Fru von Degen? Un is ehr Mann nich Linwarzt bi den Herzog?“

„Ja, ja,“ rep Fru Steffen hog erfreut, „so is't! Ich heww't doch glick wüßt, dat ick bi Sei an den Nichtigen kem! Un nu wesen 'S of jo gaud un wisen 'S mi dat Hus.“

„Ja, min gaude Fru, dat will ick dauhn. Äwer holt, stahn 'S man noch en Ogenblick still. Kiken 'S dor, seihn Sei den Wagen, de dorher kümmt? Dat 's de Fru Herzogin, de fñhrt spazieren. Un nu kiken 'S fix tau, wo de Damens up de Strat ehr Kumpelment maken, un maken 'S dat of jo, wenn sei vörbi fñhrt. Fix, taurigg up dat Trittowohr!“

Fru Steffen verfihrte sich nich slicht äwer dese Red'. 'N Kumpelment maken vör de Fru Herzogin? Sei sach fix nah de Damens hen, sei bückten sich All nah hinnewarts un so deip, as wenn sei wat von de Erb upnemen wullen. Dat kunn sei nich, dor wir sei tau stiw tau! Äwer nu tog de oll Herr ehr taurügg, denn de Eklepasch was all dor, un sei sprung so hastig up de Trittowohr rup, dat sei ehren schönen, bunten

Lüffel verlur, un maakte ehren Knicks, un de was so gaud meint, dat sei de ganze Wand von dat Hus, vör dat sei stunnen, up ehren sündagschen Rock taum Andenken mittreg. De öllerhafte Herr hadd man knapp sinen Deiner irnsthaft farig fregen, duun bröf äwer bi em de Luft ut, un he lachte ut vullen Hals', dat de Lüüd stahn blewen. De Möllerfru äwer was so verbistert dörch all de Erfohrungen, de sei hüt maakte, dat sei kein Wurd mihr säd un stumm den ollen Herrn folgte, de ehr gaudmäudig dörch en por Straten führte, bet sei an dat Enn'n von de Stadt kemen, wo up de ein Sid dat Palais was, un nich wid dorvon en hübsches Hus mit en por grote Kastanienböm dorför, tens dat 'ne schöne, schattige Allee henlep. Wör dit Hus blew hei stahn un säd:

„So, mine gaude Fru, dor sünd wi. Hier gahn 'S man rin un fragen 'S nah Fru von Degen un seggen 'S man, ick let ehr grüßen, denn ick bün en Fründ von ehr. Un nu abjüs, un vergeten 'S nich wedder den Namen, wenn Sei in de Residenz wat tau dauhn hewwen.“

Sei nickte ehr fründlich tau un wull gahn, äwer de Möllerfru, de sück wildeß wedder verhalt hadd, streckte em de Hand hen, un schüddelte sei düchtig un säd:

„Belen Dank of, Herr, un wenn sei mal nah Deipendal kamen, denn besäufen 'S mi of, Sei weiten jo, in de Wähl, un vergeten 'S 't of nich!“

„Ne, ne, ick kam!“ Un lachend gung hei weg.

Wilhem Fru Steffen sück dat Hus von buten bekifft

un siß Maud insprekt tau ehr Borchewwen, können wi uns jo mal dat Juwennige beseihn un utkundschaffen, wat de Gelegenheit för de olle iherliche Seel woll günstig is. 'T ward Keinen leid sin, in de beiden hübschen Stuwen in't Parterre rechts rintautreden, denn de wiren so inricht't, dat sei Jeden gefallen müßten. 'T was vörnehm un behaglich tauglik. De Nahmiddags-sünn spelte up de rodplüschnen Sofas un Borhäng' un Sessels, un up de gräunen Bläderplanten, un dat gaww so'n warmen Schin, dat dat utsach, as seten de beiden hübschen Frugenslüd, de in de Stuw wiren, in rod un gräunes bengalisches Füer. De Ein dorvön makte 'ne fine Handarbeit, un de Anner habbd den zierlichen Kopp mit dicke, blonde Flechten an den Sessel leggt un set mit de blagen Dgen, as in 'n Drom, döör dat Finsten rut. Sei hadden siß flitig wat vertellt, denn dorför wiren sei Frugenslüd, un nu swegen sei un bedachten siß äwer wat Nigs, wat sei villicht noch wüßten. De Ein dorvön was unß' oll Fründin Hermining, un 't let ehr noch grad so, as vördem, so frisch un so nüdlich un kindlich, as wir sei niemalen ut den lustigen Wald herutkamen, un dat was dat beste Zeiken för ehren glücklichen Ehtand. Sei läd de Hänn'n nu of in den Schot un säd tau ehre Gesellschasterin:

„Wie heiß es hier ist und wie bekloffen! Oder ob das an mir liegt? Ich fühle mich so bedrückt, als ob mir etwas Unangenehmes bevorstände. Wenn es nur keine schlimmen Ahnungen sind!“

„Ahnungen?“ antwort’te de Anner, „wo solltest Du Waldkind Ahnungen herbekommen! Aber Du hast ganz Recht, es ist drückend warm hier, wir sollten einen Spaziergang machen.“

„Draußen ist es noch heißer. Nein, nein, Du kannst es glauben, es ist ein Vorgefühl. Ich habe so lange Nichts von den Meinigen gehört, und die Sorge um meinen Bruder —“

Sei brot af un säd Nick’s mihr, denn sei dürrwt dorvon nich reden. Hermining wüßt lang, dat ehr Fründin Agnes Wallberg dejenige was, de sei mal as Hansen sin Brud tau seihn hofft hadd, un sei häud’te sick ängstlich, niemalen wat tau seggen, wat ehr weh dauhn funn. Sei hadd so girn mal nahsäuhlt, wo dat woll bi Agnes stunn — dat Hans ehr nich vergeten funn, dat wüßt sei — äwer sei wagte dat nich, un Agnes hadd noch nich nah em fragt. De Tid, as sei Hans kennt hadd, schinte utlösch’t tau sin för ehr, un blot, dat sei nich frigt hadd, obchonst sei gaude Andräg hatt hadd, un mihr as Ein sick irnstlich in ehr verleiw’t hadd, düd’te dorup hen, dat sei of wat in’n Harten drog, wat sei nich vergeten funn. Agnes schinte denn of de lekten Wörd nich hört tau hewwen un säd ganz lifmändig:

„Ich habe immer die Erfahrung gemacht, daß es unsern Lieben, die fern von uns waren, gut ging, so lange wir nichts von ihnen hörten. Verlaß Dich darauf, Hermine, sobald ihnen Etwas zugestoßen, läßt die Unglücksbotschaft nicht auf sich warten.“

„Ja, ja, Du magst Recht haben! Aber dennoch! Die Entfernung, die schwierige Communication — nein, nein, ich möchte behaupten, daß mir Etwas bevorsteht! Wo nur Hans so lange bleibt!“

Ditmal meinte sei ehren Mann, un as nu de Dör up gung, glöwte sei all, hei wir't, ehr taum Trost. Awer hei was't nich, 't was de Deiner, de kamm, üm de gnedige Fru tau mellen, dat 'ne Fru dor wir, von Lann'n, ne Burfru, de sich nich wull afweisen laten, un dorup bestunn, de gnedige Fru sülsen tau spreken.

Hermining sprung up un fot sich nah den Garten.

„Siehst Du, Agnes, daß ich Recht hatte! Die kommt gewiß von Ossendorf und bringt mir schlechte Nachrichten. Geschwind, Friedrich, führen Sie sie herein! O, wie mich die Angst quält, Agnes!“

„Sei doch ruhig! Da ist die Frau. Ich gehe so lange ins Nebenzimmer. Muth, Liebe!“

Agnes verschwunn un tog de Portiäre achter sich tau, un dor stunn Fru Steffen in de Dör un makte en Knick, de vel beter utföll, as de up de Strat. Hermining stört'te up ehr los.

„Wo kommen Sie her? Was bringen Sie mir? — Aber mein Gott — wer sind Sie? Ich müßte Sie doch kennen?“

„Ich woll, Mamselling — gnedig Fru, wull ich seggen — wat warden Sei mi nich kennen! Ich bün 't jo sülsen, un wi hewwen uns vör Johren oft naug seihn, wenn Sei von Ossendörp kemen un bi de Mähl vörbi spazieren gungen. Sei kennen mi, ich bün

jo de Möllerfru, un — un — de Schwester von — von —“

Dör Hermining dagte dat, ja sei kenne de Fru, de ehr as Kind männigmal en Appel oder 'ne Beer schenkt hadd. Äwer sei wir immer noch in ehren Wahn befangen.

„Was bringen Sie mir für Nachrichten? Wie geht es meinen Eltern, meiner Schwester? —“

„So vel ick weit, geiht't ehr noch gaud, seihn heww ick 'i nich, äwer ick heww of nicks Slimmes von ehr hört.“

Hermining athente up un dreihete sich halb af, dat de Fru nich seihn sull, wo upgeregt sei was. Sei hadd ehr bether noch stahn laten, äwer so hadd Fru Steffen dat nich meint. Wenn ne Burfru sich in ehren besten Staat steckt un en Korb voll Präsenters mitbringt, denn will sei of estimirt sin, as Besäuf, un will nich an de Dör stahn bliwen. Fru Steffen namm dat nu wider nich äwel, dat sei noch nich dalnödigt was, äwer sei namm sich, wat ehr von Gott- un Rechtswegen taukam, d. h. sei sett'te sich baff up einen von de schönen Blüschsessels un stellte den Korb bi sich hen up den weißen Teppich. Hermining funn dat as Dörpfind of ganz in de Ordnung, un wil ehr dat Hart nu lichter was, sett'te sei sich bi de Fru un mull sich en beten wat mit ehr vertellen. Dat geföll de brave Fru denn nu hellschen, un sei däute orndlich up.

„Sei sünd doch immer noch de lütte, gaude Dirn von vördem,“ säd sei un strifelte zärtlich Hermining

ehre lütten, witten Hänn'n, „un wat ick seggen wull, ick heww't jo immer seggt, stolz ward sei nich warden, heww ick seggt, dor is sei vel tau gaud tau. Un seihn 'S, gnedig Fru, dorüm heww ick of den Maub, dat ick tau Sei kam mit min Gewarw. Bi 'ne Anner ded ick 't nich.“

„Hewwen Sei denn en Gewarw bi mi,“ frog Hermining, „kann ick Sei mit wat deinen?“

„Ja, dat können Sei, un seihn 'S, ick heww't jo min Schwester verspraken, un sei säd jo, sei künn nich ruhig starwen, wenn ick 't nich ded.“

Hermining horkte up. „Ja, 't is wohr, Ehr Schwester is dod.“

„Ja, dat is sei, all binah en Johr is sei dod. Un dunn säd sei tau mi, Mariken, säd sei, wenn Du mi dat nich verspreken deihst, denn finn ick kein Raub in min Graww. Un dunn heww ick't ehr verspraken.“

Fru Steffen grep nah ehren Hentelform, besunn sick äwer un let em för ditmal noch stahn. Sei kof äwer Hermining so beweglich an, as wenn sei ehr fragen wull: „Ahnt di dat gor nich, wat ick di Allens mitbröcht heww?“

Äwer Hermining dacht an ganz annere Saken un frog ängstlich: „Was haben Sie Ihrer Schwester versprochen?“

„Ja, seihn 'S, gnedig Fru, dat is so 'ne Sak, dat ick dorvon reden sall, ick kann min Würd nich so fin t'recht setten, as Sei dat können, ick bün man 'ne Burfru un red, as mi de Snabel wuffen is. Na, Sei

weiten doch von dunnmals her, un wo dat Allens taugung, dat min Swester em nich freg, id mein Sei Ehren Brauder, wenn Sei 't nich äwel nemen."

"Mein Bruder," rep Hermining mit heite Backen, „hatte, so viel ich weiß, die ehrliche Absicht, Ihre Schwester zu heirathen, aber sie hat ihn abgewiesen und ist auf alle seine Vorschläge nicht eingegangen."

"Dat 's ganz richtig, dat hett sei dahn. Äwer dat was nich, dat sei sich Nicks ut em maken ded, ne cunträr, gnedig Fru, grad wil sei so vel von em höll, hett sei em nich namen. Sei wull sin Unglück nich sin, sei wull em nich in'n Weg' stahn, bi unsen allergnedigsten Landsherrn nich un noch bi wen Anners nich, Sei werden woll weiten, wo id dat mein, un dorüm namm sei dunn den Discher, un dor was of kein Segen bi, denn sei würd krank un müßt starwen un was doch noch so jung."

Fru Steffen drögte sich de Dgen mit ehren Schörtenzippel un fohrte denn furt:

"Un von Sei sülsen hett sei't jo hört, oder taum wenigsten doch markt, wo de Saken stunnen, un hett sich dat denn Allens so tausam rimelt un hett sich dat noch vör ehren Dod uttüstelt, wo dat werden süll, un mi hett sei dormit beupdragt. Denn sei hett dat rutfäuhlt, gnedig Fru, dunnmals as Sei ehr besöcht hadden — id sach Sei noch, as Sei furtungen un funn nahsten min Swester in'ne halwe Ahnmacht in ehren Stauhl, un sei hadd de Krämpfen so, de arme Dirn, äwer ehr Mann was so'n gauden Mann tau ehr, un hei is nu

nah Amerika — äwer wat ick seggen wull, sei hadd dat rutfühlt, dat de Herr Förster up den Wildkamp dat Fräulein, wat hei nah den gnedigsten Herzog sinen Willen hadd frigen süllt, noch ümmer leiwte, un dat dat Fräulein em leiw hadd, dat namm sei för gewiß an. Denn sei säd, „dat weit ick an mi sülsen,“ säd sei, „wer einmal wat Leiw hadd hett, wat wirklich Leiw, dat vergett hei sin Lewenlang nich! Un ick heww dat twors nich upfamen laten, siddem ick verfrigt bün, äwer gaud bün ick em ümmer bleswen, un dorüm weit ick dat, dat sei dat of is, denn de Leiw, de bliwwt sich glit, wat dor of mang kuumt.“ Hermining horchte mit wid apne Ogen up dese Rede, hadd sei de Sak all von dese Sid anseihn? Ehr gung en ganz niges Licht äwer dat Burmäten up, wat ehr un ehre Fomili mal eins so vel Kummer maht hadd. Sei sach of mitsammt ehren Besäuf nich, dat de Bөрhäng’ von de anner Stuw sich all lang’ bewegt hadden, un dat för einen Ogenblik en bleikes Gesicht dordörch kek un de Fru mit grote, heite Ogen ankek, un dat denn de Portiöre sachten wedder tauföll. Fru Steffen redt’e wider:

„Un denn säd sei, Mariken, säd sei, süh, ick heww em entseggt, dat hei glücklich warden süll, mit mi kunn hei’t nich, äwer ahn mi, dacht ick, würd dat gahn. De Herzog, dacht ick, würd em denn ’ne annere Städ gewen, wo hei nich ümmer in Lewensgefohr is, un hei würd denn sinen Schaz frigen, un Allens wir gaud. Äwer so is’t jo nich kamen, hei sitt noch ümmer up dat slichte Flagg un sleiht sich mit Räutwers un Mürders

rüm, un sei vergrämt ehr Lewen of, id weit dat jo, as wenn't mi Einer seggen deiht. Sei'n Sei, gnedig Fru, so was sei, sei hadd ehre ganz eignen Gedanken. Un dunn beföhl sei mi dat an, dat id nah Sei hengahn süll un süll Sei dat verfloren. Un Sei weiten jo mit allen Deilen Bescheid un sünd hier, wo dat Fräulein of is, un Sei werden dat maken können un richten dat in, dat sei sich frigen."

Hermining sek de Fru noch ümmer an, äwer de Thranen lepen ehr äwer dat Gesicht, un de Hänn'n hadd sei vör sich in den Schot in'nanner folgt.

"Wi hewwen All Lisebeth gor nich kennt," säd sei mit lise Stimm.

"Ne, dat glöw id of, id heww s' jo sülsen nich kennt, sei was ein eigen Mäten. Un ehr grötste Kummer was, dat sei säd, sei wir an dat ganze Unglück von den Herrn Förster schuld, un dat künn sei nich erdragen, dat let ehr kein Rauh nah ehren Dod. Un dorüm waren Sei't dauhn, nich wohr, Sei werden dat dauhn?"

"Groter Gott," rep Hermining, denn sei dachte gor nich mihr an ehre Fründin in de Newenstuw, un dat de doch Allens hören kunnt, „wo sall id dat anfängen?"

"Ja, fiken 'S, gnedig Fru, dat möten Sei weiten, id heww nu dat Minig dahn bi de Sat," un sei grep wedder nah den Korm, let em äwer nochmal stahn. Sei wüßt gor nich, sei hadd doch all ihrer wen wat mitbröcht, hüt kunnt sei 't gor nich paßlich anbringen!

"Un noch Ein't," säd sei nah 'ne Will, „hett sei

mi up de Seel bunnen, ick süll ehr verspreken, den Jungen tau mi tau nemen un mit min Rinner grot tau trecken, denn sei glöwte, hei künn möglicherwis' 'n Hinderniß sin, un dat will ick dauhn! Wat Sei Ehr Öllern sünd, herwen em jo annamen, un dat is brav von ehr, äwer beter is beter, un dat Beste is, hei is ganz ut den Weg', dor hett sei recht in, Ehr Brauder möt ganz fri sin."

Dat Försterkind hadd von Jugend up vel einfachen Minschenverstand, vel gauden Willen un ungesöchten Eddelmaud in ehr Öllernhus kennen lihrt, äwer wat ehr hier dorvon entgegen bröcht würd mit sammt de ganze Leiw von dat uneigennüchige Hart, wat up den lütten Kirchhof in Deipendal slep, dat namm ehr de Sprak, un sei vergatt alle Verhältnissen un fot de Möllerfru ahn Umstänn'n rund üm un weinte un küßte sei un säd, sei wull dauhn, wat sei künn, un Lisebeth wir dat beste Mäten west, un kein beter Fru künn Hans findag nich krigen. De Möllerfru strahlte un wischte sich de Ogen un säd:

„Dat herwo ick of seggt, un wat helpt all de Rikdaum un de hoge Rang, wenn de Leiw fehlt? Un Lisebeth wir för em dörch't Füer gahn! Un nu, gnedig Fru, nu nemen 'S mi dat of nich äwel" — un ditmal namm sei wirklich den Rorw tau Hand — „Sei sünd jo doch von'n Lann'n, un von'n Lann'n smeckt dat ümmer beter, un dorüm herwo ick Sie en beten wat mitbröcht" — sei böhrte den Deckel af un bröchte den Botterfloß taum Börschin un set sich nah wat üm, wo

sei em up leggen kunn. Dor stunn 'ne schöne albafterne Schal' up den Disch — „süh,“ säd sei, „dat künn mi passen,“ un lād den Botterfloß in de Schal', „dat's grad, as wenn't dorför hensett't wir. So 'ne schöne Botterschötteln hewwen wi twors tau Hus nich. Na, hier ward dat woll Allens beter fin.“ Un nu kemen de Eier. Dor stunn en zierlichen Korm von Eid' un Sammt up den Disch, dor paßten de Eier grad rin, un dat Huhn lād sei baff up de Dischdeck.

„Ich heww den Kopp mit Poppir taubunnen,“ tröst't sei Hermining, „t giwot kein Blandfleck. Un nu vertehren 'S 't mit Gesundheit un vergeten 'S mi nich, gnedig Fru, un denken 'S of an Ehr Verspreken iim Lisebeth ehrentwegen, ich heww min nu von de Seel. Un adjüs of, un grüßen 'S mi Ehren Mann velmal, un ich möt nu furt, dat ich mi 'ne Harbarg uppsprek, denn ich weit hier nich Bescheid.“

Dat led' nu ärwer Hermining nich, dat sei so furtgung, sei gaww ehr den Deiner mit, de sei in de Stadt rümführen müßt, un Abends müßt sei verspreken, wedder tau kamen, sei süll en gaud Abendbrod hewwen un en Bedd, un morgen früh süll sei tau rechter Tid up de Post bröcht worden, dat sei wedder nah Hus sein. So geschach dat denn of, un Fru Steffen führte glücklich un sihr taufreden mit den Utsfall von ehre Wilschon nah Offendörp taurügg un wüßt nich naug tau vertellen un tau rühmen, wo sei upnahmen worden was von de gnedig Fru: „as 'ne Dam,“ säd sei, „un as wenn sei minsglifen wir.“

Kapitel 10.

Hermining hadd nah Fru Steffen ehren Weggang ganz vergeten, dat Agnes of noch dor was, so müßt sei nahsinnen äwer de Fru ehre eigenorige Manier. Sei was immer halv Weinen, halv Lachen, un wenn sei an Lisebeth dacht, denn lepen ehr de Thranen äwer de Backen, un wenn sei den Botterkloß in de albafterne Schäl' ansach, denn müßt sei hell uplachen. Wat was't doch för'n leiwes, narsches, för'n gaudes, wunderliches Volk, dat Volk von'n Lann'n, mang dat sei upwuffen was! Was sei nich grad so west, as Mäten, hürte sei nich dortau? Ehr föllen de witten Gardinen up de lütt Gämelftun, un dat Kleid, wat sei dorvon fregen un wat gor kein Façon hatt hadd, in, un ehre Anred an den Herzog, un sei würd en beten rod un hägte sich doch doräwer, un denn föll ehr wedder Hans in, de arme Jung', un sei süßte deip up. Dat Heimweh kamm äwer ehr, dat wehmäudige, säute Gefühl, wat alle annern verdrängt, un dortau hürte sei de Würd wedder, de Lisebeth von Hans seggt hadd, dat hei immer in Lewensgeföhr wir! Groter Gott, was dat denn so schlimm? De Angst wull hüt nich von ehr weiken, un dorbi föll ehr endlich Agnes wedder in. Sei verfihrte sich äwer ehre Unupmerksamkeit un stört'te in de Newenstun — Agnes was furt!

Agnes was all lang gahn, denn mit dat, wat sei hürt un in sich upnamen hadd, kunn sei keinen Minschen hüt mihr begegnen. Hans dacht noch an ehr! Hans

leiwte ehr noch! Un wagte blot nich, ehr nah tau kamen!
 Un sei! Sei hadd sich versihrt, dat sei ehr Hart fest-
 hollen müßt, as sei de einfachen Würd von dat ein-
 fache Mäten hürte: dat sei, Agnes, em noch leiwten
 ded, dat wir de flore Gewißheit, denn de Leiw bliwot,
 wenn of allens Annere wantt! Woher wüßt sei dat,
 dat Dörpmäten, de ehrdag Nicks von Leiw, von so 'ne
 Leiw leßt oder hürt oder erföhren hadd, wenn nich ut
 eignen deipsten Harten herut, woher wüßt sei 't, dat dat
 bi ehr ebenso utfach, wenn dat nich 'ne einfache Wohr-
 heit was, dat de Leiw äwerall de sülbige is in Frugens-
 harten, glifvel, ob dat 'ne Stadtdam, oder en Bur-
 dirn is? Agnes was so ävernamen von dat, wat de
 grade, ihrliche Möllerfru vör ehre Fründin utframte,
 dat sei 't nich mihr uthöll in de Stuw, sei slet sich sachten
 furt, sei müßt allein sin mit ehren Harten. Unbemarkt
 kamm sei an de Husbör un gung rasch de Steintrepp
 run, dunn gung Jemand bi ehr vörbi. Sei fet ehr an,
 sei fet em an, 'ne Sekunn'n blewen sei stahn, dunn
 tog hei deip sinen Jägerhaut un gung wider, un sei
 höll sich an dat Gelänner fast, denn ehr swindelste dat.
 'T was man 'ne Sekunn'n west, äwer sei hadden Beid
 leßt, Ein in den Annern sinen Blick, un Beiden slog
 dat Hart so lud, so heit — was dat Hoffnung, wat
 sich dor rögen wull? Was dat nich de Leiw, de sei
 Beid nich vergeten kunnen?

Wat Hans in de Stadt wull, doräwer brot Agnes
 sich hüt of vergebens den Kopp entwei, äwer en Annern
 was dor, de 't all wüßt, un dat was Herr von Degen.

Hei kamm grad nah Huß, as Hermining nah Agnes söchte, un de lütte Fru sohrte up em los un föll em so upgeregt üm den Hals, dat hei sich verfihrte un bi sich dachte: Süll sei 't all weiten? Äwer Hermining let em kein Tid. Unner Lachen un Weinen vertellte sei em von ehren Besäuf, un wat sei tau hören fregen hadd, un wiste em de Möllerfru ehre Bescheerung up den Disch, un de Doctor, de mit en irnst Gesicht kamen was, müßte doch of den Mund verteihn, as hei den Upbu sach. Hei hürte äwer man halw up sine Fru ehren Bericht un säd woll aff un an en por Wüird dortau, äwer recht bi de Sak was hei nich. As sei farig was, gaww hei ehr en Kuß un säd, dat würd sich Allens finnen, un dat würd woll all noch gaud gahn, äwer vörlöpig hadd hei annere Nachrichten.

„Verfihr Di nich, min Lütt,“ säd hei un strafte ehr zärtlich äwer de heiten Backen un sproß tau Be-
rauhigung plattbütsch mit ehr, — „verfihr Di nich, 't hett Nicks up sich, äwer id wull man blot morgen nah Offenbörp reisen.“

„Wat is passirt?“ rep Hermining un föll in ehre Angst taurigg.

„Nicks, nicks, min Kind. Äwer id möt Di dat doch seggen, Hans is hier west.“

Hermining fet ehren Mann ganz unbegriplich an.
„Hier, hier in de Stadt?“

„Ja.“

„Aber was hat er denn hier gewollt? Und ist nicht einmal bei uns gewesen! O Hans!“

„Das wundert Dich doch nicht?“ frog ehr Hans un tog sei tau siß dal un namm sei so recht tröstlich in den Arm. „Sieh, Du weißt ja, daß er Niemanden besucht, daß er menschen-scheu ist! Wir konnten es von ihm gar nicht erwarten. Und was er gewollt hat? Er hat viel Mühe gehabt, seinen Zweck zu erreichen, weil es Sonntag ist. Du mußt nämlich wissen“ — Herr von Degen wir girn noch en beten länger üm den Bri riim gahn, äwer Hermining ehre Dgen kelen em so grot un fragend an, dat hei mit de Sprak man rut müßt, — „Du mußt wissen, er ist bei der Regierung vorstellig geworden, daß sie ihm Hülfe schicken gegen die Wilddiebe in seinem Forst. Und das war eben heut sehr schwierig, weil die Regierung auch ihren Sonntag haben will. Aber er hat es durchgesetzt, daß ein Detachement Soldaten hingesandt werden soll, weil nach seinem Bericht die Bande sich förmlich organisirt und für morgen Abend einen Streifzug in die Wälder geplant hat, der für sie jedenfalls sehr ergiebig ausfallen wird, wenn sie nicht gestört werden. Der Bestand des Wildes soll bereits sehr reducirt sein durch die frechen Räuber, und damit nicht genug, sie stehlen große Bäume und beschädigen die jungen Stämme, und Du kannst Dir denken, wie sehr dies Alles unsern Hans empört.“

„Sie hassen ihn und werden ihn noch ermorden!“ schluchzte Hermining.

„Sachte, Kind, so schnell geht das nicht! Mir scheint es, als ob bald Deines Bruders Weizen blühen

würde, so günstig liegen die Chancen für ihn. Der Herzog schäumt vor Zorn über die Wald- und Wildfrevler, und wenn es Hans gelingt, dieselben zu fangen, so hat er einen so wichtigen Dienst geleistet, daß die Belohnung nicht ausbleiben kann. Wenn Hans sich entschließen könnte, sich dem hohen Herrn mit ein wenig Unterwerfung zu nähern, ein paar gute Worte zu geben —

„Ach, lieber, guter Mann, könnten wir das nicht für ihn thun? Der Herzog hält was auf Dich und mich — nun, mich hat er doch auch schon freundlich angesehen!“

„Nein, liebes Kind —“ de Doctor bögte sich freundlich, äwer irnst tau sine lütte Fru un strakte ehr sachten äwer de Hor — „der Herzog hat für Hans so viel persönliches Wohlwollen gehabt und hat es, ich bin davon überzeugt, noch, daß er unsere Intervention übel empfinden würde. Das muß Hans selbst thun! Und nun laß uns einmal von meiner Reise sprechen. Im Vertrauen, ich weiß ja, daß mein Frauchen schweigen kann, der Herzog will incognito selbst mit und der Sache beiwohnen, die ihn heftig erregt. Am liebsten brennte er den Frevlern selbst eins auf den Pelz.“

„Ach, Hans, wenn nur kein Unglück geschieht! Daß Du nur Dich nicht der Gefahr aussetzest! O, ich werde mich todt um Euch ängstigen!“

„Thorheit, Kind! Dein Bruder hat den Coup so vortrefflich vorbereitet und wird ihn ebenso vortrefflich ausführen, daß kein Grund zur Angst da ist.“

Sei red'ten nu noch äwer de Sack hen un her un Hermining müßt sich endlich doröwer taufreden gewen, dat ehr Mann dorbi blew, hei wull den annern Dag mit nah den Wildkamp. Sei führte denn of det Mornns tidig af in en Meidswagen, un bi em satt en Herr in en unschinboren, grisen Antog un mit en groten Haut up den Kopp, vör den sin Gesicht binah unsichtbor was. Bör ehr up führte de Postkutsch, un in de satt Fru Steffen, idel vergnügt, dat 't nu wedder nah Hus gung, un dat sei de grote Welt achter sich let. Sei dacht en beten äwer ehr Abentüer nah, un dunns föll ehr in, dat sei jo den Gruß von den fründlichen Herrn an Hermining vergeten hadd! Sei hadd sich doröwer nich wider to grämen brukt, denn de Herr kamm sülsen nah Hermining und frog sei unner Spaß un Lachen nah ehre Bekanntschaft von'n Lann'n ut. Sei vertellte em äwer blot so vel, as em tau weiten gaub was, denn 't was kein Anner, as Agnes ehr Bader, de Regierungsrath Wallberg, de sülsen en Oberförstersöhn was un dorher de Lüde un ehre Ort kenne. „Ich besüch de Fru mal,“ säd hei, ahn tau denken, wo bald hei Gelegenheit hemwen süll, sinen Börsatt uttauführen.

Fru Steffen stek unnerwegs ehren Kopp flitig taum Finster rut un sach denn of den Wagen mit de beiden Herrn, as de Meidskutscher Anstalten make, de Post vörbitauführen. Un wil sei Herr von Degen kenne, nickte un winkte sei ut dat Finster rut un stunn ordnlich up un make Kumpelmenten. Sei hadd hiit de ganze Welt Kumpelmenten make kunnt, so upgerümt

was sei. Herr von Degen nickte wedder, was äwer en beten verlegen, denn de Herr bi em kef em verwunnert an. Nu blöf' äwer de Postillon, un knallte mit de Pißsch, denn hei dürröte dat doch nich liden, dat' ne ordinäre Meidskutsch em den Rang aflöp, un dunn jög' de Postwagen wedder bi den annern vörbi, un dor stunn wedder Fru Steffen an dat apene Fenster, breid un selig, un nickköppte un winkte un lachte, un Herr von Degen gaww't ehr taurügg, würd äwer rod. So wedderhalte sich dat Spill en pormal, bet endlich de unkenntliche Herr frog:

„Nun, in aller Welt, Doctor, was haben Sie denn da für ein wunderliches tête-à-tête von Wagen zu Wagen? Darf man denn nichts Näheres darüber erfahren, wer Ihre Schöne ist?“

De Doctor lachte, „Hoheit —“

„Still!“ beföhl de Herr un läd den Finger up den Mund. De Doctor besunn sich beter un vertellte ahn Anred fort, wer de Fru was un dat sei in finen Huf' en Gewarm hatt hadd. Einen Ogenblick glöwte hei de Gelegenheit günstig, den', de bi em satt, de Verhältnissen, um de 't sich handelte, flor dortaulegen un en Wurd för finen Swager tau spreken, äwer hei blew doch bi finen ollen Vörsatt, so wat nich tau dauhn, un leiwter Hansen dörrch sin Dauhn för sich sülsen spreken tau laten, un dat was dat Kläufft'. Wenn't jichtens wat gaww, wodörrch Hans sich in de Gunst von finen Landsherrn restauriren kunn, denn was't sin Iwer un sin Sorg' för finen Forst un sine Jagd, un

in den Herzog sine Seel' fung all de Insicht an tau rumoren, dat hei den jungen, düchtigen Mann üm en lütten Fehler tau hart behandelt hadd, un dat dat hoge Lid was, de scharpe Maßregel, de desen de besten Töhren von sinen Leven, un em jülben den Burthel kost'te, so'n Mann in sine Neg' tau herwen, taurügg tau nemen. 'T bruckte man noch en lütten Anstot, denn kamm de Gnad un de Gerechtigkeit in em taum Dörchbruch, un desen Anstot söchte hei sück, ahn 't sück intaugestahn jülben, indem hei mitführte.

Sei kemen gegen Middag nah Klatschhagen, 'ne Stunn'n ihrer as de Post, un macken infognito 'ne forte Rast in den lütten Wirthshus', üm sück en beten tau refokjiren. Dunn gung 't wider nah Offendörp, wo de Wagen en Enn'n von den Forsthus' af hollen müßt, un de Swigersfahn lep hen nah den Swigervader, während de Herzog gedüllig sitten blew. Hei funn dat Hus in stillen Frieden, denn Rick's was von Hansen sinen Anslag bekannt worden, un hei jülben hadd 't sin Öllern nich seggt. Herr von Degen hadd dat nich wüßt, jüs würd hei of Rick's seggt herwen, un beduerte nu, dat hei't dahn hadd. Denn de Oll kamm in Upregung un wull mit, un as sei em dat utred'ten, gung hei doch ran an den Wagen un söchte S. Hoheit unnerthänigst tau äwertügen, dat de Weg' vel tau slicht för herzogliche Knaken wir, un dat hei doch bi em in sinen armen Hus' bliwen süll, bet de Sak vörbi wir. Äwer de Herzog dankte fründlich un höll sück nich lang' up, 't würd of jüs tau späb, denn sei hadden noch gaud söz

Stunn'n vör sich. In Klatschhagen hadden sei Börschpann namen, un wider kunnen sei nu keinen mihr frigen. Kloß drei führten sei ut Offendörp un hentau nägen lagg de Wildkamp vör ehr. Hier wiren de Ding ganz sachten un säter vör sich gahn.

Hans hadd sine Inrichtungen so klauf un rasch drapen, dat hei de beste Hoffnung up Gelingen hadd. Hei hadd verlangt, dat alle Mithelpers em blindlings folgen müßten, of de Soldaten, un dat was em taugestahn, denn 't kenne jo Keiner dat Terrain un de Bann'n, mit de sei tau dauhn hadden, as hei. Twintig Soldaten hadd hei föddert, un de wiren det Morrens fräuh anner en Rapporal afmarschirt in ehren Uniformsrock mit en Tornister up'n Rüßgen, as wenn sei en Aeuwungsmarsch maken deden. Äwer jensid Klatschhagen in den dichten Wald, de all halb tau Offendörp hüren ded, hadden de fixen Kirls sich achter de Büsch verkrapen, as Soldaten, un wiren as flotte Jägerburßen mit graue Hosen un Zoppen mit gräune Kragens, en spizen, wat verknutschten Haut mit 'ne Fedder up 'n Kopp wedder rute kamen. De Bajonetten von de Gewehrs wiren verschwunnen, un de Büßsen hungen an 'n lebbern Reimen äwer de Schuller. So säden sei sich för't Irst adjüs un verdeilten sich hier un dorhen in de negsten Dörper bi den Wildkamp.

Wes dorvon wüßten Bescheid in de Gegend, oder wiren dorher, de wesen de Annern taurecht, oder 't gungen of twei un twei tausam as einfache Jäger, un wenn ehr Bild begegenten, grüßten sei fründlich, un wo

sei ankührten, vertellten sei, sei wiren up 'ne lütte Wanderschaft, oder so wat. As dat äwer Abend würd, togen sei sich sachten wedder tausam, all nah ein Flagg jensid up de frömde Grenz, un dor höllen sei sich verstecken, bet Jemand kamm, de ehr anweisen ded, wo sei sich uptaustellen hadden. Des' Jemand was Hans fülben, denn dormit betrugte hei keinen Annern. Hei rekente ungefihr up teihn Spizbauwen, un dorför wiren twintig Soldaten nich tauvel, denn 't was 'ne wilde, gefährliche Bann'n, un sei würd Allens insetten, üm fritaukamen. De Wald sett'te sich up de frömde Sid noch en Enn'n lang furt, un Hans postirte de Soldaten in en dümwelsten Gordon achter de dicksten Bäum, wo sei, of bi den swaken Mandschin, nich seihn worden kunnen, un gung denn taurügg up sin Sid.

'T was all düster, de Mand noch nich upgahn. Bald müßten sei kamen! Hei had sich anheischig makt, de Wilddeiw tausamtodriwen nah den Utgang hen, wo de Soldaten stunnen. Un dat was nich licht! Dor was 'ne Lichtung un en Waterpümpel dorbi, dor kamm oft dat Wild un drümf, un dor würd dat meiste nedderschaten. Grad in desen Dagen kamm en Rubel Hirschen jeden Abend, un Hans wunnerte sich blot, dat sei noch an'n Lewen wiren. Hei knirschte vör Ingrimmit mit de Zähnen, as hei doran dachte, dat dat prachtvolle Wild hüt Abend würd doran glöwen möten, un gelawte sich, 't süll dat letzte sin, wat sei em rauwen deden. Hei habd en tauverlässigen Jäger, de em mit Verstand un däbigen Iwer behülplich west was, den Plan tau maken,

un of utfinnig matt hadd, dat de Bann'n för hüt Abend en groten Striptog vörhadd. Dei hadd sich stellt, as wenn hei mit sinen Förster äwer 'n Faut spannt wir un't leiwet mit de Wildbeiw höll, un hadd't ehr steken, dat sin Herr verreist was, un vör morrn nich taurüggkem. Datt hadd Frier gewesen, denn fürchten deden sei den Förster doch, wenn hei dor was.

Hans was äwer den Abend späde nah Hus kamen, dat em Keiner mihr seihn hadd, un den annern Dag höll hei sich versteckt un gung irst, as't düster was, in den Wald. 'T hung Allens dorvon af, dat Plan un Utführung genau tausam stimmte, un dat ded't bet so wid. De Soldaten wiren pünktlich tau Städ un würden upstellt. Hans, de Jäger un en stämmigen Jägerburck stellten sich of in ehr Revier up verschiedene Punkten achter dicke Bäum un luerten ahn sich tau rögen up ehr Wild. De Verasfeding was, so bald en Schuß bi de Dichtung föll, wullen sei All sich nah de Städ hentrecken, denn Hans rekente so: Gierig as de Bann'n was, würden sei irst dat Wild scheiten un wenn sei denn bi't Utwiden wiren un de Büffen bi Sid leggt hadden, wullen sei äwer ehr herfallen un driven sei äwer de Grenz up de Soldaten tau. Sett'ten sei sich tau Wehr, denn hadden de Soldaten Orre, up dat Scheiten tau Hülp tau kamen, denn würd't Bland kosten. Am stimmsten würd't sin, wenn sei sich in den Wald verstreuten, üm Böm tau schlagen un Holt tau stehlen, denn Hans kunn Ricks utrichten, wenn de Kirls nich All up'n Hüpen

wiren. Äwer dat glöwte hei nich, hei wüßt, sei hadden't up de fastigen Hirschbradens affeihn.

So stunnen sei denn in deipen Swigen un luerten up de Stunn'n, de Jeden von ehr de letzte sin kunn. De Klock slog teihn, 't was düster, denn de Häwen hadd sich betagen un de Mand kunn nich dörch de Wulken dringen. Hans stunn still, so still as de Bom. Sei hadd sin Gewehr bi sich henstellt, ahn de Hand dorvon tau laten un drängte sich fast an den dicken Stamm. Wat för 'ne deipe Rauh was dat in den düstern Wald! Sei fung an tau vergeten, worüm hei hier stunn un versöll in Gedanken. Gedanken, so as sei em niemen kamen wiren in so vel Zohren! Un hei was doch oft un oft in den deipen stillen Wald allein west! Ja, wo vele Nächten, Summernächten as des' was hei nich so stahn, as hüt, in wo vele Winternächten, wenn de isige Storm de drögen Tacken von de Bäum ret, un wenn dat knarrte un ächzte in de hogen Dannen, un de Wulken an'n Häwen dorhenjogen äwer den bleiken Mand, was hei nich wannert dörch sinen Wald rauhlos un rastlos, bet de Morgen famm! Äwer dat was't grad, hei hadd kein Rauh un kein Raft hadd, dorüm wiren em keine stillen Gedanken kamen. In sinen Garten was ümmer Upruhr west, Grull un Bitterkeit äwer den Schimp, den hei erleben hadd, un hei hadd sich sülsen ümmer deiper in desen Taustrand rinarbeit't.

De Natur mit ehren insamen Freden hadd keinen Indruck up em makt, denn hei wull sich nich besänft'gen laten. Mit ehren wildsten Upruhr, mit Dunner un Bliß,

mit ehr Büthen un Toven in Harvst- un Winterstorm hadd sei em tausseggt un in sinen Troß bestärkt, denn dor säuhlte hei sich Eins mit. De Winschen hadden em kränkt, sei hadden em bitter Unrecht dahn un hei wull sich sindag nich wedder heraslaten, gaud Gründ mit ehr tau sin! Annere Gedanken hadd hei nich in sich upfamen laten. Äwer hüt würd't still in em, as hei so stunn un up de Entscheidung täumte. Denn 'ne Entscheidung würd't, künn't taum Wenigsten för em warden. Sei verhehlte sich dat nich, dat för em Gefohr, grote Gefohr tau Hand was. De Lüüd haften em. Wenn sei irst marktten, dat sei verraden wiren, denn würden sei em unschädlich tau maken säuken up jeden Fall. Dor was en jungen verwegnen Burßen bi, den hei mal grepen un tau Anzeig' bröcht hadd. Sei hadd en Johr Luchthus kregen wegen Waldfrevel. De hadd sich verschworen, sich an em tau rächen, dat wüßt hei. Des' Gelegenheit kunn em passen!

Hans stellte sich de Möglichkeit vör, dod schaten tau warden. 'T schreckte em nich, äwer bi de lewige Wörstellung was dat, as wenn en Steuer vör sine Ogen wegtagen würd! Was hei denn blind west dörch all de Johren? Hadden em de Winschen Unrecht dahn oder hadd hei nich velmihr ehr Unrecht dahn? Dor wiren sin Öllern un Swestern — sei gränten sich hüt noch üm sin verfürtes, dörch sin eigen Schuld verfürtes Lewen! Agnes! Sei dürrwt nich doran denken! Was dat nich sine Schuld, dat sei ehre Jugend vertraute, hadd hei ehr nich kränkt so schlimm, as dat man möglich

is, un doch hadd in ehren Blick Nicks dorvon legen! Ne, ganz wat Anners hadd dorin legen, un hei stöhnte inwennig vör Qual, wenn hei doran dachte. Gott sei Dank, dat hei ehr wenigstens nochmal seihn hadd, dat hei desen letzten Blick wenigstens mit nemen kunn, wenn hei denn doch mal starwen süll! Un denn Lisebeth! Sei was stormen, frant an Livo un Seel üm sinentwegen! Womit hadd hei ehr ehren Edelmaud vergellen kunn? Äwer an Alle dese hadd hei doch kein Unrecht dauhn wullt, ehr kein Leid taufügen wullt, hei was eben so unglücklich, as schüllig west. Hei hadd den besten Willen hatt, äwer wat kunn hei maken gegen de Verhältnissen, gegen Lisebeth ehre Weigerung, gegen den Herzog sinen Born?

Anners äwer was 't mit sin un Lisebeth ehr Kind. Dor was blot Schuld up sin Sid. 't was em en Argerniß west, en Stein in sinen Weg, hei hadd Nicks von em weiten wullt, hei hadd 't verstött, un anner Lüüd hadden 't annamen, uptagen un för em sorgt. Hier was de slichste Deil von sine Natur taum Börschin kamen un hadd sin gaudes, weises Hart ümrannt un ümspinnen, dat dat verluren schinte un hei 't sülsen nich wedder sinnen kunn. Den grötsten Haß hadd hei an dat unschüllige Kind utlaten, de unschülligste Deil von Allen, sinen unmündigen, lütten Söhn, de nich mal weiten ded, dat hei en Vader hadd, de verpflichtet was, in Leivo un Tru för em tau sorgen! Hier lagg de grötste Fehler, de deipste Schuld un nu hei 't flor vör sich sach, was 't villicht tau spääd. In eigensüchtigen Grull,

in eigensüchtigen Jamer äwer sin verluren Glück hadd hei all de langen Jöhren sich in sich sülsen vergrawen, müggten all de Annern, de hei schädigt hadd, de em so vel unverdeinte Leiw dragen haddten, seihn, wo sei t'recht kemen.

Hans was in sine smerzlichen Gedanken versunken, de Ogen slaten, let hei all de Gestalten vör sich vorbi passiren, sine Öllern, sin Swestern, Agnes, Lisebeth un tauleht sin Kind. Em was, as sach hei den lütten Fritz up sich taulopen, un hei rep em, rep em mit en Namen, den hei noch nich hört hadd! Wat hadd hei dorför gewen, wenn hei in desen Ogenblick vör en nigen Lebensanfang hadd stahn kunnt, so as dunn, as hei von de Akademi kamm vull Hoffnung un fröhliche Kraft! Hei was noch so jung, süll denn Allens all vörbi sin? Unbeweglich nah buten, so heit dat of binnen hergung, stunn hei, de Wald lagg still un düster, äwer mit ein Mal tuckte sine Hand, de up dat Gewehr lag. Twintig Schritt von em hürte hei wat rascheln, as wenn Einer sich an de Büschen henslet. Hei bohrte sine Ogen dörch de Finsterniß, äwer hei kunn Nichts seihn, un as glit dorup de Mand sich dörch de dicken Wulken drängelte, was't all wedder still.

'T wohrte äwer kein teihn Minuten, dunn hürte hei en Schritt, äwer keinen Spizbauwenschritt, un hei sach en Mann dorher kamen, de kein Afficht hadd sich tau verstecken. Hei beobacht'te em un sach, dat hei sich nah allen Siden ümket, as wenn hei wat söchte un as hei nu nah sin Sid henket un de Mondschin vull up

sin Gesicht föll, dünn wull hei twors sin Ogen irst nich trugen, müßt't äwer doch, denn de dorher kamm in Fleisch un Bein, un nich as Späuf, was sin Swager ut de Residenz. Bör Verwunnerung verlet Hans sinen Standpunkt un gung em en por Schritt entgegen. Herr von Degen sohrte irst en beten tausam, erkannte em äwer denn un wull all en fröhlichen Gun' Abend beiden, äwer Hans kamm em taubör.

„Still,“ rep hei lif' un hastig, „hierher an diesen Baum! Leise, ganz leise!“

Herr von Degen gehörte un drängte sich of dicht an den Stamm, un 't was gaud, dat hei 't ded, denn dor hinnen raschelte all wedder wat, un dor, un dor — sei athenten kum — un dünn was 't wedder still.

„Wie steht's,“ flüsterte de Doctor.

„Wie kommen Sie hierher?“ frog Hans taurügg.

„Per Achse natürlich! Wir hörten von der Affaire. Es ist noch Jemand da in Deinem Hause, Schwager.“

„Mein Vater?“

„Nein, ein Anderer!“ In desen Ogenblick brot de Mand wedder dörch un't würd ganz hell. De beiden ollen Fründ' seken sich in't Gesicht.

„Hans, alter Junge, gieb mir Deine Hand! Ist Gefahr vorhanden?“

Hans grep nah de Hand. „Wohl möglich“, säd hei düster. „Da! hörtest Du Nichts? Still! da, da, die verdammten Hunde!“

Zwei Schüß' wiren sollen un hadden em den Utraup entreten, taugliß äwer sprung hei vorwärts,

denn wedder un wedder knallte dat un hei hadd kein Tid tau verlieren. Mit sine inwennigen Jägerogen hadd hei all lang seihn, wo dat stattliche Wild bi den hellen Mandschin dorher kamen was an dat Water, un wo de rüden Gefellen in'n Anslag legen, un nu hadden seit't mörbert! Mord was't, de reine, niederträchige Mord, un grimmig sprang Hans vörwärts, de Ogenblick müßt nützt werden. Herr von Degen folgte em.

„Bleib zurück,“ rep Hans, bleib zurück, Du hast kein Gewehr! Zurück! Denk an Hermine!“

Un hastig gung't wider, de Lichtung was man en por hunnert Schritt wid. Äwer de Doctor fihrt sich nich an finen Tauraup un folgte doch. Von de anner Siden kemen de Jägers un de Burß un all tauhopen slegen sich nu so nah as möglich ran.

De Anblick was noch schlimmer, as Hans 'n sich vörstellt hadd. Dat ganze Rudel Hirschen — Staatsfirls wiren dormang — was ut de Lichtung treden, iim an't Water tau gahn, un was mit Kugeln empfangen worden. Twei oder drei legen dod up de Eerd, denn de Wildbeiw verstunnen ehr Handwart, ein was noch bi't Berenden, de annern macken Fihrt un jogen in wille Sprüngen den Förster un sine Lüüd' binah äwer'n Hupen. In den negsten Ogenblick was 't flor tüschen Hans un de Freblers, un ahn Besinnung oder Furcht, vör Wuth schümend, de Büß' an de Schuller sprang de Förster mittenmang dese un rep mit Dunnerstimm:

„Hallanken! Dreifache Spitzbauwen, heww ick Zug endlich! Ditmal sall Zug dat slicht bekamen!“

Furt von dat Wild! Wer't noch anrügt, is det Dods!
Furt, segg ick!"

Mit en wildes Geschrei wiren de Wilddeim dörchenanner fohrt. De Äwerrafchung was so grot, dat sei alle Besinnung verlören. Sei seggen drei Gewehre fast up sich richt't un ehre eigenen hadden sei — taum Deil wenigstens — affschaten, un de't dahn hadden, begewen sich up den Rücktog. De Annern äwer, de noch en Schuß in den Lohp stecken hadden, blewen trozig stahn un legkten an — sei hadden 't ogeneschinlich up dat Letzte un Elimmste affseihn: den verhaßten Förster ut den Weg tau räumen bi dese gaude Gelegenheit! Zwei bange Sekunnen stunden sei so, Og in Og, Keiner rügte sich, dunn äwer rep Hans nochmal:

„Taurügg, segg ick! Leggt dat Gewehr dal! 'T helpt Zug Riick, Si sid doch verluren! Redder mit Zug, oder —“

De Antwort wiren drei bet vier Schüß', de Hallunken hadden losschaten, äwer blindlings un hadden Keinen drapen. Nu schot of de Förster, un en Schrei was de Antwort up den Schuß — un up den Schrei brot 'ne grugliche Verwirrung mang de Wilddeim los. Mit Störten, Jagen un Können süchten sei sich tau reddden. De ein stött den annern bi Sid, dat hei äwer de Grenz kem, äwer dor kemen sei slicht an. De Soldaten hadden wüßt, wat sei up dat vele Scheiten dahn müßten, un in'n Lopschritt wiren sei dor un spunnen 'ne Räd' üm de flüchtigen Riick, dat sei nich rügg- un nich vörwarts kunnen. Dat gaww en letzten

willen, äwer fortent Kampf, un dunn wiren sei fungen un mit dägte Stricken säcker bunnan, immer twee tausam. So füllten sei in't Dörp bröcht un bet taum Morgen dor bewacht warden. Wildeß was äwer Ein tauriiggblewen, eben de Burß, de mit de Büß' in 'n Arm Wacht höll. As de den Förster sach, un wo de Annern furtlepen, un wo dat schöne Wild em entgung, dunn steg de Gall em tau Höchten, un em föll in, wo de Förster em all einmal in 't Luchthus bröcht hadd. Dunn säb de junge Daugenichts tau sich: „Täuw, de Gelegenheit kann mi passen, hüt kann ich Di dat vergellen un Di en Denktettel gewen.“ Un kum, as hei dat dacht hadd, föll en Schuß un glif dorup wedder ein, un as de Hof sich vertagen hadd, dunn lagg hier de Förster up de Ird, un sin Bland flot äwer em hen, un dor lagg de junge Mürder dod up 'n Rasen. De Jäger hadd seihn, wo hei up Hans anleggte, un hadd em binah in den süßwigen Ogenblick up't Kurn namen. Hei hadd gaud drapen, de Burß stunn nich wedder up, — hadd des' ebenso gaud drapen?

'I schinte so, Hans lagg dor ahn Regen un Bewegen, un blot dat Bland lep piplings ut de linke Bost. Sin Swager hadd sich äwer em smeten un drückte sin Hand up de Wunn'n. „Tücher!“ bed hei un sei gewen em All stumm un still ehr Taschenbäuer un hei stoppte dormit dat Bland, un let sich Water bringen, dat hei den Ahnmächtigen wedder in 't Lewen bröcht'. Äwer 't höll swor un endlich leggten sei em up 'n Twig', de sei afhauen hadden, un drogen em sachten un vör-

sichtig furt. So gung de Tog irnst un stumm dörch den Wald, de nu hell was von Mandlicht, taurügg up dat Forsthus tau, de Doctor dicht neben sinen Swager her. Hei wüßt nich, wat dor noch Lewen in em was oder nich.

Wilbeß was in den einsamen Forsthus' Ein taurügg blewen, de Reiß'gefährte von Herr von Degen, de sich hier in 'ne wunnersame Lag' befunn. De Herzog, de sich von sinen Iwer för de Sak, von sinen Grimm äwer de Frechheit von sine leimen un trugen Unnerthanen hadd furtriten laten, mittauführen, hadd sich dat of gefallen laten müßt, dat sin Doctor em dat so bequem as möglich make in Hansen sin ruges Quartier, un denn allein up de Säuf gung nah den Förster. Nu satt de hoge Herr dor up den stimen Kanapee un kamm sich vör, as wenn hei sinen Scepter bi't verkehrt End'n anfat't hadd, un dat oll Ding wull em nu ganz un gar ut de Hand gliden. Sowat mag woll 'ne sihr ekklige Empfindung för en Regierenden sin, un de Herzog kunn so in'n Stillsitten of nich Herr doräwer werden. Hei stunn up un gung hen un her un befehl sich de dürrstige Utrüstung von de Stuw. Dorbi passirte em dat, dat em unversehens wat int Gesicht steg, wat dor süs woll nich oft Harbarg söchte, un em was, as sad 'ne Stimm tau em: „Dit's din herzogliche Dank för de johrelangen Verdeensten von en utgeteikenten Mann! dit's din landsväterliche Upmünterung för de beste, junge Kraft, de sich mit Liew un Lewen för dine Forsten, dine Jagd, dine Wälder, also recht eigentlich

för din leiwstes oberherrliches Steckenpird nughor maht un hengiwot! Is dat ihrenwerth? Kleid't di dat woll un dinen hogen Stand und Würden, dat du so verfohren büst, üm den persönlichen Grull gegen dinen ehemaligen Günstling uttaulaten?"

Den Herzog würd' en beten unsacht bi dese lütte Gewissensvermahnung. Dat schad'te äwer gornicks. 'I kümmt för jeden Menschen mal 'ne Stund', wo em 'ne hellere Insicht as gewöhnlich von sin eigen Danhn upgeht — wörüm nich of för so'n hogen Herrn? Den Herzog drew de innere Unruh ut de Stuw nah buten. Dat was so warm un so still, dor rögte sich kein Blatt un kein Lud was tau hören. Äwer of hier funn de einsame Gast sine nützlichen Betrachtungen furtsetzen, denn so as dat afwesselud ümmer heller un düstrer würd' an'n Häwen, präsentirte sich de Gegend am besten in ehre ganze grugliche Wildheit un Verlatenheit. Ein't funn de Herzog sich taum Trost seggen: dat hei nämlich nich ganz un gor täumt hadd, bet hei hierher kamen was, üm en beten mit sich in't Gericht tau gahn, dat em velmihrt all tau Hus so 'ne Gedanken kamen wiren, un dat hei hauptsächlich dorüm mitgahn was, üm mit eigen Ogen un ganz in de Reg tau seihn, wo brav un wo düchtig un wo tauverlässig Hans Lütting was, un üm denn mit einem mal sine ganze Ungnad' taurigg tau treden un Gerechtigkeit walten tau laten.

De Herzog gung kümmer ungedülliger up un dal. 'I was nu all 'ne Stund', dat Herr von Degen furtgahn was. Dunn up einmal horte hei — dat was

en Schuß un noch einen, un noch einen! 'I led em nich mihr, so still hir tau täuwen, hei slog den Weg in't Holt in. Dat durte nich lang, dunn kamm em de Tog entgegen. As hei de Bahr sach un den', de dorup lagg, fohrte hei taurügg.

„Was ist geschehen, Doctor?“ rep hei. „Sie wollten mir Nachricht bringen, wenn es so weit wäre. Ist es schon vorüber? Ich hörte Schüsse. So sprechen Sie doch!“

Herr von Degen wiste stumm up Hansen. „Hoheit,“ säd hei, „ich konnte nicht zurückkommen, ich fand allerdings meinen Schwager, aber es ging alles so geschwind vorüber! Die Diebe sind gefangen, aber hier, fürchte ich, liegt das Opfer.“

Hei kunn nich wider spreken un deckte de Hand vör de Ogen. De Herzog was deip erschüttert un alltausam bemäuhnten sei siß, dat de Verwund'te up't Lager kamm un de Arzt begunn ahn vel Hoffnung sin swores Wart.

Kapitel 11.

Zwei Dag nah desen Vörfall höll Hermining en Breif von ehren Mann in de Hand un les' em unner strömende Thranen. De Doctor schrew ehr de ganze Geschicht un verschwieg ehr ok nich, dat de Schuß ehren Brander gefährlich drapen habb. Einen Toll neger, taum Harten, denn wir 't vörbi west. Awer taum Glück

hadd de Toll grad fehlt, un nu hadd hei de Kugel ruttagen un hoffte, dat Allens gaub warden würd. De Blandverlust wir grot west, äwer Hans sine starke Natur, de dörch dat harte Leven up den Wildkamp isern worden was, würd dat woll äwerwinnen. Sei füll sick nich ängsten, ehr Öllern wiren bi em un Hans, un sei hadden sick so bequem as mäglich in den ollen Kumpelkasten von Forsthus inricht't un plegten den Kranken üm de Bett. So drab, as dat man gung, füll Hans nah Ossendörp bröcht warden, äwer dat würd woll noch ne Wil duern, sei müggt sick unnerdeß de Tid nich lang duern laten, hei wull ehr flitig schriwen.

Hermining wüßt man Ein, tau de sei mit desen Breif gahn künn, un ahn sick tau besinnen, let sei sick Haut un Dauk bringen yn lep nah Agnes. Tau einen Winschen müßt sei ehr Hart utschütten können, den Schrecken, de Angst un doch of den Dank, dat 't nich noch wat Glimmeres was, un Agnes Wallberg was in jede Hinsicht de Wichtigste dortau.

Agnes was sühr unglücklich west dörch Hans, un as hei ehr upgewen un verlaten ded, grad in den Augenblick, as sei all glöwte, ehr Glück hing blot noch an dat eine Wurd, wat hei in Begriff was tau spreken, dunn was dat en Schlag west, de binah ehr ganzes, junges Leven taunicht makt hadd.

In so ne Lag' helpt denn blot Ein't, de Stolz un de eigne Achtung, un de hadd ehr hollen, obschonst de Leim blewen was, as Lisebeth seggt hadd. En beten erschüttert was de Stolz warden, as sei Fru Steffen

ehren Vertell hören ded, un en beten mihr noch, as sei Hans wedder seihn hadd un sinen Blick, in den so vel legen hadd, sovel, wat blot sei verstahn kunn! Un as nu Hermining angestört't kamm un ehr so full Umpregung un ahn alle Umständ'n den Breif tau lesen gaww, dann was't vörbi mit dat Verstecken spielen, dann brot Stolz un Taurügghollung dal, un dat Inwennige von ehren truen Mätenharten kamm flor taum Börschin.

De beiden Fründinnen weinten tausam, nich blot hiit, ne. noch oft, wenn slichtere Nachrichten von den Wildkamp kemen, un lachten tausam, wenn sei beten wiren. Dat was afwesselnd Truer un Jubel, un so unwedderstahlich was de Storm von Geföhlen bi de beiden Frugenslüd, dat 'of Agnes ehre Öllern sich up de Duer dagegen nich wehren kunnen. Bi den ollen, fründlichen, lustigen Regierungsrath was dat nu äwerall nich swor, hei freute sich bald so äwer sin Döchtig ehre Freud, as des' sülsen, un im Stillen vergnügte hei sich all an den Gedanken, dat dat nu am Enn'n doch mit sinen Besäuf bi de Möllerfru ut Deipendal wat warden kunn. Nich so licht gung dat mit sine leuwe Fru. Sei was ut finern Holt snigt, as hei, un mügg't uich giren daran denken, dat ehr Mann en Försterföhn von'n Lamm'n west was, ihr hei Regierungsrath würd. Denn sei was 'ne „Geborene“ Fru Eulalia Wallberg, wenn of man in Armaud Geborne, wat of blot de alleinige Grund was, dat sei den „Ungebornen“ Regierungsrath namen hadd. Äwer 't hülp ehr allwil Allens Ricks, de beiden Lütten, ut Rand un Band

geraden Witzlied un ehr Mann mit sin Spaßen, achter dat sich de irnsthafte Willen verstat, sin Kind glücklich tau seihn, wenn 't angung, namm ehr dat vörnehme Geburtsrecht äwer'n Kopp weg, un sei würd gornich irst fragt, wat sei dat of erlaumen ded, dat de Freud' äwer Hansen sine taunemende Genesung ümmer grötter würd.

'T was jös Wochen nah den Unfall, de Hansen drapen hadd, dunn lagg de Wildkamp mit sin oll bröcklig Forsthus öd un still un 't was de letzte Dag von den Augustmand. In Ossendörp äwer lagg de warme Sünnesschin up Feld un Wald, up Hus un Minschen, un wat dat Best was, up luter glückliche, fröhliche Minschen. De olle Lütting hadd sich festlich puzt un hadd sin Uneform antrect, un of de Fru Oberförstern hadd ehren besten Staat anleggt. Augusting äwer schaffte so vel in Käf un Keller un smückte de Stuw mit Blaumen un Grüns, dat Jedwederein seihn kunn, hüt was wat los. So was 't of würllich, 't was wat los, denn 't füll Besäuf kamen, un Besäuf up'n Lann'n, in'n einsam Dörp, wer dat nich kennt, de weit nich, wat dorbi Allens los is un los sin kann. Männigmal is de Kutuf dorbi los! Börut, wenn de Besäuf wid her is, denn männigmal is hei of nich wid her un denn ward Keiner dor vel Umstänn'n üm maken, so as Augusting dat hüt ded.

Äwer de Besäuf, up den sei hüt in'n Forsthus täumten, de was wid her, denn hei füll ut de Residenz kamen, un sogar in twei Wagens mit twei Kutschers

un vier Bird. Dese jös sünd äwer in ehre Ort grad so wichtig, as de Herrschaften sülsen, wil sei verantwurtlich dorvör sünd, dat de glücklich ankamen, un Rutschers sünd äwerall grote Herrn, will dat sei en hogen Platz up dese Irdenwelt innemen, von den sei stolz runtfen können up ehre Mitbräuder un =Swestern. Un wo Männigeinen hewwen sei in de Gewalt un können em ümsmiten un sanft oder unsanft in den Dreck leggen, ganz nah ehren Beleiwen. Rein Wunner was't also, dat Augusting sich ebensovel Mänh üm de Rutschers gaww, as üm de Gäst, de sei rannbröchten, un de Tafel in de Lüdstuw ebenso riklich bedachte, as de för de Herrschaften. Un dorbi horkte sei up jeden Wagen, de in dat Döörp rümherfnarrte, wat sei't all wiren!

Un wo was Hans unnerdessen, dat sei ümmer neger kemen, un sin Öllern sich in Wicks smeten, un sin Schwester kakte un rümherwirthschaft'te? Hans lagg up Hermining ehre Muschbänk in'n Waldsünnenschin, d. h. de Bank wir nich mihr de sülbige, denn sei was vel gröter un breider makt, äwer de Platz was noch de sülbige un fiddem Hermining hier ehren säuten Drom hadd woher worden seihn, swewten üm dat lütte Flagg luter gaude Geister von Raub un Freuden un Hoffnung un wirkten dor heimlich bi Dag un Nacht, dat of en bedrückt Gemünd en stilles Tauertragen up Beterwarden hier wedderfinden kunn. Dat was de Nahklang, dat was dat Wirken ut firne Bergangenheit von eine selige Stunn'n, de twei glückliche, unschüllige, junge Harten hier erlewt hadden. Dat Andenken daran hadden

de Bäum, dat Low, dat Gras, de Blaumen un Bäger in de Telgen upbewohrt un sungen un flusterten den mäuden Mann, de dor up de Muschbänk lagg, dormit in en Vergeten von de bösen Dag' un in en lisen Drom von betere Tiden. Biellicht! Wer weit? So as de Kraft un de Gesundheit wedderkührt, kümmt of en lütt Beten de Lust taum Lewen taurügg, wenn of man irst schu un langsam.

Hans sine Bunn'n was heilt, hei was nu all sid acht Dagen in Offendörp un rauhte sid Dag för Dag hier unner de Bäum mit ehren Duft un ehr grünes Licht. Up warme Decken äwer de Muschbänk lagg hei un sek in dat Bläberdach äwer sid un in dat Stückchen blagen Häwen, wat dordörch sek, wenn de lise Lusttog de Bläber bewegte. Um em rüm spelte in de gräunen Büschen en lütten sösjöhrigen Jung, un sin Og folgte em oft mit stillem Wollgefallen un innige Leiw. Männigmal rep hei em, un dunn kamm de lütte Burß ansprungen un frog sek:

„Batting, sall id Di mal bodscheiten? Id bünn de Förster un Du büst de Bildbeiw. Süh, dit is min Gewehr un nu geih't puff, un denn büst Du bod. Nu lat mi gahn, id möt wedder Förster spelen!“

„Grad as id,“ säd Hans tau sid, „wo lang is dat all her! Un wo ähnlich hei ehr süht!“

Dat Lehte was man sihr bedingt richtig, denn Fritzing sach sinen Vader vel ähnlicher, as sin Moder, äwer dat kunn Hans jo sülsen nich sehn.

Hans was de Einzigeste, de nich wüßt, dat hiit

Besäuf kamm, d. h. hei wüßt man von einen Wagen, un von den of man halw, d. h. hei wüßt blot, dat sin Swager un sin Swester kamen wullen,üm sin Genesung mittaufiern. Sei hürte Ricks davon, dat de Wagen all vörführte, un dat sei all dor wiren, bet dat Bor up einmal dörch de Bäum dorher kamm un em gauden Dag säd. Dat gaww en Freuen! Hermining hadd ehren Brauder noch nich seihn sid den Unfall un kunn sich nu gor nich naug dauhn mit Rüffen, un Strafen un Gien — so as de Fragenslud dat denn maken. Hans was of weit un let sich Allens rauhig gefallen, bet de Doctor lachend säd, dat wir em tau Einerlei, un hei wull man wedder en beten nah de Annern gahn. De Geschwister vertellten sich Allerlei, up einmal säd Hermining, wobi sei ehren Brauder noch eins so fründlich äwerfstrafte:

„Hans, wie sünd nich allein kamen.“

Hans set up. „Rich? Wer is denn noch mitkamen?“

„En ollen, sihr gauden Fründ von Di.“

„Wer is 't?“ frog Hans, „maß mi nich niglich.“

„Kannst Du 't nich raden? Sei hett Di of wat mitbröcht, glöw ic.“

Hans dacht en beten nah. „Ne, ic rad 't nich.“

„Na, denn möt ic't man seggen. De Oberforstrath is 't! Sei hett sich all lang dorup freut un sich utbeden, mit uns tau führen. 'T hett em so gaud hier gefallen dunnmals —“

Sei stockte, un Hansen sin Gesicht würd düster bi

de Erinnerung. Äwer Hermining strakte em fix wedder eins äwer den Bort un säd, hei seg ut, as en Wilden, hei hadd sich woll in Johr un Dag Hor un Bort nich scheren lasen? Wat hei tau de indischen Blüßer äwergahn wull? A Ameisenhupen würd woll tau Hand sin, wenn hei Lust hadd, sich dorin tau vergraben! Un dunn stunn sei up un säd, sei wull nu den Oberforstrath halen, hei wir ungedüllig, em tau seihn. Nah twintig Schritten fohrte sei äwer wedder üm un stellte sich vör ehren Brauder hen un frog mit 'ne ganz unschüllige, verwunnerte Min:

„Worüm heft Du niemalen vertellt, Hans, dat Du mit Agnes Wallberg bekannt büßt?“

Binah wir dat Wagniß tau grot west, denn Hans fohrte so heftig tausam un würd so blaß un denn wedder so rod, dat Hermining sich dägern versohrte.

„Hans!“ rep sei un fot em mit beide Armen üm, „min leiw oll Jung, wes' mi nich böß! Wenn ick wüßt hadd —“

„Swig still, Hermining, red kein Wurd dorvon, ick kann't nich erdragen.“

Hermining sweg still. Äwer sei siten nah. Hans was doch noch sihr swach! Äwer eben dorüm müßt hei vörbereit't worden. Wo süll hei süs naher dat Anner erdragen, wenn — hadd sei 't doch man recht schlau antaufangen wüßt! — Wenn sei 't man irst weiten! Dat was Lisebeth ehr Wurd west un doran müßt sei sich fasthollen. Nah 'ne Wil säd sei schu:

„Wir dat nich dat Best, Hans, Brauder, wenn

Du Di mal recht utspröckst? Hörst Du dat nich girn, wenn ick Di segg, dat sei mine beste Fründin is?"

„Wat sall mi dat!“ rep Hans bitter. „Wat west is, is vörbi, dat kann nich wedder warden.“

„Männigmal doch, Hans! Wer weit! Des' Bäum warden of jedes Jahr wedder gräun; un de Nachtigall singt in jeden Lenz wedder, —“

Äwer dat Hart is man einmal jung, un de Leiw steiht nich wedder up.“

„Ne, de Leiw bliwot, dorüm brukt sei nich irst wedder tau kamen. Un dat Hart, ward dat denn äwerhauptolt? Min, glöw ick, bliwot ümmer jung, un Agnes kenn ick dorför of, süs wiren wi nich so gaude Fründinnen.“

„Swesting, ick bidd Di, quäl mi nich! Ick denk, ick sall mi hüt mit Jug freuen? Äwer wo kann ick dat, wenn Du mi an dat grötste Unglück mahnst, wat mi dat Leven vergiften deiht! 't helpt mi jo Riicks, dat tau striden, wenn ick of wull, äwer,“ sett'te hei sihr swermäudig hentau, „wenn ick ehr of nich vergeten kann, denn hett sei mi doch lang' vergeten, un wenn sei noch an mi denkt, so is't blot mit Grall un Verachtung.“

„Weist Du dat so genau?“ rep Hermining, de nu Äwertwater kreg, „denn lat Di seggen, weck Lüüd irren sück, un 't giwot annere, de wetten 't beter, un dortau hür ick in desen Ogerblick!“

Hans was pil upstahn, äwer hei höll sück an en Born fast, hei was doch noch swach un 't was richtig, dat de lütte Fru em dat so druppentwis' bibröchte.

„Hermining,“ rep hei bewernd vör Upregung un wedder so blaß, as vörher, „bedenk wat Du red’st! Driv kein Spill, ’t wir min Dod! Wat heiten Dine Reden, wat weist Du dorvön?“

Hermining tog em wedder up de Bänk un sett’te sich bi em hen. De Thranen seten in ehre Ogen, sei läd ehr Gesicht an sin’t un säd mit weike, zärtliche Stimm:

„Weit id dat denn nich, dat dat ein gefährlich Spill sin würd? Würd id dat wagen, wenn id min Sak nich gewiß wir? Hans, id kenn ehr nu sid Johren, äwer irst sid Kortem kenn id ehr Hart.“

„Sid wenn?“

„Sid Du up den Dod legen heft. Sid dem heww id in ehren Harten lesen!“

„Wat? Ned, red doch, wo langsam blüft Du. Wat heft Du in ehren Harten seihn?“

„’N Bild, Hans, ’n Bild von ’n hübschen, jungen Mann.“

„Hermining!“

„Wirklich un gewiß! ’Ne Photographie ganz nah de Natur.“

„Wo let’t dat Bild, Sweesting?“

„Wo ’t em laten ded? Sm, ’t hadd en Kopp vull brune Hor, wat lockig, un en por brune Ogen, un en groten, wilden Bort, — fort, ’t was minen einzigsten Brauder so ähnlich, as ein Ei dat anner. — Äwer nu möt id furt! Hörst Du den Wagen? Dor sünd sei! Bliw hier, id bring ehr glik, täuw man hübsch gedüllig, hörst Du?“

Furt was sei, un Hans satt un höll sich den Kopp. Verstunn hei datt denn, wat sin unverstännige Swester Allens red't hadd? Sin Bild in Agnes ehren Harten? „Ich bring ehr?“ Wen? Agnes? Unmöglich! Wat süll sei wullen, wo süll sei hierher kamen?

Äwer Hermining hadd 't doch seggt! Hans höll sich den Kopp so wiß! Hei glöwte, hei müßt em vonein gahn! Würd' dat schue Mäten wagen, wat hei, hei niemen wagt herwen würd? Was dat möglich, dat sei tau em kamm, wil hei nich tau ehr kamen würd, nie in sinen Lewen? Denn müßt sei jo weiten, worüm hei nich tau ehr kamen künn, wat em taurügg höll, de Furcht, blot de Furcht, sei künn em verachten, em den Rüggen fihren, sei künn ehrdag nich vergeten, wat hei ehr andahn hadd, un de Schimp för em würd dordörch noch vel gröter warden? Ne, ne, dat kunn nich sin, wo süll dat taugahn. — Hermining hett woll faset, em blew Nichts, as —

„Frig kumm her, min Jung!“

Friging kamm un tek sinen Vader verwunnert an, as de em bi'n Kopp freg un em so'n heftigen Ruß garw, as hei sindag noch nich von em fregen hadd.

„O Papa, Papa! Din Wort kraßt so! Wenn ick Förster bün, frig' ick denn ok so'n groten Wort? Dat mi, lat mi. Dor is en Voß, denn möt ick scheiten. Piff, paff!“

Wilbessen satt de „Geborne“ up Fru Oberförstern ehren Ledderzofa, stiw un frostig, un rümpfte de inwennige Sid von ehr leiwes, blaubländiges, mageres Ich äwer

de einfache Stuw un de oltmobige Inrichtung. Nah buten wohrte sei äwer den Anstand un unnerhöll sich mit de Fru Oberförstern, so gaub sei dat mit so 'ne ungebill'te Person farig bringen kunn. De Regierungsrath äwer was in sinen Element un snackte mit den ollen Lütting frus un buntes Lüg, un de Oberforstrath unnerhöll sich mit den Doctor un — mit noch Jemand. Dese Jemand, blond, blagögig un slank wussen, as den Förster sine schönste Edeltann, schinte sihr nervös tau sin, denn hei — oder sei was sihr blaß un fohrte tausam, so drad man de Dör upgung. Nah'ne Wil wenn'te de Oberforstrath, as Mann von Welt, sich an Lütting un frog nah Hans.

„Draußen,“ säd de Oll. 'I schinte binah, as wenn hei of nervös wir.

„Ich möchte ihn auffuchen!“

„Schön! Wir folgen.“

De ganze Gesellschaft brok up. Herr von Degen gung vöran, un de Oberforstrath hadd, as wenn't sich üm en Scherz handelte, de junge Dam, de so blaß un so nervös was, den Arm baden, denn sei bewerte as en Espenlow. Un doch lagg up ehr Gesicht en Utdruck, so fast entslaten un so tauversichtlich, so hoffnungsvull, dat hei ehr Zittern Lügen straste. Hermining hadd sich tüschen dat Regierungsräthliche Bor drängt un swakte un lachte ganz vergnängt, un maakte de „Geborne“ so fründlich de Cour — o sei was en lütten Schlaufopp, sei wüßt dorup tau lopen! So kemen sei in de Reg' von Hans, un hei hürte de velen Stimmen un fohrte

tau Höchten. Groter Gott, wer was dat All'? Up einmal blew de Oberforstrath stahn, makte sinen Arm von sine Dam los, dreihete sich nah de Annern, un rep harmlos vergnügt:

„Meine Herrschaften, ich glaube, nach der andern Seite ist es bedeutend schöner, was meinen Sie, wenn wir dahin gingen? Kommen Sie, kleine Frau und führen Sie uns. Sie sind hier besser zu Hause, als Ihr Gatte. En avant, meine Damen und Herren, wenn 's beliebt!“

De Gesellschaft makte rechts üm Rihrt, un blot Ein' dorvon blew stahn, gung noch en por Schritt un blew wedder stahn un tek hülplos räwer, tau den Mann, de ehr of en por Schritt entgegen kamen was un nu an en Bom lehnte, as Ein, de in 'n Drom wannelt un den Grund unner de Fäut verliert.

Se feken sich an, ja, sei beden wider Ricks in den irsten Ogenblick, äwer dat was naug.

„Wenn sei 't man irst weiten!“ hadd Elisabeth seggt, — un sei wüßten 't nu, un dat was of naug.

De Bläder herwen't nich wider raschelt un de Bängel herwen't nich wider sungen, up de blage Glockenblaum ehren Reich stunn't nich schrewen, un de lütte Jung mit de groten, verwunnerten Ogen wüßt 't of nich tau vertellen, äwer wenn wi 't of nich weiten, Jedwederein kann sich dat up sine Ort utmalen, wat dor passiren ded. Un de Gesellschaft, as sei nah 'ne gaude Stunn'n taurügg kamm, kunn 't sich of vörstellen, denn sei funn dat ganz in de Ordnung, dat

Hans un Agnes dicht bin'nanner seten un dat ehre Backen, Lippen un Ogen en beten verdächtig rod wiren.

„Hurrah!“ rep de Doctor lustig, denn hei was wedder de Irst, „Das Brautpaar hoch!“

„Hurrah!“ repen sei All, un de Beiden fohrten up un wiren ümringt un bi de Hänn'n fat't un küßt un beglückwünscht, dat sei wirblich würden. Herr von Waldenberg schüddelte Hansen kräftig de Hand, hei funn Nicks seggen, äwer Lütting umarmte de Swiegerdochter un gaww ehr en Smaß up den finen Mund, dat dat man so knallte. Rührung un Freud' regierten tausam in de Harten un streben sich üm de Herrschaft, un sülwst de „Geborne“ funn dat herut, dat sei nich blot en adliges, sündern ok en Moderhart hadd. Un dat treckte sei de strahlende Brud un lächelte gnedig up Hansen, de sine ollen, vörnehmen Manieren wedderfunn un sich bückte, üm sine Swigermoder de Hand tau küssen. Äwer am seligsten, dat Brudpor utgenamen, was dat Swesternpor, dat sich up sin eigen Hand in'n Arm namen hadd un lachend un weinend ümmer ümschichtig säb: Nu is Allens gaud un richtig, wi hewwen All Recht hadd, un ditmal hewwen wi unsen Willen fregen. Am meisten äwer dat arme Hart, wat up den Kirchhoff slöppt. Un dat is glücklicher hüt noch, as wi All.“ — —

Na, un endlich gaww't ok wat tau eten! Un Augusting ehre Rät würd sihr lawt, Fru Entalia Hochwollgeburen makte sogar en sihr erstauntes Gesicht äwer de finen Gerichten, de up den bürgerlichen Ober-

försterdisch kemen, un äwer den gauden Druppen, de ut den Oberförsterkeller ruphalt würd, un sei wenn'te sich sihr fründlich an Auguste un löd sei in, ehr in de Residenz tau besäufen, denn — de von Adel eten of girn, wat gaud fast is. Na, dat was denn doch wat Minschlich's an de äwerböftige Fru, un Auguste säd ebenso fründlich, dat wull sei dauhn. As äwer de saftige Rehbraden up den Disch stunn, dunn klung oll Lütting an sin Glas un stunn up. Dor stunn hei, de olle ihrliche Knaw, so rund un so rob, as en Königs-appel, un de Degellen so glizerig, as ein Karfunkelstein, un de ganze Kirl von Kopp bet tau Fäuten idel Lust un Vergnügen.

„Hochgeehrte Anwesende,“ säd hei, von Natur bin ich zwar kein Redner, sondern ein Jäger und ein richtiger, denke ich! Trotz und alledem muß ich heut mein mir von Gott und unserm allergnädigsten Landesherrn angewiesenes Revier verlassen und auf einem fremden Gebiet rumpürschen. 's ist mir aber ein Bißchen unbehaglich darauf, und darum spüte ich mich, wieder runterzukommen. Denn wer kann wissen, was da im Hinterhalt lauert, und ob mir nicht das verd Wort vom Munde weggeschossen wird, daß ich's denn nachher nicht wiederfinden kann? Also kurz, meine Herrschaften, ich genüge einer angenehmen, einer sehr angenehmen Pflicht, wenn ich meine hochverehrten Gäste herzlich willkommen heiße. Sie leben hoch!“

„Hoch!“

„Danke Ihnen!“ Und noch Eins. Sie mögen

es meinem Vaterherzen zu Gute halten, wenn ich hinzufüge: Unser Brautpaar lebe hoch!"

„Hoch, hoch!"

„Danke, danke! Und noch Eins! Sie sehen mich hier als dreißigjährigen Förster, resp. Oberförster von Offendörp. Ich glaubte in diesen langen Jahren meine Pflicht erfüllt und meinem allergnädigsten Landesherrn treulich gedient zu haben. Aber dem ist nicht so, scheint nicht so zu sein. Denn mein gnädigster Herzog hat mir die erbetene Pensionirung verweigert, und meine Bitte, meinem Sohne mein bisheriges Revier und Arbeitsfeld zu übertragen, in Gnaden abgeschlagen. Weiter wollte ich Nichts sagen.“

De ganze Tafelrunn'n was still bi dese verdreitelichen Wärd' von den Ollen, de sich plumps wedder up sinen Stanhl sett'te. Hans bet de Lippen tausam un drückte frampfhast Agnes ehre Hand. De Regierungsrath smet den Oberforstrath en Blick tau, dor lagg so vel Schelmeri in, dat de kum dat Lachen verbiten kunn.

„Na, Gründting, ma' un scheit los! 'A is nu endlich Tid," säd hei, un de Oberforstrath räusperte sich un stunn up.

„Meine Herrschaften, ich kann zwar nicht in so schönen Bildern und Gleichnissen reden, wie unser Freund Lütting, obwohl auch ich von Natur ein Weidmann bin — —“

„Jh, dor sall denn doch glit! Sei willen mi hier noch mit Spott un Hohn unner de Ogen gahn?" rep

Lütting falsch, äwer de Regierungsrath un de Doctor repen dorgegen:

„Still, ausreden lassen!“

„Also, meine Herrschaften, das kann ich nicht! Aber ich habe Ihnen etwas Anderes zu sagen. Ja, meine Herren, es thut mir leid, aber ich kann nicht anders. Ich beschuldige unsern Freund Lütting hier, den alten, ehrenhaften, im Dienst ergrauten Nimrod des Hochverraths gegen unsern Landesherrn.“

„Gotts ein Dunner! Dit ward mi denn doch tau bunt!“ De Oll was uppsprungen un pust'te füerrood up den Collegen los. „Wat willen Sei? Hochverrath? Dor sall denn doch glit — —“

„Ruhe! Ausreden lassen!“

„So wes' doch still, Mann, un sett Di dal!“

Sei kregen em wedder up sinen Stauhl, un Herr von Waldbenberg kunn wider spreken.

„Ich muß dabei bleiben, Hochverrath!“

„Sitt still, Lütting!“

„Denn hat er sich nicht aufgelehnt gegen die weisen Beschlüsse unsers Landesherrn? Hat er nicht gemurrt, gezweifelt, sich beklagt in Ton und Worten ohne, ja, ohne die Tiefe der Erkenntniß, die ich so glücklich bin, vor ihm aufthun zu dürfen?“

„Hett sich wat! Tiefe? Erkenntniß? Dummien Snack! wat id weit dat weit id,“ brammte Lütting in'n Bort. „Hans, min ollen Jung, wat id dorbi dauhn kunn —“

„Und nun, meine Herrschaften, Scherz bei Seite!

Hier ist das Urtheil unseres allergnädigsten Landesherrn, Sr. Hoheit des Herzogs!"

Un de Oberforstrath freg en grot Poppir ut de Tasch un lek mit 'n flüchtigen Blick von Hans nah sinen Bader un von den wedder taurügg nah Hans: „Se. Hoheit bestimmt: 1) der Oberförster Lütting bleibt noch zwei Jahre auf seinem Posten, weil das für ihn und für den Forst in gleicher Weise gut ist. Nach Ablauf dieser Zeit erhält er seine Pensionirung mit Auszahlung seines vollen Gehaltes, so lange er lebt. 2) Der Förster Lütting vom Wildkamp wird in Anerkennung der außerordentlichen, von ihm geleisteten Dienste auf die Oberförsterei Ostenwalde versetzt, deren Gehaltswerth um die Hälfte erhöht werden wird. Nach zwei Jahren steht es ihm frei, Ostenwalde mit Offendorf zu vertauschen, falls er diesen Forst vorziehen sollte! Folgen Unterschriften u. Was sagen Sie nun, Sie alter Rebell, hm?"

De olle Rebell säd gornicks, denn 't hadd em äwernamen, un de Annern hadden ehren Hög' sowoll äwer em, as äwer dat Brudpor, dat sich ahn Umständ'n üm den Hals sollen was.

„Agnes!"

„Hans!"

„Wo willst Du künftig wohnen?"

„Hier, natürlich hier!"

„Na, denn man tau," rep de Regierungsrath, „äwer irst will'n wi unsern Braden vertehren, denn de ward as en Nordpol so kolt."

Dat deden sei denn of All mit Lust un Leim, jülvst Hans un Agnes, un Hans stunn of up un bröchte, ahn dat't em swor würd, en Hoch up de allernedigste Hoheit ut un bedankte sich bi den Oberforstrath, as den Glücksbaden. De was sihr taufreden mit dejen Awer gang bi Hansen, un Agnes dacht bi sich: Wo gaud hei reden kann! Sei kann Allens!

Endlich was of dese Nummer von dat Festprogramm vörbi, un sei stunnen up, sihr satt un en beten mäud. Dunn namm de Regierungsrath dat Wurd:

„Bruderherz,“ säd hei tau Lütting un de beiden ollen Gesichter glänzten schön rosenrod von Win un Vergnügen — „wat meinen Sei hiertau? Unf' Fragenslüd nemen girn en por Dgen vull Nahmiddagsrauh, un weck anner Lüüd sünd dor, de herwen naug mit sich un mit Vertellen u. s. w. tau dauhn un brufen uns nich. Wo wir't mit en lütten Spaziergang?“

Girn, säd Lütting, hei wir dorbi.

„Wo heit dat Dörp, wat hier am negsten liggt?“ Sei röden dit un dat, 't was all nich richtig.

„Deipendal,“ säd Hermining.

„Richtig, min Kind, dat is 't! Deipendal! Un dor wohnt 'ne Möllerfru, de möt ick besäufen.“

„Aber Mann!“ famm dat von den Zofa her.

„Eulalia, das verstehst Du nicht. — Oberförster, de Fru möt ick besäufen, ich hab 's ihr versprochen, Eulalia! Ein Mann, ein Wort!“

„Schön,“ rep Lütting, „ick gah mit. Dat is ne düchtige Fru.“

„Nich wohr, Fründting. Dat heww ick ehr doch glif anseihn! Ja, un ick will ehr tau de Hochtid bidden.“

„Aber Mann, Mann!“ de „Geborne“ kamm vull Entsetzen up em tau.

„Rege Dich nicht auf, Eulalia, Geliebte! Du bist hier in einem falschen Revier, wie unser Bruder Oberförster sagt. Aber ich bin auf der rechten Fährte, und daß die Sägerei ansteckend ist, das merke ich jetzt, denn ich fühle mich auch gedrungen, Jagd zu machen, nicht auf Rehböcke, sondern auf hübsche Müllerfrauen.“

Eulalia slog de witten Hänn'n tausam un keß Hülp säukend von Einen taum Annern, ärwer sei sunn fein, un ehr Mann namm de lütten, witten Hänn'n in sin un säd mit Nahdruck:

„Beruhige Dich, Seele meiner Seele! Wenn Du erst weißt, was wir der Frau schuldig sind, wirst Du mit mir einverstanden sein. Heiliger Drama! Wenn Du bei dem Anfang meiner Bekanntschaft mit ihr zugegen gewesen wärst, wie sie hilflos und verlassen in den Straßen der Residenz umherirrte, und wie sie mir ihr Mißgeschick erzählte, und wie die Herzogin kam, Bierelang, und wie ich ihr zeigte, wie sie knizen mußte, und wie sie knigte und dabei ihren Pantoffel verlor! Ich sage Dir, Eulalia, Du würdest sie in Dein Herz geschlossen haben, wie ich sie in meins.“

Aber das ist noch Nichts! Der Hase liegt noch ganz wo anders im Pfeffer. Sie ist der Hauptmacher von der ganzen Geschichte hier, nicht wahr, Hermining? Und von der ganzen Verlobung, nicht Agnes? Und,

Eulalia, ihr verdankst Du es, wenn Deine Tochter an den rechten Mann kommt! Also, gieb Dich zufrieden und sieh nur das erstaunte Gesicht von Deinem Schwiegersohn! Haha! Na, laßt's Euch erzählen von Hermining, nicht wahr, Hermining? Und die Butter und das Huhn nicht vergessen! Ja, sie hat ein Hühnchen mit uns Allen gepflückt, das ist noch 'ne resolute Frau! Un nu kumm, Bräuding, lat sei man sein, wo sei dormit taurecht kamen, äwer ick will up de Hochtid tüschen mine Eulalia un mine Möllerfru sitten. Adjüs, Theure, schlaf' wohl und lächle mir, wenn ich heimkehre!"

Ja, so was't, un de Regierungsrath würd dat dörschett't hewwen, dat de Möllerfru bi em seten hadd, as in'n Frühjohr de Hochtid von Hans un Agnes was, äwer sei was klaut naug, siß uttaubidden, dat sei wegbliven dürrwt, sei had naug von de Ihr! Sei gewünn dordörch un dörch en schönen, gelen Botterklump un en por Mandeln frische Eier Eulalia'n ehr Hart wirklich un lewte furtan in grote Taufredenheit bet an ehr selig Enn'n, denn sei hadd dat vulle Bewußtsein, dat kein Anner as sei dat glückliche Por up Forst Ostenwald tausam bröcht hadd.

Nah twee Johren tog Lütting un sin Fru mit Augusting nah Alatschhagen, un Hans un Agnes wahren nu in Offendörp. Frizing is en hellschen Jung worden un all up de Forstakademi un verbreiht ebenso vel lütte, dämliche Mätens den Kopp, as ehedem sin Bader. Äwer 't schad em nich, Erfahrung is en gauden Wacht-

meister, seggt Hans un tüht Frizing so, dat hei in jeder Ort en rechtes Vörbild för sine jüngern Geswister is.

Von Augusting möt'ick noch berichten, dat sei wirklich unverfrigt blewen is un en lewigen Bewis dorför givwt, dat dat gor nich nödig deiht, dat alle Mätens frigen. Sei verlangt gor nicks Veteres, as ehre ollen Öllern tau plegen, un wenn dat ok nich mihr nödig deiht, denn treckt sei wedder nah Offendörp, dor find't sei gaude un segensrike Arbeit naug mang Hans un Agnes ehre Gören un in ehre Wirthschaft. — —



Carl Schünemann's Buchdruckerei. Bremen.

7-
ban



